


ԹԻՖԼԻՍԻ ՀԱՅՈՅ ՀՐԱՏԱՐԱԿՈՎՈՒՆ, ԸՆԿԵՐՈՒԹԻՒՆ,

№ 79.

Ծ Ի Ր Վ Ա Ն Զ Ա Դ Է

Վ Ե Պ Ի Կ Ն Ե Ր



ԹԻՖԼԻՍ
Ցպարան Մ. Գ. Առաքելեանցի.

Տիպոգրիա M. D. Rotinianca, Гол. пр., д. № 41.

1894

2013

-5 NOV 2013

118 VIII 6-

ԹԻՖԼԻՍԻ ՀԱՅՈՑ ՀՐԱՏԱՐԱԿՉԱԿԱՆ ԸՆԿԵՐՈՒԹՅՈՒՆ.

1518

Ակրեա

№ 79.

1518

այ

Ճ Ի Ր Վ Ա Ն Զ Ա Դ Ե

Վ Ե Պ Ի Կ Ն Ե Ր

581



«Թաթման և Ասաղը»
«Թանգաղին կապանիք»
«Օրիորդ լիզա»

ԹԻՖԼԻՍ

Տպագրան Մ. Դ. Ռոտինանց Եանց ի համար

Տպոգրաֆія М. Д. Ротиніанца, Гол. пр., д. № 41.

1894



ՓԱԹՄԱՆ ԵՒ ԱՍԱԴԸ

Պատկեր թուրքերի կեանքից

I

Շահարի-Շիրվանի ցերեկու այ հեղձուցիչ
տօթից թմրած կեանքը իրիկնադէմին կենդա-
նութիւն էր ստացել։ Բազարում աիրում էր
անասելի աղմուկ։ Մրգավաճառները, կանաչե-
ղէն և կաթն ու պանիր ծախողները, ձայն
ձայնի առած, արևելեան զարդարուն խօսքե-
րով գովարանում էին իրանց ապրանքը։ Վա-
ճառականների և արհեստաւորների խանութ-
ները փակվում էին, հայ ու թուրք վերադառ-
նում էր առն։

Հեռուում զօղանջում էին քրիստոնէական
եկեղեցիների զանգերը, իսկ Զումա-մասճիթի
մինարէժի գագաթից մօլլա Խալիլի ազանի^{*)}
սուր ելեէջները քարասիրտ միսուլմանի սիր-
տըն անգամ բորբոքում էին աստուածացին

^{*)} Մօլլալի կոչը—միսուլմաններին աղօթքի հրա-
միրելը.

Дозволено цензурою. Тифлисъ, 17 Июня 1894 года.



(Կ108/
41)

1518-2013
Դ.Ց. 1511

հրով։ Բարեպաշտները խորին ջերմեռանդութեամբ սալաւաթ *) էին քաշում իրանց երեսին, նամազ **) էին գնում և, մասճիթների աւագանների մօտ կըզած, դեաստամազ ***) էին անում։ Ամենքը փառաբանում էին մէն մի Ալլահին և նրա մէն մի մարդարէին։

Մռայլ և անտարբեր էր նոյն ժամին մի երիտասարդ անցորդ։ Եւ նրա մռայլութիւնը չէր նմանվում ոչ դաժանակեաց մռւրացկանի թշուառութեանը, ոչ նաւը խորտակված վաճառականի թախծութեանը և ոչ հինգ նամազից մէկն էլ չըկառարած միսուլմանի անձկութեանը։

Նա անցնում էր միջին բազարով, բարձրանում էր դէպի քաղաքի Խմամլու կոչված թաղը։ Ոչոք և ոչինչ չէր դրավում նրա ուշադրութիւնը։ Եւ նրա ուղղափառ միսուլմանա-

*) Սալաւաթ նշանակում է աճն, երբ միսուլմանները փշում են Մահամմէդին, իրանց երեսը աջ ձեռով շինուի։

**) Աղօթք։

***) Լուացումն։ Միսուլմանները աղօթելուց առաջ լուանում են իրանց երեսը, բազուկները և ուները։ Այս արարողութիւնը անուանվում է «դեաստամամազ»։

կան զգացումները չէին վրդովվում երեւելի դարվիշ Ահաղի դէմ, որ, հայերին շողոքորդելու համար, իւր ոգեսորիչ ձայնով երգում էր։

«Յիսուսն իջաւ վայր—երկնքից, նա լուր բերեց—այն աշխարհից... (իսա գեալի—սամավաթտան, խարար վերդի—գիամեաթտան...)»

Երիտասարդը գնում էր մոլոր քայլերով, դրտիւր կրծքին թեքած և աջ ձեռը խրած մէջքի արծաթեայ գօտիի մէջ։ Կասես, նա անբաղդ Մեաջնունն էր, որ, իւր հօր տունը թողած, զիմում էր Արաբիայի ամայի և հրակէզ դաշտերը, երգելով իւր սէրը և էցլին։ Նա նման էր և մեծ մարդարէի սիրեցեալ Քէյրին, որ, երեւակացութեան ովկիանուը խորասուզված, յօրինում էր մինն այն դրախտային երգերից, որոնցով արաբ շահիրը *) ախորժանք էր նուրիրում մարդարէից մարդարէի սրբազն լսելիքին։

Անցաւ նա բազարը, անցաւ Խմամլուի կէսը և, ծովելով մի նեղ փողոց, կանգ առեց մի կիսաւեր տան առջև։ Փողոցում մարդ չըկար, միայն հեռուում խաղում էին մի խումբ երեխաներ և մի ոտարոբիկ, կիսամերկ մարդ հաւաքում էր բաղնիսի պատերից քարշ արածներմակեղէնը։

*) Բանաստեղծ։

Նա հանեց աջ ձեռը գոտիի միջից, ուղղեց ուղտագոյն չուխայի և մահուգեայ մեխակագոյն կարճ արխալուղի (պամկոն) փեշերը, շփեց նորաբոյս, սևաթոյր ընչացքը։ Նա մի հսկայատիպ տղա հարդ էր։ Եիրվանի յայտնի տղամարդներից մէկը, յայտնի իւր արիական դէմքով, իւք բարձր հասակով, իւր վայելուչ կազմուածքով, իւր անվեհեր սրտով։ Մի խօսքով, նա սարի-թորփաղցի Ասադն էր։

Ձեռները չուխայի տակ մէջքին դրած, նա երկար ժամանակ մտիկ էր անում դէմ ու դէմ, դէպի մի փոքրիկ նորաշէն տան մուգ-մոխրագոյն դռները։ Նրա մերթ ընդ մերթ հառաչելը, կրակոտ աչքերի արտասովոր փայլը և անհամբեր շարժումները ցոյց էին տալիս, որ նա մէկին սպասում է։

Յանկարծ նրա տիրամած դէմքի վրայ փայլեց մի ուրախ ժպիս։ Մուգ-մոխրագոյն դռներից մէկը հանդարտ բացվեց, երևաց մի երիտասարդ կնոջ գլուխ, ծածկած մետաքսեայ ճութիսիով (գլխնոց) և ճակատը զարդարած տաճկական ոսկիների շարքով։

Ասադը թռաւ առաջ, մօտեցաւ նորաշէն տանը։

Մարդ շատ նուրբ լսելիք պիտի ունենար, որ կարողանար ըմբոնել երիտասարդ կնոջ շը-

չիւնը։—Անքան թոյլ էր նա, երկչոտ և կցկը-տուր։

Եւ Ասադի լսելիքը ունէր այդ նրբութիւնը, ունէր լոկ այդ վարդագոյն շրթունքների համար, որ սփռում էին դէպի նա երկնային երջանկութեան բուրմունքը։ Նա կանգնած էր մուգ-մոխրագոյն դռներից հինգ քայլաչափ հեռու, մէջքը տուած պատին՝ պատահական անցորդի անհամեստ հայեացքից աննկատելի մնալու համար։

Ինչ էին շշնչում նրանք, գիտէ միայն նա, Որ քննում է մահկանացուների սիրտը և Որի համար գաղտնիք չը կայ։ Իսկ մենք մեղանչած կը լինենք ճշմարտութեան դէմ, եթէ ասենք՝ շշնչիւնը տևեց հինգ րոպէից աւելի։

Մուգ-մոխրագոյն դռները կրկին փակվեցին, և տաճկական ոսկիներով զարդարված գլուխը անյայտացաւ, տանելով իւր հետ Ասագի խորին հառաչանքը։ Նա դարձեալ մնաց միայնակ։ Այժմ նրա դէմքը այլայլված է, աչքերը արիւնի հոսանքից կարմրած, իսկ արիական լայն կուրծքը յորդոր շնչառութիւնից ուժգին բարախում է։

—Ամենակարող Աստուած, տուր ինձ համբերութիւն, —արտասանեց նա ինքն իրան։

Եւ այս խօսքերը չըկարողացան թափանացել ամուր փակված դռներից ներս։ Նա դարձեալ սպասում էր, բայց աւաղյա մուգ-մոխրագոյն դռները հետզհետէ մթնանում էին—և ոչ բացվում։ Նա, քաղցած դայլի պէս, քիթի տակ խուլ մնչալով, ամայի փողոցում շրջում էր յետ ու առաջ։

Մութը թանձրանում էր, կապտագոյն երկնքում փայլում էին պայծառ աստղերը, տիրում էր թախծալի լոռութիւն, բազարը իսաղղվել էր։

Հեռուից լսվեց քայլերի ձայն, փողոցի անկիւնում երևեց մի մթին պատկեր։ Ասադը շարունակ անցուղարձ էր անում։

Պատկերը փողոցի մշջաեղով գանդաղութեամբ շարժվում էր առաջ։ Ասադը չէր լըսում նրա տոների ձայնը։ Պատկերը բոլորովին մօտեցաւ։ Նոյն վայրկեանին, երբ Ասադը յետդարձաւ, նրա ծխախոտի կրակի աղօտ ճառագայթը լուսաւորեց... միջահասակ, գէր մարմնով, կարճ և հինայած միրուքով մի մարդու Մարդը, Ասադին ճանաչելով, զարմացաւ և տեղն ու տեղը մնաց բեկոված։

Ո՞վ էր նա...

II

Եօթն անդամ լուսինը շրջան էր գործել այն օրից, երբ Ասադի աչքը կպաւ իմամլուցին մօլլա Ղանիի աղջկան, Ֆաթմային։ Առաջին անդամ նա տեսել էր նրան Սարի-Թորփաղ թաղում։ Ֆաթման հիւր էր իւր Բաղիմ աթաղում։ Ֆաթմային մօտ, որ սարի-թօրփաղի Խալիլ աղայի կինն էր։

Նոյն պահին, երբ Ֆաթման իւր քրոջ տան բագում առանց շալի նստած էր, Ասադը իրանց տան կտրում աղաւնի էր թոցնում։ Նա տեսաւ Ֆաթմային, և իսկոյն սիրալ կրակընկաւ։

Եւ մը պարսիկը խաղաղ կը մնար, եթէ մի վայրկեան տեսել էր Ֆաթմային, նրա սաթի պէս սե աչքերը, կամարակապ ունքերը, ճակատի կոլորիկ խալը, երկար թերթերունքնեկատի կոլորիկ խալը, երկար թշերը, սպիտակ, լիք-լիք կոկորը, կարմիր թշերը, սպիտակ, լիք-լիք կոկորը և մանաւանդ բարակ զանառուզ շապկի տակ թագնված այն երկու նոները, որ շալ-շախ դողդողում էին, երբ Ֆաթման սիրանեմ քայլում էր։

Այդ օրից սկսած Ասադը գիշեր ու ցերեկ տանջում էր իւր մօրը, որ վերջինը անպատճառ հարսնախօս լինի Ֆաթմայի համար։ Պա-

ուաւ Նուրջըհանը մի անգամ փորձեց Բագիմի
մօտ ակնարկութիւն անել, բայց մի այնպիսի
պատասխան ստացաւ, որ ստիպվեց այլ ևս
յաւթեան չըխօսել այդ մասին:

Ֆաթման գեղեցիկ էր և բաւական հա-
րուստ. շատ բէզեր և հաջիներ կը կամենային
նրան կին ունենալ: Բայց իբրև վճռված բան՝
իսոսում էին Հաջի-Ալեքպարի մասին: Հաջին
Խմամլու թաղի ամենասուաջին մարդն էր.
Իսկ ով էր Ասադը: —Մի հասարակ արծաթա-
գործ...

Բայց նա չը յուսահատվեց: Հաջի Ալեք-
պարի երեք ահագին քարվանսարաների և մեծ
անուան դէմ նա միայն մի զէնք ունէր — իւր
առնական գեղեցկութիւնը և քաջարտութիւ-
նը: Եւ նա վճռեց այդ զէնքի բոլոր ուժով
մըցել հաջիի հետ:

Մի անգամ Ֆաթման դարձեալ իւր քրոջ
տանն էր: Ասադը դարանամուտ եղաւ իրանց
տան կտրում և այնուեղից աչքունքով սկսեց
նետեր արձակել գեղեցկունու սրտին: Ֆաթման
լսել էր նրա անունը, գիտէր, որ նա գեղեցիկ
տղամարդ է, քաջասիրտ է և Սարի-Թօրփաղի
երիտասարդների պարագլուխը — ջահիլբաշին —
է: Ֆաթման տեսաւ Ասադին, ծիծաղեց, կար-
մեց և փախաւ ու մտաւ տուն:

Դա բարեգուշակ նշան էր: Ասադի յոյսերը
ամրացան: Բորբոքված սրտով նա, շատ ան-
դամ, երբ Ֆաթման երկար միջոց իւր քրոջ
տանը չէր երևում, գալիս էր Խմամլու թաղը:
Գալիս էր՝ գէթ հեռութից տեսնելու իւր սիրա-
ծին, որ գիշերը կարողանայ խաղաղ քնել:
Բայց նրան յաջողգում էր ոչ ամեն ան-
դամ: Միշտ փողոցը դաստարկ չէր լինում և
Ֆաթման անզրոյց, որ միշտ իւր գլուխը դռնե-
րից դուրս հանի:

Հաջի-Ալեքպարը Ֆաթմայի և Ասադի այս
գաղտնի և առ այժմ անմեղ յարաբերութիւնը
իմացաւ, մի անգամ էլ ինքն իւր աչքով տե-
սաւ Ասադին իրիկնադէմին Ֆաթմայի տան
դռների գէմուղէմ:

Նա երդիկեց Ասադի յիմար այցելութիւն-
ներին վերջ տալ: Եւ ահա իրիկնացին մթան
մէջ պատահմամբ երկու ախոյնանները կանգ-
նած էին դէմ յանդիման:

—Քեանիքր, — արտասանեց Հաջի-Ալեքպարը,
աջ ձեռը տանելով չուխայի տակ գէպի մէջքը:

Ասադը լուռ էր: Եթէ մի փոքր լոյս լինէր,
կարելի էր նկատել այն խորին արհամարհական
հայեացքը, որ նա ձգեց Հաջիի վրայ: Այն ինչ՝
Հաջին, աւելի ու աւելի մօտենալով, վերջապէս,
բոլորովին կտրեց նրա ճանապարհը:

— Սալեամ մեալիքըմ *), ասաց Ասադը,
զսպելով իւր յուղմունքը:

Առանց նրա ողջոյնին «ալէքիմ սալեամ»
պատասխանելու, Հաջին մի քանի քայլ յետ
դրեց և խրոխտ ձայնով արտասանեց.

— Վկաց է Աստուած, ես քեզ ճանապարհ
չեմ տալ, մինչև չես երդվիլ այսուհետեւ ոտ
չըդնել այս փողոցները:

Ասադը հեգնօրէն ծիծաղեց:

— Երդուիր, քեամֆր, — կրկնեց Հաջին, — այ-
նուհետեւ ճանապարհը բաց և դու մի անա-
ռակ քած»:

— Հաջի, — պատասխանեց Ասադը հանդարտ
ձայնով, — Ասադը իւր կեանքում արիւն չի
թափել, չի էլ ուզում թափել:

— Արիւն, — գոչեց Հաջին կատաղած, — դու
ինչ մարդ ես, որ արիւն թափես: Ի սէր Աս-
տուծոյ, նայեցէք, — շարունակեց նա, երեսը
մի կողմ դարձնելով, չընայելով, որ փողոցում
բացի երկու հակառակորդներից ոչ ոք չըկար,
— սարիթօրփաղցի մի լիտի երեխայ յանդըգ-
նում է Հաջի-Ալեաքպարի ձեռքից աղջիկ իւլիլ:
Ե՞տ, ինքը Ալլահը իմ ձեռքից մօլլա Սադըղի
աղջկան առնել չէ կարող, իսկ քեզպէս... շը-
ները...

*) Միւսուլմանների բարելը.

Ասադի արիւնը գլխովը տուեց: Բայց նա
տակաւին ոյժ ունեցաւ զսպելու իւր կատա-
դութիւնը և ասաց.

— Ֆաթման նրան կըդնայ, ում սիրում է:

— Հա, հա, հա, Ֆաթման սիրում է ար-
ծաթագործ Ասադին, հա, հա, հա...

— Աստծուն է յացնի... Բաւական է, հա-
ջի, երկուսը արդէն ունես, բաւական է, ագա-
հութիւնը տուն է քանդում, հաջի:

— Քառասուն կնիկ էլ ունենամ, էլի չեմ
թողնիլ, որ Ֆաթմային քեզ նման լրբերը
տանեն:

Ասադի համբերութիւնը հատաւ: Այլ ևս
նա անկարող էր տանել իւր հակառակորդի
անվայել յիշոցներ:

— Հարամ լինի քո գլխին հաջիութիւնդ,
աննամնւս, — գոչեց նա կատաղած.

— Զայնդ կտրիր, քեամֆր .. քէօ...

Վերջին բառը չաւարտած, Հաջի-Ալեաք-
պարը մի քայլ ևս յետ դրեց և չուխայի տակից
արագութեամբ մի ինչ որ սե բան հանեց: Ասադը մթան մէջ նշմարեց նրա չարագուշակ
շարժումը: Նա յարձակվեց Հաջիի վրայ, բըռ-
նեց նրա թւերից և այնպէս սաստիկ հրեց,
որ նա, տասը քայլ հեռու մղվելով, թաւալ-
վեց գետինը: Մինչև նրա ուշքի գալը, մինչև

«օգնեցէք, օգնեցէք» գոռալով բարձրանալը,
Ասադը վերցրեց գետնից ատրճանակը, ձգեց
դիմացի տան կտուրը և, քայլերը ուղղելով
դէպի վերև, անյայտացաւ խաւարի մէջ:

III

Դարձեալ երեկոյ էր, դարձեալ մուազզինե-
րը ազան էին տալիս, և քրիստոնեաների զան-
գերը հրաւիրում էին Աստուծոյ տունը հա-
ւատացեալներին: Քաղաքի արևմտեան կողմից
փչում էր մի հով զեփիւռ: Եւ որքան դիւրե-
կան լինէր այդ զեփիւռը, կարծես, նա զաբ-
րիստաններից *), մեռելների այդ մոայլ աշ-
խարհից, հնչեցնում էր մահու սոսկալի ձայնը.

«Մի հպարտանալ, ով ինսան **), վասն զի
քո վերջին ապաստանարանը այսուղ է»:

Իսկ ինսանը հպարտանում էր, իմամլու-
ցիները նամանաւանդ:

Հաջի-Ալեաքպարի բարձրաշէն տան առջև
խմբվել էին թուռվ մօտ տասը պարագլուխ—
երիտասարդներ: Մէջ տեղ կանգնած էր ինքը
Հաջին, ուսերին ձգած դեղնագոյն մետաքսեաց
աբան և ձեռին բռնած մի երկար կարմրակե-

*) Ղաբրիստան—գերեզմանատուն է:

**) Մարդ:

զեւ չիբուխ: Երիտասարդները, ձեռները գոտի-
ների վրայ դրած, խորին պատկառանքով լը-
սում էին Հաջիի հետեւեալ տրամաբանու-
թիւնը.

—Ամեն մի մարդ իւր թաղի սպատուի նա-
խանձախնդիրը պիտի լինի: Մենք, իմամլու-
ցիներս, մեր պապերի պապերից սկսած հպարտ
և պատուախնդիր ենք եղել, այժմ նամանա-
ւանդ պիտի լինինք: Յայտնի է Աստծուն, որ
արիւնս երակներիս մէջ բորբոքվում է, երբ
յիշում եմ այն քեաֆրի տղայ քեաֆրի այս
փողոցները այցելելը: Թքեցէք Հաջի-Քեարիմի
տղայ Հաջի-Ալեաքպարի երեսին, որ նա այն
երեկոյ լրբի փորը ծուխով չըլցրեց: Բայց,
ինչ անեմ, անիրաւը նապաստակի նման փա-
խաւ ձեռքիցս: Ես, բարկացած, ատրճանակս
ձգեցի կտուր: Վերջապէս, անցածը անցել է,
«ետեւից արձակողը գարշապարին կըխփէ»,
ասում է առածը: Այժմ պատիւը ձերն է, սա-
րիթօրփաղի տղայի մէկը յադզնում է ձեր
թաղի անունը խայտառակել, ձեր սպարտքն է
նրա ոտը կտրել այսուղից: Վալլահ, Բիլլահ,
Հաջի չըլինէի, այս բուկէիս, մետաքսեաց ա-
բաս դէն ձգելով, մի փայտ վերցնելով, մէն
միայնակ կըգնայի ամբողջ Սարի-Թօրփաղի
դէմ: Բայց ամօթէ, ձեզ պէս երիտասարդնե-

րը կանգնած, ինձ չըպիտի թողնէք, որ մի-
րուքս անպատռեմ: Ճշմարիտ եմ ասում:

—Այո, այն, Հաջի, ինչ ասել կուզի, որ
խոտակ ճշմարիտն էք հրամայում, —ասաց խո-
րոված ծախող Հեղբաթը, որի մի աչքը դուրս
էր եկել Մահառամի կոռուի ժամանակ:

—Լսում էք, ջահիներ, ամօթ մեր շիր
ու շնորքին, —մէջ բերեց Մէջին, Իմամլուի
ամենալաւ փայտ խփողներից մէկը:

Թռչնորս Ասկեարը, որ երևելի քար գցող
էր և երկու մարդու աչք էր հանել, մէկի էլ
սուր գոսացրել, ասաց, թէ յետաձգելը երկչո-
տութիւն է, թէ հէնց այսօր իսկ պիտի թա-
ղակոիւ սկսել Սարի-Թօրփաղի հետ: Այս միտ-
քը բոլորը ընդունեցին: Բայց Հաջին չէր
շոապում: Նա, պարագլուխ երիտասարդներին
մէկ մէկ ծխախոտ նուիրելով, ասաց.

—Մի վռազէք, բոլորովին մի վռազէք,
այսօր չըլինի, վաղը լինի, զանազանութիւն
չունի: Բայց մի բան կայ:

—Հրամայեցէք, Հաջի, հրամայեցէք, —
ասացին միաբերան բոլոր պարագլուխները,
ձեռները կրծքներին դրած, գլուխ տալով նո-
րին հաջիութեան:

—Դիցուք հէնց հիմայ թաղակոիւ է, —
շարունակեց Հաջին, չիրուխը բերանից հանե-

լով և միրուքը շփելով, —իմ կարծիքով, մեր
կուիւը մի կոպէկի արժէք չի ունենալ, եթէ
այս կռութից անմնաս դուրս կըգայ ինքը,
սկզբնապատճառը:

—Ասմդր, —հարցրին միաբերան բոլորը:

581 15/18-2013

(41008)

—Այս, Ասադը, —պատասխանեց Հաջին, —
երդվում եմ Ալիի սուրբ անունով, որ ձեր
սրբազն պարտքն է նրան ոչնչացնել, ինչ-
պէս լինի, ոչնչացնել: Հեղբաթ, նախ և առաջ
փայտ նրա գլուխը պիտի ջարդ ու փշոր
անի: Ասկեար, քար ձգելիս, նշաւակ պիտի
վերցնես նրան, նոյնպէս և ձեզանից իւրա-
քանչիւրը: Լսում էք:

—Բար չէշմա, բար չէշմա (աչքիս վրայ),
—ասացին ամենը մի առ մի, ձեռները դնե-
լով իրանց աչքերի վրայ և գլուխ տալով
Հաջին:

—Կեցցէք, ջահիներ, կեցցէք, դուք իս-
կական տղամարդներ էք, —հաւանեց Հաջին
գոհ սրտով: —Հիմայ շնորհ արէք գնանք մեր
տուն չայ խմելու: Այստեղ մենք կը խորհր-
դակցենք կոռուի մասին:

Պարագլուխները ամաչելով, քաշքավելով,
միմեանց երեսին նայելով, հետեւցին Հաջի-
Ալեաքպարին և մտան նրա տունը:



IV

Առաւօտ էր: Սարիթօրփաղի իննը-մատուաւոր Մահմուդը, իւր խանութի առջև կանգնած, Շիրազի պիսակաւոր մորթուց կարած մի գդակ էր թրջում և ճիպոտով ծեծում: Այդ միջոցին իմամլուցի զդակիարող Մէջթին դիտմամբ անցաւ նրա առջևով: Մահմուդը անգիտակցաբար մի քանի կաթիլ ջուր սրակեց նրա վրայ: Մէջթին կանգնեց և բերանից բաց թողեց մի շատ անվայել ցիշոց. Մահմուդը ներողութիւն ինդրեց: Մէջթին, որ երեկոյեան Հաջի-Ալեաքպարին և իւր ընկերներին խօսք էր տուել կոռուի առիթ տալ, մի աւելի սուր ցիշոց արտասանեց Մահմուդի երեսին: Մահմուդը նամուսով մարդ էր, Մէջթին պատասխանեց ըստ կարգին, և փոխարէնը վերջինից սուացաւ մի պինդ ապտակ:

Իմամլուցիները պատրաստ էին, մի վայրկեանում թափիլցին Մահմուդի վրայ: Միւս կողմից եկան մի քանի սարիթօրփաղիներ, և սկսվեց մի թեթև կռիւ: Խակոյն գդակփարողների խանութները փակվեցին: Ծեծված, ջարդու փշոր եղած սարիթօրփաղիները շտապեցին իրանց թաղը: Ճանապարհին նրանք անցքը պատմեցին արծաթագործ Ասադին, որ

կոռուի սկզբնապատճառն էր:

Ասադը կռվելու տրամադրութիւն չունէր, բայց պարագլուխ էր, պարտաւոր էր միջամտել՝ իւր ընկերների վիրաւորված պատիւը վերականգնելու համար:

Կայձակի արագութեամբ ամբողջ բազարում լուր տարածվեց, թէ քաղաքի նմամլու և Սարի-Թօրփաղ թաղերը ոտքի են կանգնել միմեանց դէմ, տեղի պիտի ունենաց կատաղի կռիւ: Ոչ միայն կռվող թաղերի բնակիչները, այլ և շատերը միւս թաղերից կողպեցին իրանց խանութները՝ եթէ ոչ կռուին, գոնէ հանդիսին մասնակցելու: Դա շամախեցիների հնաւանդ սովորութիւնն է:

Հաջի-Ալեաքպարը, մեծ փողոցի անկիւնում կանգնած, խրախուսում էր երիտասարդներին, որոնց թւումն էր և Ֆաթմացի եղբայր Հաշիմը: Նախ, իրանց չուխաները հանած և թեկերի վրայ իրեւ վահան փաթաթած, երկու կողմերից ասպարէզ մտան պատանիները: Նատ չ'անցած՝ մէջ մտան մեծերը, և թաղակռիւը սկսվեց:

Քաղաքի միջին շերտը ծածկվեց խուռն ամբոխով: Ներկայ էին և քրիստոնեաները. հեռուում հաւաքված, կամ բարձր կտուրների վրայ կանգնած, նրանք ականատես էին, թէ

ինչպէս երկու արիւնակից և կրօնակից համայնքներ աշխատում են միմեանց արիւնը թափել:

Կռիւը տեղի ունէր միջին, ամենաընդարձակ փողոցում: Հազարաւոր քարեր երկու կողմից տեղում էին կովողների գլխին: Բոլոր զբահաւորված էին փայտերով, բայց «Փայտակուիւ» դեռ չէր սկսվել, որովհետեւ ախոյեանները տակաւին հեռու էին միմեանցից: Կոտրատվող ապակիների զբնկոցը, ուների արոփիւնը, կանանց և մանուկների ճիչը, ջահիլների վայրենի աղաղակիները քանի գնում, սաստկանում էին և ահոելի դառնում:

Մի քանի պոլիցիականներ միջամտեցին, որ կովողներին բաժանեն, բայց փայտի մի քանի հարուածներ՝ ստանալով, յետ մղվեցան և փախան, մտան հանդիսականների մէջ: Անզօր անցան և աղսախկալների (ծերունիների) խըրատն ու սպառնալիքը:

Թուչնորս Ասկեարը իւր՝ գնդակի նման արձակած՝ քարերով արդէն երկուսի կուռը թուլացրել էր և փայտը ձեռից գցել:

Խորոված ծախող Հէյբաթը կատաղի գոռում էր, փայտը զարկելով գետնին, չուխավահանը բարձրացնելով և վեր ու վայր թըռչուակ:

Յանկարծ Խմամլուն թնդաց, և գդակ կարող Մէյթին, շիրազի փափաղը աչքերին քաշելով, կարկուտի պէս թափվող քարերի տակ վագեց առաջ: Նրան հետեւեցին Հէյբաթն և Ֆաթմայի եղբայր Հաշիմը: Հակառակ կողմից աւելի կատաղի գոռալով, վագեց ընդամից, աւելի կատաղի գոռալով, վագեց ընդամաջ գդակ կարող Մահմուդը, նաև, որ Մէյթիից ապտակ էր ստացել:

Փայտի կռիւը սկսվեց:

Օդի մէջ ֆրֆոռում էր մի կարմիր աստառով չուխա: Ամենի հայեացքը յառված էր նրա վրայ, ամենի ուշադրութեան կենտրոնը նրա նա էր: Նա գոռում էր առիւծի պէս, և նրա ձայնի դղրդոցը տարածվում էր հեռու ու հեռու:

Խմամլուն գրոհ տուեց, Սարի-Թօրփաղը յետ մղվեց: Ըսկան մի քանի վիրաւորվածներ: Կանանց ճիչը սաստկացաւ. մայրելը ողբում էին, հայրելը անիծում իրանց փուչ զաւակներին: Թիֆան էր:

Եւ այս բոլորը ինչնւ: — Մի աղջկայ համար: Բայց ուր էր նա, ինչ էր անում այդ սարսափելի բոպէին:

Ահմագ աղայի բաղնիսի կտրում հաւաքված էին մի խումբ կանայք և, դժբէթների ված էին գիրում կուչ եկած, գիտում էին կռիւը: Ամեւտեւում կուչ եկած,

նից առաջ, կտուրի ծայրում, աներկիւղ, համարձակ կանգնած էր Ֆաթման, այս, ինքը Ֆաթման։ Ախ, լաւ է, որ մայրերը չըգիտեին, թէ նա է կոռուի բուն պատճառը, եթէ ոչ պատառ պատառ կանէին նրան իրանց սիրեցեալ որդիների համար։ Աշխատում էին Ֆաթմային յետ քաշել, չէին կարողանում։ Եւ նվ կարող էր, քանիոր անցաղթելի զօրութեամբ նրա ուշք ու միտքը, հոգին ու սիրութը բւեռված էին մի կէտի վրայ... կարմիր չուխան։

Ահա ամենը փախան, ասպարէզ բացվեց և մեն մենակ մնաց կարմիր-չուխան։ Իմամլուները սրնթացին դէպի նա, և ամենից առաջ Հէյքաթը, Մէյթին և Հաշիմը։ Արդեօք կրփախչի կարմիր-չուխան, թէ կը դիմանայ միայնակ այդ կատաղած ամբոխին. արդեօք Հաշիմը կենդանի դուրս կըդայ այդ կոռուց։ Ինչու Ֆաթմայի եղբայրը մասնակցում է. եթէ նա չըլինէր, այն ժամանակ թող բոլոր իմամլուցիները կոտորվէին և մատաղ դառնային կարմիր-չուխայի մի մատին։

Մինչ գեղեցիկ Ֆաթման տանջվում էր այս մոքերից, կոխւը սաստկանում էր ու սաստկանում։ Սարիթօրփաղցիները, օգնութիւն ստանալով, հարիւրաւոր բազմութեամբ վազում

էին առաջ ու առաջ։ Հէյքաթը, Մէյթին և Հաշիմը շրջապատեցին կարմիր չուխային։ Ֆաթման ակամայ ճչաց, բոպէն վասնգաւոր էր։ Նա տեսնում էր, թէ ինչպէս իւր եղբայրը, Հաշիմը, փայտի հարուածներ է տալիս կարմիր չուխաւորի գլխին։ Միւս կողմից խփում էին Հէյքաթը և Մէյթին։ Ֆաթման նկատեց, որ Հէյքաթը և Մէյթին չուխամային ուշադրութիւն չէ գարձնում կարմիր-չուխան ուշադրութիւն և մարձնում Հաշիմի վրայ, և միայն պատասխանում է միւս երկու ախոյեանների հարուածներին։ Անշուշտ նա խնայում է Հաշիմին։ Ֆաթմայի սիրաը թրթռաց. այսպիսի վեհանձնութիւն միայն Ասադը կարող է ունենալ, ուրիշ ոչ ոք։

Մէյթիի ձեռից փայտը վայր ընկաւ, և նա փովեց Ասադի ոտների տակ, նոյն վիճակին արժանացաւ և Հէյքաթը։ Կեցցէ կարմիր չուխան։ Նոյն վայրկեանին Ասադի ճակատում փայլեց մի կարմիր գիծ, որ, վայր իջնելով, արագ-արագ ծածկեց նրա ամբողջ երեսը և կուրծքը։ Դա թունորս Ասկեարի քարի հետքն էր։ Ֆաթմայի ոտները թուլացան։ Բայց ահա էր։ Ֆաթմայի ոտները թուլացան։ Բայց ահա Ասադը, մի քիչ տաստանվելուց յետոյ, գրպանից հանեց մի սպիտակ բան, փաթաթեց ճակատին և արիւնաշաղախ երեսով, մոնչալով, աւելի կատաղի զօրութեամբ թռաւ առաջ։

Իմամլուն փախաւ։ Ֆաթման բնազդմամբ
յետ նայեց, բաղնիսի կտուրը գաստարկվել էր,
կանայք փախել էին։ Նա մտիկ արեց ներքեւ,
սարիթօրփաղցիները մօտենում էին ու մօտե-
նում, Ասադի փայտը որին կպչում էր՝ նա
թաւալվում էր գետին։ Յանկարծ նա չքացաւ։
Ֆաթմացի աչքերը մթնեցին. սպանեցին ար-
դեօք նրան։ Նա բարձր ձայնով օգնութիւն
կանչեց և նստեց կտուրի ծայրում։

Մի քանի մարդիկ փողոցից մի երկար սան-
դուխտ դրեցին բաղնիսի պատին։ Ֆաթման
տեսաւ, որ ներքեւից Հաջի-Ալեքպարի ծա-
ռաները բարձրանում են վերև։ Նրանք ար-
դեն հասել էին սանդուխտի ծայրին և աղա-
շում էին ֆաթմացին, որ մօտենայ, բայց նոյն
վայրկեանին սանդուխտը նրանց ոտների տակ
դողաց և ճրճռալով ընկաւ փողոց, իւր հետ
տանելով Հաջիի ծառաներին։

Այդ պահին ֆաթման զգաց, որ ետևից
երկու ձեռներ դրկեցին իրան։ Խնչպէս յանկար-
ծակի որսված մի ճնճղուկ, նա մի վայրկեան
ճիգն արեց դուրս պլրծնել երկաթէ ունելիքի
պէս ամուր սեղմած ձեռներից։ Սակայն ոյ-
ժերը դաւաճանեցին նրան, և նա թուլացած
անձնատուր եղաւ անյայտ ձեռների զօրու-
թեան...

V

Եթէ ոչ ոստիկանութիւնը և աղսալսկալ-
ները, գոնէ բնութիւնը կարողացաւ կոխւը
ընդհատել։ Վրայ հասաւ իրիկնային մութը,
և ջահիների կատաղութիւնը շիջաւ։ Փոքր
առ փոքր կոռուին անմասնակից հանդիսական-
ների բազմութիւնը ցրվեց. կռվողները յոդ-
նած, ջարդու փշոր եղած, յետ քաշվեցին։

Յաղթող հանդիսացաւ Սարի-Թօրփաղը,
բայց Իմամլուն պարծենում էր արծաթագործ
Ասադի կոռուի ասպարիզից անյայտանալու լու-
րով։ Երկու կողմից վիրաւորվել էին քսանու-
հինդ մարդ, որոնցից երեքի դրութիւնը ան-
յուսալի էր։

Ջահիները, խումբ-խումբ փողոցների ան-
կիւններում հաւաքված, միմեանց հաղորդում
էին կոռուի մանրամասնութիւնները։ Հաջի
Ալեքպարին հաւատացրին, թէ արծաթագործ
Ասադը սպանվել է, կամ գոնէ վիրաւորվել։ Հա-
ջին հրամայեց՝ ջահիներին շարբեաթ բաժանել։

Մինչ նրանք խմում էին շաքարախառն ըմ-
պելիքը՝ մօլլա-Ղանիի տնից լսվեց յուսահատ
աղաղակների ձայն, և մի կին, մազերը փետե-
լով, ոտաբաց, գլխաբաց վազեց փողոց։

Դա ֆաթմացի հարազատ մայրն էր։

—Մարդիկ, աղջիկս չըկայ, մարդիկ, աղջիս փախցրել են, —գոռում էր խեղճ ջէջնաբը, ողբալով իւր գեղեցիկ դատեր կորուստը:

Այժմ միայն պարզվեց կոռուի ասպարիկից Ասադի անյացտանալու պատճառը: Ուրիշ ող կարող էր Ֆաթմային փախցնել, եթէ ոչ նա:

Իմամլուցիների գլխին սառն ջուր մաղվեց, ամենը ամօթից չիմացան՝ ուր թագյնեն իրանց գլուխը:

Իսկոյն ջահիլների միջից քսանի չափ կամաւորներ առաջ եկան, խոստացան անպատճառ գտնել Ֆաթմային և տուն բերել: Բայց դրա համար նախ անհրաժեշտ էր մուտք ունենալ Սարի-Թօրփակ:

Մի քանի ազսախկալներ գնացին և թշնամի բանակի ազսախկալների հետ ժամանակաւոր հաշտութեան դաշն կապեցին, որ հակառակորդները իրաւունք ունենան անարգել անցնել միմեանց փողոցները:

Մեծ պետութիւնների պատերազմը իւր կանոններն ունէ, շամախեցիների թաղակռիւն էլ ունէ իւր կանոնները, չըգրված, այլ պապերից աւանդօրէն յարգված և պահպանված: Թշնամութիւնը նրանց մէջ գործով երեան է գալիս միայն կոռու ասպարիզում, խաղաղութեան և զինաղուլի ժամանակ հա-

կառակորդները գէթ արտաքուստ յարգում են միմեանց:

Սակայն որոնող ջահիլները Ֆաթմային Ասադի տանը չըգտան, և ոչ էլ իրան, Ասադին: Ո՞րանց էին նրանք —իմացողները չասացին, չիմացողները ուրախացան, լսելով իրանց պարագլամի նոր հերոսութիւնը: Իմամլուցիների պատիւը պահանջում էր, ինչպէս և իցէ, այն գիշեր և եթ գոնել Ֆաթմային:

—Ով ինձ սիրում է, թող հետեւի ինձ, — գոչեց գունաթափակված Հաշիմը:

Նա իսկոյն վազեց տուն, իւր ձին թամքեց, զցեց ուսովը հրացանը, կապեց մէջքին ատրճանակը ու խանչալը և դուրս եկաւ: Քսան կամաւորներից նրան հետեւցին միայն տասնուշորսը:

—Ադա, դուք էլ գնացէք, —հրամայեց Հաշիմերաքպարը իւր երկու արար ծառաներին:

Սևամորթ խափշիկները ոստոստալով վազեցին տուն, մի-մի ահազին փայտ վերցրին՝ գուցակ, գնդականման, բևեռած ծացրերով, և մտան կամաւորների շարքը: Խումբը բաժանվեց երկու մասի. մէկին պիտի առաջնորդէր Հաշիմը, միւսին զումարբազ *) Հասանը: Վեր-

*) Խաղորդ, խաղամու, ոյրօք:

ջինը քաղաքի բոլոր խուլ ու մթին անկիւնները լաւ ուսումնասիրած էր, քսան տարի շարունակ «երեք-վեց» (իւչ-աշըդ) ասված խաղը խաղալով Շամախու բոլոր սրիկանների հետ:

Ամեն ինչ պատրաստ էր: Ղումարբազ Հասանը իւր խումբը առաջնորդեց քաղաքի գէպի ստորին մասը—Սեարդարի այգու կողմը, իսկ Հաշիմը իւր խմբով դիմեց հակառակ կողմը: Հաշիմը համոզված էր, որ Ասադը Խաթմալին տարել է կամ խանների գմբէթաշէն շիրիմների կողմը կամ՝ թթենիների այգիները:

Այբողջ գիշեր Իմամլու թաղում տիրում էր մի խուլ աղմուկ: Շատերը անքուն նստեցին փողոցում, իրանց տան դռների առջեւ, որ տեսնեն՝ ջահիների արշաւանքը ինչ ելք կ'ունենայ:

Անքուն էր և Հաջի-Ալեաքպարը: Եւ նրա անքնութիւնը միայն մի պատճառ ունէր. նրա պատիւը և անունը չարաշար վիրաւորված էին. նա ամբողջ թաղի գժգոհութեան և խուլ տրտունջների առարկան էր դարձել: Գործի էութիւնը ամենին յայտնվել էր, ամենը գիտէին, որ կոիւ յորդորողը նա է եղել և ինչից դրդված:

—Անէծք քեզ, չար Սաթայէլ, անէծք քեզ,
չար Սաթայէլ և ահ իլահ իլլալահ, Մահամ-

մաղի ռասուլ Ալլահ, —կրկնում էր նա անդադար, յուղլած անցուդարձ անելով իւր տան պատըշգամբի վրայ:

Հաջիի աւագ կինը, Գիւլնիզարը, ամուսնուց թոյլուութիւն ստացած, գնացել էր իւր ծնողների մօտ գիշերեւու: Նա սառնարիւն չէր կարող այդ գիշեր մի յարկի տակ մնալ այն մարդու հետ, որ երկրորդը բաւական չը համարելով, ուզում էր երրորդին ևս բերել, և այն էլ այդպիսի խայտառակութեամբ:

Կէս գիշերից անց՝ լուր տարածվեց, թէ Խաթմալին գտել են և բերում են: Արթունները քնածներին ևս արթնացրին, և, ամենը դուրս թափկելով, դիմեցին մօլլա-Ղանիի տան կողմը: Լուրը սուտ էր: Վերադարձել էր զումարբազ Հասանը իւր խմբով և պատմում էր, թէ քաղաքի ստորին կիսի բոլոր անկիւնները պլատել է, Ասադի ու Խաթմալի հետքն էլ չըկայ:

Հաշիմի խումբը գեռ չէր վերադարձել: Նրա մայրը ընկաւ Հասանի սոններին, աղերսեց, որ սա իւր խմբով օգնութիւն հասնի իւր որդուն: Ջահիներից մի քանիսը, սաստիկ յոգնած լինելով, գնացին քնելու: Նրանց փոխարէն դուրս եկան ուրիշ կամաւորներ, և Հաշիմը ուղեկիցների մէկ ու կէս անգամ աւելի թուով արշաւեց քաղաքի վերին կողմը:

IV

Վաղուց Ասադի գլխում միտք էր ծագել Ֆաթմային փախցնելու, ևթէ խաղաղ միջոցով ձեռք բերելը չըցածողվէր: Անակնկալ կռիւր խորտակեց նրա վերջին յոյսը. նա գիտէր, որ կռուից յետոյ այլ ևս անկարելի էր սպասել, որ Ֆաթմայի մայրն ու եղբայրը, մանաւանդ Հաջի-Ալեաքպարը, որ և է զիջողութիւն անեն:

Ուրեմն պէտք էր զիմել ծայրայեղ միջոցի: Հէնց որ կռիւր սկսվեց, Ասադը թամբեց իւր նժոյգը և վերցրեց երկիող հրացանը, զարարինա—ատրճանակը և դաղսատանցի Թէյմուրի շինած «եափունջի կիսող» խանչալը: Այս բոլորը նա յանձնեց գիծ Բեանդալիին և, մի մանէթ բաշխելով, պատուիրեց, որ հեռուից հեռու հետեւ նրան կռուի ժամանակ:

—Եթէ հարցնող լինի, ոչինչ չըպատաս- խանես, գիտես,—հրամայեց նա գիծ Բեան- դալիին, որ իսկապէս պատասխանելու ընդու- նակութիւն էլ չունէր:

Իւր յանդուզն մտադրութիւնը նա յայտ- նեց ամենամօտիկ ընկերներին և խնդրեց, որ օգնեն իւր ձեռնարկութեանը:

—Ուրախութեամբ կեանքներս կը տանք, — ասացին հաւատարիմ ընկերները, գովելով Ա-

սաղի հերոսութիւնը:

—Դուք միայն կռուի ժամանակ, —պա- տուիրեց Ասադը, —աչք գցեցէք. կռուրներին և Ֆաթմային յոյց տուէք ինձ: Մնացեալը իմ գործն է: Դուք խօմ ճանաչնեմ էք, տեսել էք նրան քրոջ տունը դալիս: Նա անպատճառ դրսումը կը լինի...

Այս պայմանադրութիւնից յետոյ, Ասադը թռաւ կռուի ասպարէզը: Եւ նա ինքն ամենսից առաջ տեսաւ Ֆաթմային: Հէնց որ սարիթօր- փասցիները գրոհ տուեցին, հէնց որ Մէջթին է Հէյբաթը յաղթվեցին, նա, կռիւր տարած համարելով, վազեց հնագ աղայի բաղնիսի ետեր, գտաւ ճանապարհը և բարձրացաւ կտուր: Նա հրեց և ձգեց մի կտուրից միւս կտուր ընդդի- մաղրող բաղնիսպանին, վազեց, և... գիտենք ինչ արաւ:

Օրն արդէն մթնել էր, երբ Ասադը, իւր թանդագին կողոպուտը ձիու վրայ դրած, հա- սաւ սարիթօրփաղցի Հաջի-Բակիշի այգին:

Այգեալան քեայբլահի Աբդուլլան շատ չար ու բարի տեսած, կեանքի բովով անցած մի ծերունի էր: Նա ճանաչում էր Ասադին և միշտ տեսնելիս մտաբերում էր նրա հօրը, որի հետ էր անցուցել իւր փոթորկալից երիտա- սարդութիւնը:

— Տղայ, այդ ի՞նչ է, — հարցրեց նա զարմացած, տեսնելով Ասաղին երեսը արիւնոտ, դլուխը փաթաթած և գրկում մի անշնչացած աղջիկ բռնած:

Ասալը համառօա պատմեց եղելութիւնը, և հինաւուրց «իգիթը» (քաջը) հրաւիրեց նրան իջնել ձիուց և իւր թանգարին կողոպուտի հետ թագնվել նրա խրճիթում:

Մինչ այգեպանի ջուր բերելը, Ֆաթման ուշքի եկաւ, սթափվեց, աչքերը բաց արեց և կրծքից արձակեց մի խորին հառաչանք:

— Ես եմ, Ֆաթմա, մի վախենալ, — խրախուսեց Ասաղը մեղմ և քնքոյց եղանակով, որքան թոյլ էր տալիս նրա կոշտ ձայնը:

Ֆաթման սարսափած ոտքի կանգնեց և գզզզփած մազերով, գունաթափ, ձեռները գըլխին խփելով, բացականչեց.

— Վայ մայր, վայ եղբայր...

Նա վագեց դէպի դուրս, Ասաղը յառաջեց նրան և ձեռներից բռնեց:

— Ի գուր մի տանջիլ ինքո քեզ. մայրդ էլ կենդանի է, եղբայրդ էլ, քոյրերդ էլ:

— Ինչու ես ինձ բերել այստեղ, — գոչեց Ֆաթման:

Ինչու, միթէ Ֆաթման չըգիտէ ինչու, միթէ կարծում էր, որ Ասաղը թոյլ կըտար

նրան ուրիշի կին դառնալ, միթէ...

Ֆաթման փոքր առ փոքր հանգստացաւ և սկսեց անխօս մնալ: Խսկապէս նրա յուսահատ աղաղակները կիսով չափ արուեստական էին: Նա հոգով ուրախ էր կատարված անցքին. Նրա երեակայութիւնը վաղուց ստեղծել էր մի այգպիսի հերոսութիւն Ասաղի կողմից, և նա ցանկանում էր իրագործված տեսնել իւր երեակայածը: Միայն ծերունի այգեպանի ներկայութիւնը դրդեց նրան մի փոքր աղմուկ բարձրացնել, որ մի գուցէ պատկառելի քեալբահին կարծէ, թէ երիտասարդ միտուլմանունին գուրկ է ամօթխածութիւնից:

Այսպէս է Շիրվանի թրքունու բնաւորութիւնը:

Այգեպանը նրանց համար ընթրիք պատրաստեց հաց, պանիր, վարունդ և կանաչեղին: Ամբողջ օրը թէ Ֆաթման և թէ Ասաղը անօթի էին անցուցել, ուստի այգեպանի համեստ իրիկնահացը նրանց համար Օրուշ-բայրամի «կաթնով փլաւից» համեղ էր:

Փոքրիկ խրճիթը լուսաւորված էր հնադարեան չիրազի (ճրագի) աղօա լուսով: Ծերունի քեալբահին աշխատում էր իւր հիւրերին զուարձացնել, պատմելով օրուայ եղելութեանը համանման դէպեր իւր կեանքից: Ա-

սադը սպրինած էր։ Նրա գլխի վէրքը սաստիկ ցաւ էր պատճառում, բայց նա աշխատում էր զսպել իրան, թէև մեծ դժուարութեամբ։

—Տղայ, ինչու շրթունքներդ դողդողում են, —հարցրեց այգեպանը, —չըլինի՝ վէրքունդացնում է քեզ։ Սպասիր, սպասիր, թաշկինակի տակից արիւն է հոսում։ Պէտք է դեղդնել, որ դադարի։

Այս ասելով, ծերունին իսկոյն իւր հնամաշ արխալուզի աստառից մի կտոր պատուեց, վառեց ճրագի բոցին և ձգեց գետնին։ Երբ կտորը բոլորովին այրվեց, նա սև մուրը հաւաքեց, ստիպեց Ասադին բաց անել ճակատը և մուրը թաշկինակով կապեց վէրքի վրայ։

Արիւնը արդարեւ դադարեց։

Այս գործողութեան ժամանակ Ֆաթման օգնում էր ծերունուն, անդադար պտտելով վիրաւորեալի շուրջը։

—Այժմ քնիր, —ասաց այգեպանը հայրական խնամքով, —ինչ վերաբերում է ապագային—վաղը կը մտածենք։ «Երեկոյեան բարիքից, առաւոտեան չարիքը լաւ է», ասում է մեր պապերի խօսքը։

Գիշերը խաղաղ էր, մուգ-կապտագոյն երկնքում պայծառ փայլում էին աստղերը, հե-

ռուից ժամանակ առ ժամանակ լսվում էին քաղաքային գիշերապահների աղաղակները։ Նրանց ձայնակցում էին Սարի-Թօրփաղի շները, դունչերը դէպի երկինք բարձրացրած, ասուղերի վրայ պոռալով։ Ծերունի այգեպանը, սնահաւասութիւնից դրդված, վճռեց արթուն մնալ և ամբողջ գիշեր դրսում խրճիթը պահպանել։ շների պոռալը վատ բան էր գուշակում։

Ֆաթման շորերը հագին, Ասադի չուխայի մէջ փաթաթված, քնած էր խրճիթի մի անկիւնում։

Միւս անկիւնում, այգեպանի անկողնում, պառկած էր Ասադը։ Մի ձեռը յենած հրացանի վրայ, միւս ձեռը գլխատակին դրած, նա ոչ քնած էր, ոչ արթուն, այլ մի տեսակ թմրած դրութեան մէջ էր։ Նրա վէրքը դարձեալ ցաւում էր, և ցաւում էր աւելի սաստիկ։ Բայց նա աշխատում էր ոչ հառաջել և ոչ անքանքալ։ Ֆաթմային չըզարթեցնելու համար։ Նրա գլխում պտտում էին ցերեկուայ անցքերը։ Մերթնա երեակայում էր իրան կոռւի ասպարիզում, աջ ու ձախ շրջապատված թշնամիներից, անձրեւ նման տեղացող քարերի տակ, մերթքաղնիսի կտրում, Ֆաթմային յափշտակելիս, և մերթ ձիու վրայ, իւր կողոպուտը գրկած, ապշած ամբոխի միջով արշաւելիս։

Յետոյ նա սկսեց խորհել ներկայի և ապագայի մասին։ Խշու պիտի անէ նա վաղը այդքեպանի խրճիթում երկար թագնվել անկարելի է, անշուշտ իմամլուցիները հանգիստ չեն բարձր, անշուշտ նրանք ամեն ջանք գործ կըդնեն ֆաթմային գտնելու, որ Ասադի արինի դնով իրանց թաղի պատիւը վերականգնեն։

Նա իւր մտքում վճռեց լուսաբացին վերցնել ֆաթմային, գնալ մօտակայ թիւրք գիւղերից մինը, այնտեղ մի մօլա գտնել և քերպին անել (պատկել)։

Շուտով նրա ամբողջ մարմինը սկսեց դողալ։ Նրա ատամները ակամայ զարնվում էին միմեանց, նա զգում էր սաստիկ ցուրտ։ Ցուրտը անցաւ, և նրա մարմնին տիրեց թմրեցուցիչ տաքութիւն։ Նրա միտքը պղտորվեց. նա քնեց կամ, ուղիղն ասած, սկսեց զառանցել։ Ահա ֆաթման գլխաբաց, ոտաբաց, ձի է նստում, Ասադին ևս հրամայում է նստել։ Նրանք Ասադին ևս հրամայում է նստել. նրանք արշաւում են հեռու ու հեռու, անձանօթ տեղեր։ Մի ամայի դաշտում, գետնից, երկար և ձիւնի պէս ճերմակ միրուքով մի մարդ է դուրս գալիս, մօտենում է և իւր ձեռում բռնած մի կարճ, սւե փայտով խփում նրան ուսին։ Ֆաթկարճ, սւե փայտով խփում նրան ուսին։ Ֆաթման և Ասադը մի ակնթարթում տեղափոխ-

վում են մի փառաշէն տուն, այսոեղ սկսվում է նրանց հարսանիքը։ Հիւրերը գուարճանում են, երաժիշտները նուագում են, պարիչները պարում են, ծառաները շարբեաթ են բաժանում։

Այդ միջոցին ներս է մտնում մի ոստիկան, յետոյ երկրորդը, երրորդը, և բոլոր բարեկամ հիւրերը դառնում են թշնամի իմամլուցիներ։ Ֆաթմային յափշտակում են, Ասադի ոսները ու ձեռները կապում են, երեսը դէպի յետ դնում են մի աւանակի վրայ և երեսին մուր են քսում։ Նրան տանում են Իմամլու։ Թշնամիները, շրջապատելով, քարեր են արձակում նրա վրայ, ծաղրում են, շվացնում, թքում են երեսին։ Մօտենում է ֆաթմայի եղբայր Հաշիմը, յետոյ գդակ կարող Մէջմին և մի քանի ապատակ են տալիս։ Ո՛հ, սարսափելի անպատութիւն, ախ, եթէ նրա ձեռները բաց լինէին, բոլորի պատասխանը կըտար։ Բայց ահա ոստիկանապետը խփում է նրա ուսին մտրակով, խփում է մէկ, երկու, երեք անգամ...։

Ասադը աչքերը բաց է անում.։

VII

Խրճիթը տակաւին մութն է, բայց գըռներից երեսում է, որ արևելքը շառագունել

է: Ծանրացած զլուխը մի կերպ բարձրացնելով, Ասադը իւր դէմ ու դէմ տեսնումէ մի մարդ:
—Ո՞վ ես դու, —հարցնումէ նա:
—Նտապիթ, տղայ, վէր կաց, գալիս են, —
պատասխանումէ մի ծանօթ ձայն:

Ասադը ոտքի է թռչում հրացանը ձեռին, վազումէ լորձիթի միւս անկիւնը և տեսնումէ, որ Ֆաթման դեռ քնած է:
—Ո՞վ է գալիս, —հարցնումէ նա:

Ծերունի այգեպանը նրա ձեռից բռնումէ և լորձիթի գոների մօտ տանում: Առաւոտեան աղօտ լուսով Ասադը հեռուում, այգու գրեթէ միւս ծայրում, նկատումէ ինչոր մարդիկ, լսումէ ինչ-որ խուլ սպառնալիքներ: Մարդիկ աւելի ու աւելի մօտենում են, ձայները աւելի ու աւելի պարզ են լսվում: Ահա ծառերի բների ետևից փոքր առ փոքր որոշ վում են եկողների դէմքերը. մի մասը ձիաւորէ, միւս մասը հետեակ, բոլորն էլ թրքեր են, և իմամլուցիներ: Մէկը ոսով շտապումէ ամենից առաջ:

Ասադը ճանաչումէ Հաշիմին:

Մի ակնթարթում նա թռչումէ ներս, հաւաքումէ մնացեալ զէնքերը և, Ֆաթմալին քնած թողնելով, դուրս է գալիս, լորձիթը կողապումէ, թիկն է տալիս դոներին, և կանգ-

նած՝ սպասումէ եկողներին: Փախչել և ֆաթմալին փախցնել անկարելի է, թշնամիները մօտիկ են, պէտք է պաշտպանվել: Բայց որ մէկի դէմ պաշտպանվել. նրանք մօտ տասնուհինգ հոգի են, իսկ Ասադը միայն մի ծերունի օդնական ունէ, որի միակ զէնքը յիսնամեայ ժանգոտված խանչալն է: Փոյթ չէ, թող գան, ոչ ոք չէ կարող Ասադի ձեռքից Ֆաթմալին խլել, քանի նրա շունչը բերանումն է:

Վերջապէս, իմամլուցիները գուրս եկան ծառերի ետևից և կանգ առեցին, լորձիթի դէմ ու դէմ կիսաշրջան կազմելով: Հաշիմը արագութեամբ հանեց ուսովը դցած հրացանը և, նշաւակ դնելով Ասադի կուրծքը, գոչեց.

—Անշարժ կաց:

Նրա օրինակին հետևեցին զումարբազ Հասանը, իննը մատնաւոր Սէյֆուլլան, շէկ Հէյդարը, մե Բաղըրը, քօռ Միթալլիմը և մի քանի ուրիշները: Եւ Ասադը իւր դէմ ու դէմ տեսաւ տասնից աւելի մե խողովակներ, որոնց մթին, մահաբեր ծակերը նայում էին ահռելի կերպով, ինչպէս տարտարոսից վռնդված դեերի աչքեր:

Ծերունի այգեպանը վագեց առաջ, սկսեց կատաղած իմամլուցիներին լորտել, հաշտութեան հրաւիրել, բացադրելով, միւնոյն ժա-

մանակ, թէ տղամարդութիւն չէ մէկի դէմ
քսան հոգով դուրս գալ:

Մէկը մի քար ձգեց նրա վրայ և հայնոցե-
լով ասաց, որ չըխառնուի գործին:

— Հեռու, քեափթառ շուն, — գոչեց շիլ
Նուրուլլան, — եթէ ոչ՝ հոգիդ սատանացի բա-
ժին կըդարձնեմ:

Ծերունին յետ քաշվեց, ափսոսալով, որ
ձեռին հրացան չունի, եթէ ոչ ցոյց կըտար
յանդուզն «երեխաներին», թէ ովէ քեաբլահի
Արդուլան:

Հաշիմը պահանջում էր, որ Ասադը իւր
ձեռքով Խաթմային խրճիթից դուրս բերի և
յանձնի նրան: Ասադը սկզբում փորձեց ազգել
նրա խելքի, սրտի և միսուլմանական զգաց-
մունքի վրայ: Նա յիշեցրեց կրօնի միութիւնը
և Պուրանի պատգամները, որ արգելում են
ուղղափառին՝ ուղղափառի արիւն թափել:
Բայց Հաշիմը ոչինչ չէր ուզում լսել: Նա մի
բերան պահանջում էր, որ Ասադը կամաւ վե-
րադարձնի նրա քրոջը:

— Իսկ եթէ չըտամի, — գոչեց Ասադը, վեր-
ջապէս, յուսահատված:

— Դիակդ ոտնաստակ անելով, կանցնեմ և
կըվերցնեմ, — պատասխանեց Հաշիմը վճռողաբար:

Այս ասելիս հրացանը նրա ձեռքում դողաց:

Ալգեպանը յորդորում էր Ասադին խնայել
իւր երիտասարդ կեանքը և Խաթմային կամաւ
յանձնել եղբօրը: Ասադը չէր լսում նրան:
Ճակատը թաշկինակով փաթաթած, երեսը
արիւնի չորացած կաթիներով, կուրծքը կի-
սով չափ բաց, մի ձեռը հրացանին կռնթած,
միւսը կողքին յենած, մէջքը խրճիթի դռնե-
րին թեքած, նա կանգնած էր մի և նոյն տեղ
և, կարծես, սպասում էր վերջին վճռական րո-
պէին: Նրա աչքերը կարմրած էին, զլուխը
ծանրացել էր, ոտները ու ձեռները դողում
էին սաստիկ տաքութիւնից:

— Եց անխիղճ, խնայիր ինքդ քեզ, ափսոս
է քո երիտասարդութիւնը, — գոչեց իմամըու-
ցիներից մէկը, որ, ակամաչ հիացած յանդուզն
սարիթօրփաղցու առնական գեղեցկութիւնից,
չըկարողացաւ զապել իւր ներքին ձայնը:

— Նրա ի՞նչն է ափսոսալի, ադա, լցրն շան
բերանը ծխով, — ընդհատեց նրա խօսքը մի
խոպոտ ձայն:

Խսկոյն իննըմատնաւոր Սէյֆուլլայի հրացանը
թնդաց: Գնդակը, դռների ձեղքից փչող աշ-
նանային քամու պէս, վրզգալով, անցաւ Ասադի
գլխի վրայով և մտաւ խրճիթի յետելի թթե-
նիներից մէկի բունի մէջ: Խմամըուցին դրանով
կամենում էր յամառ սարիթօրփաղցուն վա-

խեցնել։ Սակայն, իդուր. Ասադը պատրաստվել էր պաշտպանվել մինչև վերջին շունչը։

VIII

Հրացանի ձայնը Ֆաթմային զարթեցրեց։ Դռները ուժով բացվեցին, և երիտասարդ աղջիկը դուրս վազեց, իսկա ու երկար մազերը ուսերի վրայ անկանոն թափած, կուրծքը եղունգներով անխնայ պատռտելով և բարձրաձայն գոռալով։ Նա վազեց և կանգնեց Ասադի առջև, երեսը դէպի իմամլուցիները։

—Զգոյշ, —հրամայեց Հաշիմը իւր ընկերակիցներին, հրացանը ցած դնելով։

—Կոտորվէք դուք, կոտորվէք դուք, —աղաղակում էր Ֆաթման, արդէն մոռացած իւր սովորական ամօթխածութիւնը։

—Վազիր այս կողմ, —գոչեց Հաշիմը, առաջ դիմելով, որ տանի իւր քրոջը։

Բայց Ֆաթման, աւելի մօտենալով Ասադին, պաշտպանելու մոքով, կանգնեց նրա առջև և պատսախանեց եղբօրը։

—Մի մօտենալ, մի մօտենալ, ես չեմ թողնիլ, որ նրա մի մազն էլ վնասվի։ Նա մեղաւոր չէ, ես ինքս եմ փախել նրա հետ, այո, ես ինքս, իմ կամքով։ Հաշիմ, մի մօտենալ, ես չեմ թողնիլ, չեմ թողնիլ...

Տեսարանը սրտաշարժ էր։ Երկու թշնամիների մշջտեղ կանգնած էր մի անյաղթելի պատճեց, առանց որին խորտակելու, անկարելի էր որ և է ճակատամարտ։

Երբէք Հաշիմը չէր կարող երևակայել, թէ Ֆաթման այդչափ պաշտպան կլհանդիսանաց իւր առևանգողին։ Նա հաւատացած էր, որ իւր քոյրը ակամայ է ընկել Ասադի ձեռքը, թէ նա մի տկար զոհ է, որին փրկելու համար պիտի թշնամու արիւնը խմել։ Այժմ, տեսնելով Ֆաթմայի յամառութիւնը, տեսնելով նրա յուսահատ պաշտպանութիւնը, մնաց ապշած։ Մի վայրկեանում վրէժինդրութեան կիրքը նրա արտում տեղի տուեց ակամայ խղճահարութեան։ Նա, որ մի րոպէ պատրաստ էր ամենայն սառնութեամբ մահաբեր գնդակը ուղղել յանդուդն առևանգողի կրծքին, այժմ երեսը յետ դարձրած, երկմոռութեան մէջ, լուռ նայում էր իւր ընկերակիցների երեսին։

Ինքը, զոհ համարվածը, ներում է յանցաւորին, և յանցաւորը այնքան վիհանձն է, այնքան անվեհեր, որ պատրաստ է մինչև վերջին շունչ պաշտպանել իւր փախցրած աղջկան։ Ուրեմն տմարդութիւն չի լինիլ արդեօք ձեռք բարձրացնել մի այդպիսի երիտասարդի վրայ և սպասել նրան իւր սիրեցեալի աչքի

առջեւ։ Այս էր արտայայտում Հաշիմի դէմքը։
Եւ լուռ ակնարկութիւններ հասկացող շիր-
վանցիները, իսկոյն գուշակելով նրա միաքը,
մոխի արեցին միմեանց երեսին։

Նիւ նուրուլլան առաջինը վստահացաւ
յայտնել ամբոխի լուռ վճիռը։ Նա քշեց ձին
և բարձրածայն արտասանեց։

— Հաշիմ, նամուսդ մի մոռանալ։

Իմամլուցիների մէջ բարձրացաւ մի խուլ
աղմուկի։ Նրանք վրդովված էին Հաշիմի
մեղմանալուց։ Ի՞նչպէս կարելի է ներել մի
յանդուգն թշնամու, մի մարդու, որ անպատճել
է ամբողջ Իմամլուի անունը, փախցնելով թաղի
ամենազեղեցիկ աղջիկներից մէկին։ Ի՞նչ կ'ասեն
իմամլուցիները, ի՞նչ կ'ասեն ուրիշ թաղեցի-
ները։ Ոչ, ոչ, երբէք չէ կարելի գործը հաշ-
տութեամբ վերջացնել։ Միթէ այս նպասակօվ
են բոլոր իմամլուցիները երէկ ամբողջ օրը
կովել, միթէ դրա համար են քսան մարդ
ամբողջ գիշեր անքուն թափառել բաղաքի
շրջակայքում։ Պէտք է թշնամուն պատճել,
պէտք է վրէժը հանել, առանց արիւնի անկա-
րելի է իմամլուի պատիւը վերականգնել։

— Արթւն, արթւն, — գոռացին բոլոր կիսա-
վայրենիները միաբերան։

Հաշիմը հասկացաւ այդ կատաղի ամբոխի

արամաղրութիւնը։ Նա զգաց, որ եթէ Ասա-
ղին ինքը ների, միւսները չեն ներիլ, չեն նե-
րիլ գուցէ և իրան։ Բայց Բնչակէս հեռացնի
Ասաղից Ֆաթմային, որ միանգամայն կպել է
նրան անբաժան, այնպէս, որ թշնամուն ուղղու-
ված ամեն մի հարուած նախ կարող է նրան
հասնել։

Մինչ նա այս բոպէական տատանման մէջ
էր, իմամլուցիներից երեք հոգի աննկատելի
կերպով բաժանվեցին խմբից և, ծառերի տակ
թագնվելով, շրջան տալով, ետևի կողմից մօ-
տեցան Ասաղին։

Այդ նկատեց այգեպանը և, իւր ժանգոտ-
ված խանչալը հանելով, կանգնեց վերջինի
ետեւում, վճռելով պաշտպանել նրան։

Այն ինչ՝ Ասաղը աշխատում էր ասպարի-
զից անմնաս հեռացնել Ֆաթմային, որ ինքը
միայն կովի թշնամիների հետ։

Ծերունու և երեք իմամլուցիների մէջ կոխւ-
թացեց։ Ասաղը երեսը յետ դարձրեց և իս-
կոյն հրացանը արձակեց։ Լսվեց մի արաբական
յիշոց, և Հաջի-Ալեաքպարի սկ խափշիկներից
մէկը, աջ ձեռով ծունկը բոնած, գոռալով նըս-
տեց գետնի վրայ։ Ասաղը արձակեց երկորդ
անգամ, բայց — անօդուտ։

Նոյն վայրկեանին նա իւր մէջքի վրայ

զգաց մի սաստիկ սառնութիւն, որ թափանցեց
ներս: Նա ամբողջ մարմնով դողաց, ակամաց
գոռաց և ընկաւ ուղիղ ֆաթմայի ոտների տակ:
—Ալլահ, Ալլահ,—լավեց նրա խուլ ձայնը,
և նրա աչքերի բիբերը, տարօրինակ կեր-
պով պատելով շրջանակների մէջ, դարձան
ֆաթմայի վրայ:

Այսքանը միայն կարողացաւ լսել և տես-
նել խեղճ աղջիկը, ուրիշ՝ Ասադը ոչինչ չ'ասաց
և ոչ մի շարժումն չ'արեց:

Երբ իմամյուցիները, վայրենի կերպով գո-
ռալով, առաջ վագեցին, որ իրանց վրիժա-
ռութեան արդիւնքը մօտիկից տեսնեն, երբ
Հաշիմը մօտեցաւ իւր քրոջը վերցնելու, ֆաթ-
ման ընկած էր Ասադի վրայ և դառն ոդ-
բում էր...

1889 թ.

ԹԱՆԳԱԳԻՆ ԿԱՊԱՆՔ

ԳՅԱՆԱԿԱՐԱՐՈՒԹՅՈՒՆ

Ա ոչ առաջ ուղարկութեան պահանջման
առաջ առաջ առաջ առաջ առաջ առաջ առաջ
առաջ առաջ առաջ առաջ առաջ առաջ առաջ առաջ
ԹԱՆԳԱԳԻՆ ԿԱՊԱՆՔ

Որը ամարացին էր և իրիկնաղէմ: Այրի
Հոխիսիմէն իւր ամուսնուց ժամանգած սեպ-
հական տան պատշգամբի վրայ թէց էր պատ-
րաստում: Սմբատը, նրա միակ որդին, մի
կողմ նստած, նայում էր գէպի գաւիթ, որ
զարդարված էր փոքրիկ գեղեցիկ պարախզով:
Որդին տիսուր էր և, կարծես, մի ինչոր
մտատանջութեան մէջ. մի բան, որ հազիւ էր
պատահում: Ժամանակ առ ժամանակ նա հա-
ռաչում էր և իւր անորոշ հայեացքը դարձ-
նում դէպի պարզ-մանիշակագոյն երկինք, ուր
լանդաղօրէն սահում էին ամարացին նօսր ամ-
պերը:

Մայրը արդէն նկատել էր որդու տիսրու-
թիւնը, բայց ինչ էր պատճառը—չըդիմէր:
Թէցի բաժակը դնելով նրա առջեւ, ինքն էլ
նստեց դէմ ու դէմ և իւր հայեացքը յառեց
որդու կիսաղէմքին: Որքան երկիւղ, ակնկալու-
թիւն և, միենոյն ժամանակ, քնքոյշ սէր էր

արտայայտում այդ հայեացքը: Թւում էր, և
այդ ճիշդ էր, որ մայրը ամեն վայրկեան պատ-
րաստ է իւր կեանքը զոհելու, միայն թէ որ-
դու տիսրութիւնը որ և է ծանր պատճառ
չունենաց, միայն թէ այդ լինի մի բոպէական
անցողիկ տրամադրութիւն:

Սմբատը դատարկեց թէյի բաժակը, բար-
ձրացաւ տեղից և, շարունակ լոելով, դիմեց
դէպի իւր սենեակը:

— Սմբատ, — դարձաւ նրան մայրը անվս-
տահ եղանակով:

Սմբատը յետ նայեց և կանգնեց: Գաւ-
թում ոչ ոք չըկար, բացի ծառայից, որ հեռ-
ւում ցնցուղով ջրում էր պարտիզի ծաղիկնե-
րը: Մայր ու որդի կարող էին խօսել, վրս-
տահ, որ ոք չի լսիլ նրանց:

— Ի՞նչ ես ուզում, — հարցրեց որդին:

Որքան և աշխատէր մեզմ արտասանել իւր
հարցը, այսու ամենայնիւ, նրա ձայնի մէջ
մայրը զգաց մի անսովոր խստութիւն:

— Ուզում եմ, տիսրութեանդ պատճառը
ինձ էլ յայտնես:

— Ես տիսուր չեմ:

Ասաց որդին և անմիջապէս շուռ եկաւ,
որ գնաց, բայց մայրը խնդրեց սպասել:

— Դու ինձանից թագյնում ես միտք, —

յանդիմանեց Հոփիսիմէն, — միթէ չէս իմա-
նում, որ ինձ վշտացնում ես:

— Եատ հետաքրքիրն ես, — պատասխանեց
որդին տհաճութեամբ, և այս անգամ նրա
ձայնի կոշտութիւնը աւելի զգալի էր:

— Սմբատ...

Մի անսովոր դառն ժպիտ ազաւադեց որ-
դու շրթունքները, երբ մայրը կասկածալի
հայեացքով չափեց նրան ոտից մինչև գլուխ:

— Այդ, վերջապէս, անտանելի է, — գոչեց
նա, նստելով իւր աթոռի վրայ, — այդ կեանք
չէ, մայր, որ ես քաշում եմ: Քո կասկածները
ինձ հալածում են: « Սմբատ, ինչու ես տիսուր,
Սմբատ, ինչու ես լուռ, Սմբատ, ինչու չես
ուտում, ինչու չես խմում: » Խոստովանվում եմ,
այդ բոլորը ինձ արդէն ձանձրացրել է:

Մայրը աթոռը առաջ քաշեց և, աչքերը
լայն բանալով, յառեց որդու երեսին: Նա
սպասում էր, որ վերջինը շարունակի:

— Ես տիսուր եմ, որովհետեւ գու ինքդ ես
ինձ ստիպում տիրել, — շարունակեց որդին
սրտմտութեամբ, — ամեն քայլափոխում խնամք,
խնամք ու խնամք, մինչև երբ: Գիշերը ուշ
եմ վերադառնում — լաց ես լինում, մի տեղ
զբոսնելու եմ գնում — խրատներով ես ձանձ-
րահ գնում: Չեմ ուտում — ստիպում ես ու-

տել, չեմ ուղումքնել—սախպում ես քնել, մի գիրք եմ վերցնում կարդալու—խլում ես ձեռքից, թէ «աչքերիդ վնաս է», ընկերներիս նամակ եմ ուղում գրել—չես թողնում, թէ «կուրծք կրցաւի»: Ահա, այդ քո հիւանդուս սէրն է, որ, վերջապէս, ինձ տիրեցնում է: Դու ինձ ստրուկի պէս ճնշում ես քո սիրով, դու քո կեանքը կապել ես իմ կեանքի հետ, դու ուզում ես, որ քսանուչորս աարեկան երիտասարդը ծնկեր երեխայի պէս ապրի: Դա մայրական սէր չէ, դա բոնութիւն է:

Այս խօսքերը Սմբատը արտասանում էր ակնյացնի դառնութեամբ և հետզհետէ աւելի ու աւելի յուղվող ձայնով: Պարզ էր, որ վաղուց նրա մէջ եռում էր այդ դառնութիւնը և վաղուց նրա սրառում պատրաստվել էր մի թոյն, որ ձգտում էր դուրս հոսալու:

Մայրը զարմացած, երկիւղած և լուռ մտիկ էր անում նրա երեխն, աշխատելով մի բառ անդամ բաց չըթողնել նրա ասածից:

—Կարսղ եմ մայրական սէր անուանել այն, որ ամեն բուփէ ճնշում է իմ ազատութիւնը և խոշնդուս դառնում ինձ,—շարունակեց Սմբատը, աւելի գրգռվելով մօր լոռութիւնից: Դու ինձ չըթողիր Ոռւսաստան գնալու, որ ուսումն շարունակեմ, կարծում էիր, որ

այնտեղ հասայ թէ չէ—իսկոյն պիտի մեռնեմ: (Մայրը մի ցնցում գործեց): Դու ինձ հեռացրիր իմ ընկերների շրջանից և աքսորականի պէս դատապարտել ես յաւիտեան մի քաղաքում ապրել քո աշքի առջեւ: Կրկնում եմ, այդ մայրական սէր չէ. թող ինձ մի փոքր ազատ շունչ քաշեմ, բաւական է, որքան խանձարուրի մէջ պահեցիր ինձ:

Նա լոեց և, տեղից բարձրանալով, սկսեց յուղված անցուդարձ անել, ձեռները վարդիկի գրպանները դրած:

—Որդի, —խօսեց մայրը, վերջապէս, ուշքը վրէն հաւաքելով, —Երբ եմ ես քեզ արգելք եղել: Ինչ ուզում ես—արա, ինչպէս կամենում ես—ապրիր, ահա քեզ տուն, տեղ, հարստութիւն, քմնը չէ: Ել ի՞նչ ես ուզում: —Հոգիս... Կրտամ, չեմ խնացիլ, Աստծուն է յայտնի:

Սմբատը դառնութեամբ ժպտաց: —Հոգիդ, —կրկնեց նա, կանգնելով մօր առջեւ, —հենց այդ է, որ ես չեմ ուզում, ինչս է սէտք քո հոգին: Աւելի լաւ կըլինէր ինձ համար, որ դու խնացէիր ինքդ քեզ և իմ մասին քիչ մտածէիր: Հաւասացիր, մայր, որ ես աւելի բաղդառոր կըլինէի, եթէ դու

ինձ սրակաս սիրէիր, կամ չըսիրէիր միանդամայն։ Այս, մի՛ սիրիլ ինձ։

—Քեզ չըսիրմ, ևս, քեզ չըսիրմ, —
կրկնեց այրին գրեթէ զայրացած այս անհնարին և անբնական առաջարկութիւնից։

—Գոնէ, փոխիր սիրելուդ ձեւ։

Հոփախմէն այլ ևս չըկարողացաւ զապել իւր արտասուքը, որ քանի բռպէ արդէն խեղդում էր նրա կոփորդը։ Նա սկսեց բարձրաձայն հեկեկալ։

Սմբատը ճնշված սրոտով մտաւ իւր սենեակը և սկսեց հագնվել։ Նա զգաց, որ իւր յանդիմաննութիւնն աւելի խիստ ձեռվ արտայացտեց, քան թէ հարկաւոր էր, և խղճաց մօրը, տեսնելով նրա բուռն հեկեկանքը։ Մի և նոյն ժամանակ, նա արդարացի էր համարում իրան. ծանր էր թւում նրան այն սիրոյ կապանքը, որով մայրը կաշկանդել էր նրա անհատականութիւնը։ Այս սէրը նա համարում էր մի տեսակ եսասիրութիւն մօր կողմից, թէկուզ այդ արտայացովէր անձնագոհութեամբ։

Յանկարծ նա լսեց մի ձայն, յետ նայեց և նկատեց մօրը, որ գաղանի դիտում էր որդու շարժուածքը դռների արանքից։ Խեղճ կին, նրա սէրը և կասկածանքը այն աստիճանին էին հասել, որ վախենում էր, մի գուցէ որ-

դին յուզված գրութեան մէջ մի բան անէ... Այդ պարզ էր Սմբատի համար։ Նա արագ արագ հագաւ շորերը և շապով գուրս գնաց, առանց սովորական բարեն ասելու։ Սակայն, գաւթից գուրս գալիս, նա չըհամբերեց, յետ նայեց։ Մայրը, պատուհանի առջև կանգնած, նայում էր նրա ետևից, ձեռները ծոցին դրած և գլուխը ուսին թեքած։ Նրա հայեացքը այնքան տխուր էր, երկիւղած և ազդու, որ դրոշմիեց Ամբատի սրտին, թէև չըսափեց նրան յետ դառնալ և ներումն խնդրել, որ հոգով ցանկանում էր։

Երբ նա հեռացաւ, Հոփախմէն անմիջապէս կանչեց ծառալին։

—Գասպար, —ասաց նա շնչասպառ, որպէս թէ մի մեծ անբաղդութիւն պատահած լինէր, —այս բռպէիս պարոնդ գուրս եկաւ շատ չարացած, չըգիտեմ ում վրայ։ Իսկոյն վաղիր ետևից, բայց չըմօտենաս, հետն ու հետը գնաայնպէս, որ դու նրան տեսնես, նա քեզ չըտեսնի։ Աչքի չըհեռացնես, հասկանում՝ ես...

—Աչքիս վրայ, —ասաց Գասպարը, որ Բարսամեանների տան վաղեմի հաւատարիմ ծառան էր։

—Կաց, այս լսւ է. ծխախոտամանը թողել է, եթէ քեզ տեսաւ, կասես, որ դրա հա-

մար ես եկել: Դէհ, գնա, թէ չէ—չես գտնիլ:

Ծառան վազեց: Հսիփսիմէն նստեց սեղանի մօտ, զլուխը դրեց կոների վրայ և զարձեալ սկսեց լաց լինել: Յետոց նա, թաշկինակով սըրբելով աչքերը, վերկացաւ և գնաց հարեան Մարիամի մօտ՝ մի կերպ ժամանակը մոռանալու: Փոքր ինչ անցած՝ նա վերադարձաւ և երկար ժամանակ, լարված դրութեան մէջ, հառաչելով, անցուդարձ էր անում մի սենեակից դէպի միւսը, անդադար նայելով սեղանատան պատի ժամացոյցին: Իւրաքանչիւր մի անցնող բոսէ աւելացնում էր նրա վիշտը և սպառում համբերութիւնը: Գտաւ արդեօք Գասպարը նրան, կրվերադառնայ արդեօք նա այս գիշեր, թէ...

Նա յանդիմանում էր ինքն իրան, որ առիթ տուեց իւր միսկ որդուն բարկանալու: Նա իրան համարում էր անպայման մեղաւոր, նա չըպիտի հականառէր, չըպիտի լար, չըպիտի զարմանար, չըպիտի խօսէր անգամ:

Նա նայում էր մերթ դէպի փողոց, մերթ դէպի գաւիթ, ականջները լարում էր լսելու դրսից մի ձայն, և երբեմն սրտի ասստիկ բարախումը խարում էր նրան: Հետզհետէ փողոցում անցորդների ձայները ընդհատվեցին, կառքերի դղբդիւնը դադարեց, հարեանների

ճրագները մի առ մի սկսան հանգչիլ, իսկ Սմբատը չըկայ ու չըկայ, և ոչ էլ ծառան:

Մի վայըկեան Հսիփսիմէի մէջ ցանկութիւն ծագեց՝ գնալ և փնտոել որդուն, բայց ո՞րտեղ... Նա փակից դռները, շալը գցեց գլխին, դուրս եկաւ փողոց և կանգնեց դռների մօտ:

Արդէն կէս գիշերից անց էր, երբ, վերջապէս, մի կառք երևեց փողոցի ծայրում: Հսիփսիմէն շատապից ներս և մոտաւ իւր սենեակը: Նա գիտէր, որ եթէ որդին տեսնէ նրան ոոքի վրայ անհանդիսու—կըբարկանաց: Թող չըկարծի, թէ մայրը սպառում էր իրան...

Եկողը արդարեւ Սմբատն էր: Նա մոտաւ ներս թէ չէ, իսկոյն գիմեց մօր սենեակը. Նա նկատել էր նրան գաւթից ներս մտնելիս: — Դու քնած չես,— ասաց նա, — հաւատացիր, մայր, լաւ բան չես անում, որ ետեկցս, լրտես ես ուղարկում:

Ինչ ուզում է, թող ասի Սմբատը, միայն թուց տայ Հսիփսիմին իւր ուրախութիւնը արտայացելու մի համբոցը: Եւ որդին թուց տուեց. Նա տրամադրված չէր բարկանալու:

— Բայց լրտեսդ ձարպիկ չէ,— ասաց նա, հեգնելով,— յիմարը կարծում էր, ես նրան չեմ տեսնում: Այդու դռների մօտ նկատեցի և իս-

կոյն հասկացայ, որ դու ես ուզարկել: Յագուն
հրամայեցի գոնապանին ներս թողնել: Ծիծա-
ղելի էր: Խեղճ մարդ, ամբողջ երեկոյ, մուժ-
ծառուղիում նստած, դիտում էր ինձ, կարծե-
լով, որ շատ յաջող է կատարում իւր դեր: Բայց
եթէ դու ինձ ստիպեցիր շուտ վերա-
դառնալ, ես էլ Գասպարին պատժեցի: Ես կառ-
քով եկայ, նրան չընրամայեցի նատել, ստիպ-
եց ետևիցս վագել խելագարի պէս: Զէր ու-
զում ամաչացնել նրան, թէ նրա լրտեսու-
թիւնը նկատել եմ...

Պատշգամբի վրայ երեց Գասպարը,
քրտնած, շնչառպառ և փոշիոտ:

—Ահա, եկաւ առաքեալդ, —հեզնեց Սըմ-
բատը, —էն, Գասպար, ես քեզ խելօք մարդ
էի համարում, բայց դու ինձ երկու տարեկան
երեխայի տեղ ես դնում: Ամօթ է... Բայց դու
մեղաւոր չես, ես քեզ կըվարձադրեմ մօրս փո-
խարէն:

Այս ասելով, նա պատուհանից տուեց ծա-
ռային մի հաս երեքոսւրբանոց և իսկոյն սկսեց
շորերը հանել:

Հետեւալ օրը նա զարթնեց ուրախ, զը-
արթ և սկսեց մօր հետ կատակ անել:

—Քնած ժամանակս էլ հանդիսաւ չես թող-
նում ինձ, —ասաց նա, ծիծաղելով, —գիշերը

շոքից ես վերմակս դէն էի ձգել, առաւօտ
զարթնում եմ ու տեսնում, որ էլի զցել ես
վրէս ու այնպէս վաթալթել, որ տաքից խեղդ-
վում էի:

Նա վճռել էր միայն այս ձեռվ աղդել մօր
վրայ, որ գուցէ կարողանայ մի կերպ զսպել
վարա քնքոյց բռնակալութիւնը, ինչպէս ան-
դասում էր ինքը: Հոիփսիմէն հասկացաւ նրա
միտքը, որոշեց զգասա լինել և, մի և նոյն ժա-
մանակ, աշխատել՝ ոչ մի կերպ չընդդիմանալ
կամքին: Բայց և այնպէս, ճաշի ժամա-
նակ նա չըկարողացաւ զսպել իւր կիրք դա-
ռած հոգատարութիւնը: Նա ինքն իւր ձեռով
նրա ափսէի մէջ դրեց վկօտլետից մի լաւ կտոր:

—Իսկ եթէ չըկամենամ ուտել այդ կտորը,
—ասաց Սըմբատը, ծիծաղելով:

—Դու գիտես, —պատասխանեց մայրը, —
ես քեզ չեմ զօրում: Շատ քիչ ես ուտում,
սիրոս... Լաւ, էլ չեմ խօսիլ...

Եւ մինչև ճաշի վերջը նա լոեց, աչքի
տակով գաղտնի գիտելով որդուն, ուտում է
արդեօք նա:

Երեկոյեան, իւր կատակները շարունակե-
լով, Սըմբատը, անից դուրս գալիս, յայտնեց,
թէ դարձեալ ուշանալու է:

—Գասպարին չուզարկես ետևիցս, թէ չէ,

մոտադրութիւն չունեմ նրա համար թաքարոնի
տոմսակ գնելու, որ ինձ լրտեսի:
—Դուք դիտես, —պատասխանեց մայրը ան-
սահման խոնարհութեամբ, —բայց...
—Հօրմ...

—Լաւ կանես, որ վերաբկուդ վերցնես,
երեկոները ցուրտ է:

Այս անգամ՝ Սմբատը վերադարձաւ աւելի
ուշ, քան նախընթաց երեկոյ: Երբ նա եկաւ,
մայրը, իւր սե շալը ուսերին գցած, անցու-
դարձ էր անում գաւթում անլսելի քայլերով,
անշունչ ուրուականի պէս: Սմբատը զգաց
խղճի մի սուր խայթոց և, մի և նոյն ժա-
մանակ, դարձեալ բարկութիւնից, խառնվեց
նրա արիւնը: Նա վրդովվեց իւր դէմ, որ ա-
ռիթ էր տալիս մօրը այդքան տանջվելու, վրր-
դովվեց և մօր դէմ, որ այդքան զգայուն էր:

Այդ օրից մայրը լուռ էր, անտրտունջ և
համբերութեամբ խոնարհ իւր ճակատագրին: Նա
ոչ մի յանդիմանութիւն չէր անում, ոչ
մի անգամ չէր հարցնում որդու կամքը և ոչ
մի ցանկութիւն չէր յացնում: Նու միայն աշ-
խատում էր լուռ ու մունջ գուշակել որդու ա-
մեն մի չնչին հաճոյքը և անլրէպ կատարել:
Բայց որքան թանգ էր նատում նրան այդ յա-
մառ լուռթիւնը: Սմբատը նկատում էր, որ

անքուն գիշերները, անխօս մտատանջութիւնը
օրից օր մաշում են մօրը և օրից օր փութաց-
նում նրա ծերութիւնը: Այդ աւելի անտանե-
լի էր նրա համար, քան իթէ հանդիպէր մօր
կողմից բուռն և բացարձակ յանդիմանու-
թեան:

Նա փոխեց իւր վարմունքը, սկսեց երեկո-
ները տանը անցկացնել, աշխատելով գուար-
ճացնել մօրը առաջուայ պէս: Այդ ևս չօգնեց:

Մի օր նա տուն եկաւ սաստիկ վրդովված
և գոյնը թուած: Հոփիսիմէն, գողդողալով, ձեռ-
ները ծոցին դրեց, գլուխը թեքեց գէպի ուսը,
կանգնեց ու նայեց որդու աչքերին: Անտեղ
նա ձգում էր կարդալ նրա գունատութեան
պատճառը առանց խօսելու, որ չէր համար-
ձակվում:

—Գու ուրեմն չես հասկանում, թէ ինչես
արել, —գոչեց որդին, չըկարողանալով զապել
իւր կատաղութիւնը: —Գու ինձ բոլոր ընկեր-
ներիս մէջ խայտառակել ես, և չես իմանում,
չես իմանում:

—Սմբատ... կարողացաւ միայն արտասա-
նել մայրը:

—Ոչ, այդ արդէն չափազանցութիւն է,
զուամեն կողմից ինձ թշնամու պէս պաշա-
րել ես, ամեն ճանապարհ կապել ես իմ առ-

ջև: Բաւական չէր ծառան, այժմ՝ դու լնկեր-
ներիս ես ինձ վրայ լրտես նշանակել...

— Ես... ես... ոչինչ... տատանվեց մայրը
և չըկարողացաւ շարունակել, երկիւղածու-
թեամբ յետույետ քաշվելով:

— Այս, Սերգօ Քեթխութեանին դժւ չես
խնդրել, որ քեզ պատմի այն ամենը, ինչ որ
ես անում եմ դրսում: Քրոջդ որդուն, Աբգարին,
դժւ չես պահապան դրել վրէս, որ ես մի քայլ
անգամ չ'անեմ առանց նրան: Ասենք թէ Սեր-
գօն և Աբգարը ինձ լաւ են ճանաչում, գի-
տեն, որ իմ կեանքը դրսում մի վատ կողմ
չունէ, բայց ինչժամ ես ինձ ամաչացնում: Այդ
գեռ ոչինչ. ասա՛, խնդրեմ, ես ի՞նչպէս չըդր-
գովիմ, որ դու շրջմոլիկների պարագլուխ
Մեփիսովին անգամ ինձ համար լրտես ես նը-
շանակել: Բայց արդէն քաւական է, չափը
լրացաւ: Լսիր, ինչ եմ ասում, մայր, դու
գիտե՞ս, որ վաղուց ես մտադիր էի Ուսւսաստան
գնալու, գիտե՞ս, որ ես ուզում եմ համալսա-
րան մտնել...

Մայրը գլխով մի շարժումն արեց, լուռ
հառաչելով, առանց տեղից շարժվելու:

— Ուրեմն չըզարմանաս. ես երկու շաբա-
թից յետոյ ուղեւորվում եմ... Պետերբուրգ:

Հոփիսիմէն մի ճիչ արձակեց և ուժասպառ,

թուլացած, նստեց պատի մօտ դանվող թախտի
վրայ: Այս, նա վաղուց գիտէր որդու մտա-
դրութիւնը: Դեռ երկու տարի առաջ, երբ ա-
ւարտեց գիմնազիօնը, նա անմիջապէս պատ-
րաստվեց ուղեւորվելու: Բայց Հոփիսիմէն ըն-
կաւ նրա ոտներին, աղերսեց, որ թողնի իւր
մտադրութիւնը և ասպրի մօր հետ: Ի՞նչ է ա-
նում նա բարձր ուսումը, քանի որ նրա առող-
ջութեանը վնասակար է: Եթէ ուսումը առ-
նում են նրա համար, որ աշխարհում ապեկու
միջոց ունենան, Սմբատը այդ կողմից ամենից
բաղդաւորն է: Հայրը այնքան թողել է, որ
որդոց որդի բաւական է: Ոչ միայն ուսում,
այլ և ոչ մի գործով չըպիտի պարապվի. նա
միոյն պիտի ասպրի ու ասպրի... Այս էր Հոփի-
սիմէի ուղածը: Եւ յանկարծ Սմբատը վճռողա-
բար յայտնում է, թէ երկու շաբաթից յետոյ
զնում է: Հոփիսիմէն կարող է ապրել առանց
տարիներով որդու երեսը տեսնելու, նաև, որ
երկու ժամ որդուն չըտեսնելիս, տանջվում է
այնքան:

Հոփիսիմէն անցաւ իւր սենեակը, գուները
փակեց և երկար ժամանակ լաց եղաւ, յիշելով
անցեալը, իւր հանգուցեալ ամուսնուն և հան-
գուցեալ որդիներին: Այն ժամանակ նա եր-
անիկ էր, այն ժամանակ նա կը համաձայն-

վէր մէկից բաժանվել, միւսով մխիթարվել:
Խսկ այժմ... Երբէք, նա կըսպանի ինքն իրան
և չի համաձայնվիլ միակ որդուց բաժանվել:
Բայց եթէ Սմբատը յամառութիւն անի,
այն ժամանակի...

—Կըթողնեմ տուն ու տեղ, ամուսնուս ու
որդուս գերեզմանները և կըգնամն րա ետևից,
—ասաց Հռիփսիմէն ինքն իրան լսելի ձայ-
նով, —կըգնամ, թէկուզ աշխարհի միւս ծայրը:

Սակայն մի ըոսէ չ'անցած, այս միտքը
նրան սարսափեցրեց: Ի՞նչ, միթէ նա կարող է
իւր սիրեցեալների գերեզմանները մտուանալ,
թողնել և հեռանալ օսար աշխարհ: Ո՛չ, այդ
անտանելի կըլինի:

Ամբողջ օրը նա ոչինչ չ'ասաց որդուն,
միայն հետեւեալ առաւօտեան դարձաւ նրան.

—Որդի, երէկ հանաք էիր անում, չէ...

—Ի՞նչ հանաք:

—Թէ պիտի գնաս:

—Գժբաղդաբար, ոչ: Ամոոյս վերջին ինձ
բարի ճանապարհ մաղթիր:

—Այդ ի՞նչպէս կըլինի, —արտասանեց Հռիփ-
սիմէն, կմկնալով:

—Այնպէս կըլինի, որ կընստեմ կառք, կը-
գնամ և ամեն ամառ կըգամ մօրս տեսնելու,
ինչպէս ուրիշներն են անում:

—Ուրիշները շատ որդի ունին, ես մէկն
ունեմ:

—Մեր հարևան այն աղքատ կինը քա-
նիսը ունի, չէ որ մէկը, ինչու է թողնում
որդուն գնալու: Քեզ նման շատերը կան, մայր,
հաւատացիր: Ես մի ոռւս ընկեր ունեմ, նրա
մայրը հինգ որդի ունէ, հինգն էլ նրանից հե-
ռու են ապրում, նա կի՞ն չէ քեզ պէս...

—Ես չեմ կարող... չեմ կարող... կրկնեց
մի քանի անգամ Հռիփսիմէն, փղձկալով:

Սմբատի պարզ-մեխակագոյն աչքերը փայ-
լցին տհաճութեամբ: Նա մի ծխախոտ վա-
ռեց, որ իւր՝ մի վայրկեանում լարված՝ ջղերը
փոքր ինչ թմբեցնի: Այդ մի սովորական միջոց
էր, որին նա դիմում էր բարկութեան բոպէ-
ներին: Նա թուլացած նստեց աթոռի վրայ.
Նա տեսնում էր, որ դժուար էր ազատվել այդ
կապանքից, որ ծերունի կինը առանց նրան
անկարող է շարունակել իւր գոյութիւնը...
այնքան հոգով ու սրտով ծուլվել է նա իւր
զաւակի հետ:

—Լաւ, —ասաց նա, —եթէ անպատճառ ու-
զում ես ուներս ու ձեռներս շղթայած և շղթայի
ծայրն ձեռքումդ պահած ունենալ, արի, քեզ
էլ տանեմ հետա, ուր գնում եմ: Միայն թէ,
մի ոչնչացնիլ իմ ապագան:

Հոկտեմբերին ոչինչ չըպատճախանեց. նա
լալիս էր, արտասանելով իւր հանգուցեալ որ-
դիներից մերթ մէկի մերթ միւսի անունը:
Սմբատը չըկարողացաւ երկար կրել այդ դառն
տեսարանի ծանրութիւնը, թողեց և հեռա-
ցաւ միւս սենեակ:

Այնուհետև նա մի քանի օր աշխատում էր
համոզել մօրը, թէ իւր գնալը անհրաժեշտ է,
թէ Թիֆլիզի կեանքը և անգործութիւնը
նրան ձանրացրել են, թէ նա մտաւորապէս
բժանում է, բարոյապէս աղավաղվում, միշտ
միատեսակ կեանք վարելով, թէ, վերջապէս,
անգործութիւնը պատիւ չէ բերում տղամար-
դին: Նա օրինակ էր բերում իւր նախին ըն-
կերներին, համեմատում էր իրան նրանց հետ
և ամաչում այդ համեմատութիւնից: Ամեն
մէկը մի անհատ է, մի աղատ մարդ իւր ու-
ժով, կամքով, խելքով, իւր սեպհական ձգառում-
ներով: Իսկ ի՞նչ է ի՞նքը. համարեա թէ ոչինչ,
փողով մեծացած, փողով ապրող, փայփայված
մի երեխաց, որին եթէ վաղը աղատութիւն
տաս իւր ոտքով շրջելու, ով գիտէ, չըկարողանաց
շրջել: Ո՛չ, այսպէս մնալ չէ կարելի, նա ար-
դէն ծիծաղելի է դառել իւր ընկերների աշ-
քում, նրանք ծաղրում են նրան, արժան չեն
համարում մի լուրջ բանի վրայ հետը խօսե-

լու: Իսկ ով անկեղծ է, խորհուրդ է տալիս
ուսումը շարունակելու:

— Խնդրում եմ, աղաչում եմ, մայրիկ ար-
գելք մի' լինիր ինձ, մի' կապիլ ճանապարհու...

Բայց բոլոր այս պատճառաբանութիւնները
ակներեւ ապարդիւն էին անցնում: Ճշմարիտ է,
Հոկտեմբերի լսում էր որդու ասածները խորին
ուշադրութեամբ, չէր հակառակում, համաձայն-
վում էր, բայց, մի և նոյն ժամանակ, միշտ
կրինում էր.

— Առանց քեզ մի օր չեմ ապրիլ:

Սմբատը շուարված էր մնացել, չըգի-
տէր ի՞նչ անէր:

„Վերջապէս, մի կերպ պէտք է լուծել այդ
կապանքը, թէ չէ“, — մտածում էր նա:

Նա վճռեց փոխել իւր վարվողութեան ձեւը:
Մինչև այժմ նա դեռ շարունակում էր մեղմ
վարվել մօր հետ, որին նա թէ սիրում էր և
թէ խղճում: Այժմ նա սկսեց ցոյց տալ, որ
ատում է նրան, և այս մտադրութեամբ իւր
յարաբերութիւնները կոշտացրեց: Նա չէր պա-
տասխանում մօր ոչ մի հարցին, ճաշում էր ա-
ռանձին, ընում էր իւր առանձնասենեակում, ուր
չէր թոյլ տալիս մօրը ոտք գնելու, տեղի ու
անտեղի ծառայի վրայ բարկանում էր, մու-
րացկաններին փախցնում էր դռնից, թափա-

ռաշրջիկ երաժշտներին ու երդիչներին չեր
թողնում երգել և նուազել գաւթում: Մի խօս-
քով, անում էր այն, ինչ որ գիտէր, թէ դուք
չէ գալիս մօրը: Այսպիսով նա կամենում էր
մօր սրտում ատելութիւն յդացնել դէպի ինքը,
մի ծայրայեղ զգացմունքի տեղ—հակառակը
ներշնչել: Այն ժամանակ մայրը, վերջապէս,
կըճանձրանայ որդուց և բարւոք կըճամարի,
գէթ մի առ ժամանակ, բաժանվիլ նրանից:

Սակայն իզուր. բոլոր այս միջոցները հա-
կառակ արդիւնք ունեցան Սմբատի համար:
Որքան նա բռնի ատելութիւն էր ցոյց տալիս,
նոյնքան մօր սէրը զարգանում էր և կոյր
հնագանդութիւնը ամրանում: Նա շարունակ
լուռ ու մունջ գիմանում էր որդու քմահա-
ճութիւններին, առանց գէթ մի անգամ մի
թեթև յանդիմանութիւն անելու:

Մի օր Սմբատը նկատեց, որ մայրը գաղտնի
մի արծաթէ դրամ առւեց մէկ կոյր երգչի, որին
նա վռնդել էր: Հետեւեալ օրը նա պատահմամբ
գոների մօտով անցնելիս, տեսաւ, որ մայրը
նստած լաց է լինում իւր ամսուսնու սենեակում:
Դա սախակեց նրան մի կողմ ձգել կեղծ ատե-
լութեան գիմակը, որ այնքան ծանր էր նրա
համար:

Այժմ մնում էր մի վերջին միջոց—լինել

անզգաց, թողնել անուշագիր մօր լացն ու հա-
ռաջանքները և դնալ ու հեռանալ: Նա լաց
կըլինի, լաց կըլինի և գուցէ վերջը կամաց
ակամաց կը հնագանդվի իւր ճակատագրին:

Ամառուայ վերջերին մի օր նա սառն եղա-
նակով յայտնեց մօրը, թէ վաղը չէ միւս օրը
ճանապարհ է ընկնելու:

—Ո՞ր քաղաք... հարցրեց մայրը:

—Դու նամակ կըստանաս Ռուսաստանից
կամ, ով գիտէ, արտասահմանից:

Հոփիսիմէն ոչինչ չ'ասաց, մի հառաջանք ան-
գամ չ'արձակեց, նրա դէմքի մկանունքներն ան-
գամ չըշարժվեցին: Այդ օրերը նա նիհարել
էր, աչքերը խորն էին ընկել, այսերի ոսկոր-
ները դուրս էին ցցվել երեսի թառամած
կաշուի տակ: Նա լուռ ու խոնարհ, երեսը շուռ
տուեց, գնաց իւր սենեակը և ամբողջ օրը
այնտեղ մնաց:

Միւս օրը երեկոյեան Սմբատը սովորակա-
նից վաղ տուն վերադարձաւ, հրամայեց Գաս-
պարին իւր հագուստեղէնը կապել ասաց, թէ
վաղը իրիկնադէմին ճանապարհ է ընկնելու,
թէ արդէն կառքի տոմսակ է վերցրել:

—Բաս աղջիկ պարմնը, —հարցրեց ծառան
զարմացած:

—Ի՞նչ կայ?

— Նա հիւանդ է: — Հիւանդ է, — գոչեց Սմբատը, իզուր աշխատելով չըկորցնել իւր սառնասրտութիւնը:

— Այսօր մինչև երեկոյ պառկած է եղել ասացի, աղջիկ պարոն, թող գնամ, Սմբատին գտնեմ, բժիշք կանչենք: Չուզեց ու չուզեց... Պառկած է ու լաց է լինում... գնում էք այնտեղ. Աստուած սիրեք, չ'ասէք Գասպարը ասաց: Նո կըբարկանաց վրէս, որ իմանաց, թէ ես եմ ձեզ յախնել:

Հոփիսիմէն արդարեւ հիւանդ էր և ծանը հառաչում էր, պառկած խաւար սենեակում, երբ Սմբատը ներս մտաւ:

— Ի՞նչ է պատահել, հիւանդ ես, ինչու ես մթնումը պառկել, — կրկնեց միմեանց ետևից իւր հարցերը Սմբատը:

Գասբարը նրա հրամանով իսկոյն ներս բերեց վառած կանթեղը: Հոփիսիմէն պառկած էր, երեսը պատին դարձրած, գլուխը սւ շալով ծածկած, առանց վերմակի, իւր ձեռքում սեղմած մի բան:

Սմբատը զգուշութեամբ մօտեցաւ նրան:

— Նայիր, մայրիկ, ես եմ...

Նրա ձայնը դողում էր, դողում էին և նրա ձեռները երկիւղից և խղճի հարուածից: Հոփիսիմէն արագութեամբ, որքան, ի հարկէ,

ոյժ ունէր, բարձրացաւ և նատեց անկողնի վրայ: — Դմւ ես, — աստասանեց նա քնից նոր սթափվողի պէս, — էհ, ոչինչ, գլուխս քիչ ցավում էր, անցաւ:

Այս ասելով, նա շտապով և գաղանի թագցրեց բարձի տակ մի բան:

— Այդ բնէ ես թագցնում, ցոլց տուր... Որդին, կակածանքով, ձեռը մեկնեց և բարձի տակից հանեց թագցրած բանը: Դա նրա հանգուցեալ եղբայրների և հօր լուսանկարներն էին: Նայեց նրանց վրայ Սմբատը, յիշեց այն երջանիկ օրերը, երբ նրանք կենդանի էին, յիշեց մեկի որդիական և միւսի ամուսնական աերը: Զէ որ այժմ չըկան նրանք և մօր միակ սփոփանքն ինքն է այսօր: Զէ որ ինչպէս մայրն է իւր բոլոր մէրը նուիրել որդուն, նա ևս պարտաւոր է իւր հօր և եղօր փոխարէն սիրել նրան...

Նա ուշադրութեամբ նայեց մօր երեսին: Որքան նա փոխվել է վերջին ժամանակ, թառամել, դալկացել և գրեթէ կմազք դարձել: Սի վայրկեանում բուռն զօրութեամբ գրգռվեց նրա որդիական սէրը, խառն խղճահարութեան և ցաւակցութեան հետո: Ճնշված սրտով, խորը զգացված, նա բռնեց մօր աջը, հպեց իւր շրթունքներին և յուզված ձայնով արտասանեց.

— Ներիր, մայրիկ, գիտեմ ինձ համար եռ
այդքան վշանում, քո տկարութեան պատ-
ճառը ես եմ միայն... Բայց ահա, ես քո մօտն
եմ և չեմ... հեռանալ... Չես հաւատում...

Նա վագեց իւր սենեակը և իսկոյն յետ
դարձաւ ճանապարհի տոմսակը ձեռին:

— Տես, ահա, պատռում եմ տոմսակս և
չեմ գնում...

Մայրը թռաւ ոտքի և բռնեց նրա ձեռը:
— Ոչ, սպասիր, եթէ ինձ սիրում ես, մի
պատոիլ, շատ լաւ ես արել որ վերցրել ես:
Գնա, որդի, գնա, ես ինքս եմ խնդրում, գնա,
աշխարհ տես, մարդ տես, թող միաքդ բացվի:
Լսում ես, ես քեզ խնդրում եմ, գնա: Ե՞ս, ես
յիմար կին եմ, չէի հոսկանում, հակառակում
էի: Հիմայ, միամիտ կաց, առանց քեզ կարող
եմ համբերել, ինչու չէ, կարող եմ...

Նա խօսում էր հաստատ ճայնով և հա-
մողված մարդու եղանակով: Ոչ մի կեղծ հըն-
ջւն, կամ թագցրած տժգոհութիւն չէր զգաց-
վում նրա ասածի մէջ: Սմբատը հակառակեց, նա
սկսեց հաւատացնել, որ այժմ այլ ևս ինքը չունի
ոչ ուսման ցանկութիւն և ոչ Թիֆլիզից դուրս
գնալու միտք: Բայց զժուարէր համոզել Հոփափի-
մէին: Նա անցողող կրինում էր, թէ շատ

կըվշտացնի Սմբատը նրան, եթէ չըկամենայ
գնալ, թէ այդ իւր ջերմ ցանկութիւնն է:
Հետեւեալ օրը Սմբատը պատրաստվեց ճա-
նապարհ ընկնելու, Հոփափիմէն ուրախ էր և
աշխոյժ: Նա Սմբատի աչքում բաւական փոխ-
վել էր ու անհամեմատ առողջ և գուարժ էր
երեսում քան նախնթաց երեկոյեան: Նա օդ-
նում էր Սմբատին, աշխատելով, որքան կարելի
է, նրա բեռը ծանրացնել զանազան պիտանի
ու աւելորդ հագուստներով և ստիպելով ան-
պատճառ իւր հետ տեսակ տեսակ ուտելեղէն
վերցնել ճանապարհի համար:

Սմբատը մեծ հաճութեամբ կատարում էր
նրա ամենաշնչին ցակութիւնն անգամ: Բայց,
զբաղված լինելով իւր նոր սկսվող կեանքի
մաքերով, չէր նկատում այն խորին և տարօրի-
նակ թախծութիւնը, որ թագնված էր մօր
զուարթութեան ներքոց և որ մերժ ընդ մերժ
փայլում էր նրա աչքերի մէջ կամ արտայացո-
վում ձեռների դողալով:

Հոփափիմէն մի փառաւոր ճաշ պատրաստել
տուեց իւր որդու համար: Ներկայ էին նրա
քոյրը, քեռորդին և ուրիշ մի քանի ազգա-
կաններ, որ եկել էին ճանապարհ դնելու Սըմ-
բատին: Մայրերը բացարձակ, Սմբատի ներ-
կայութեամբ, յանդիմանում էին Հոփափիմէին,

որ նա թողնում է իւր միակ որդուն օտար աշխարհ գնալու։ Հռիփսիմէն, ծիծաղելով և կատակներ անելով, պատասխանում էր, թէ Թիփլիզում արժանաւոր հարմացու չըկայ Սմբատի համար, թէ նա գնում է ուրիշ երկրում պահվելու և թէ չուտով նա կըվերադառնայ մի գեղեցիկ կնոջ հետ։

Ճաշը աւարտվեց ուրախ, անթիւ անդամ խմեցին Սմբատի կենացը և բարի ճանապարհ մաղթեցին։ Մօտեցաւ ուղեռութեան ժամը։ Գասպարը իրեղէնները տարեց փոստային կայարան։ Սմբատը մօր հետ մի կառքով գնաց, նրանց ետելից գնացին բարեկամները։ Եղանակը սաստիկ շոք էր, անհնարին էր արեգակի տակ մնալ։ Հռիփսիմէն սոէպ սոէպ սրբում էր իւր ձակատի քրտինքը, ծանր հառաչելով։

Կայարանում նա ուշադրութեամբ դիմուց այն կառքը, որ պիտի տանէր նրա որդուն, սոքում ցաւեց, որ Սմբատը պիտի այդ չորս կողմից բաց կառքում նստի, ով գիտէ, ինչ մարդկանց հետ։ Բայց նա արտաքուստ հաւաւանութիւն ցոյց տուեց, մինչև անդամ ասաց, թէ լաւ է, որ նա փակ կառքի տօմսակ չէ վերցրել այդ շոքում։

Վերջապէս, հասաւ բաժանման տագնապալի բոպէն։ Կօնդուհոքը առաջարկեց կառք նատել։

Սմբատը ընկաւ մօր գիրկը, և երկար ժամանակ նրանք չէին անջատվում միմեանցից։ Հասաւ և ուրիշների հերթը՝ Սմբատին համբուրելու Բոլոր կանացք արտասվեցին, բացի... Հռիփսիմէից։ Նա անվրդով էր, ժամում էր։ Կօնդուհոքը Սմբատին շտապեցրեց։ Նա բռնեց իւր տեղը մի ոռւս կնոջ և մի պառակ հրէայի մէջ, որ աշխատում էր բարեկամական ցոյցեր անել իւր ուղեկցին։ Կառավարը բարձրացրեց ձիերի սանձերը։ Կօնդուհոքը հնչեց իւր փողը, ձիերը շարժվեցին։ Սմբատը գդակը վերցրեց վերջին բարեները տալու մօրը, որ կանգնած էր անշարժ, մի ևնոյն դիրքում, մի և նոյն տեղում, կառքի մօտ։

— Մնաք բարեւ, — ասաց պառաւ հրէան, քաղցը ժամուալով կառքը շրջապատղներին, որոնց մէջ նա ոչ մի ազգական, ոչ մի բարեկամ, ոչ մի ծանօթ չունէր։

Լսվեց մի սուր, տարօրինակ գոռոց, նման յուսահատ խոյի բառանչելուն սպանդաղործի գանակի տակի։ Եւ մի ինչոր սե բան փովեց գետին ուղիղ կառքի առջև։ Ձիերը խրանեցին, աջակողմինը փոքր էր մնում, որ ոտք դնի գետնի վրայ տարածվածի կրծքին։

Ամենքը շփոթված նայեցին դէպի այն կողմ; Կառավարը ամուր սեղմած ունէր իւր

ձեռներում ձիերի սանձը: Սմբատը վախեցած նայեց դէպի ցած... և բանը պարզվեց նրա համար: Այնուեղ, գետնի վրայ, իւր ոտների տակ, փոշիի մէջ, տարածված էր իւր մօր անշունչ մարմինը, մի կտոր սև շորի պէս: Նա վայր ցատկեց կառքից, մօտեցաւ և գունաթափ, դողդողալով, թեքվեց մօր վրայ: Նա բռնեց նրա թեւից, բռուալով.

—Մայրիկ, մայրիկ:

Մայրիկը անշարժ էր, կենդանութեան ոչ մի նշոյլ չէր արտայայտում նրա նիհար պարզմօխրագոյն դէմքը: Ազգականները օգնեցին որդուն՝ բարձրացնել մօր անշնչացած մարմինը և դնել պատշգամբի վրայ, ուր հաւաքված էր ձանապարհորդներ ուղևարողների մի մեծ խումբ: Մէկը մի շիշ ջուր բերեց և սկսեց սրկու Հոխիսիմէի երեսին: Տեղի ունեցաւ մի իրարանցում, ազգական կանայք բարձրացրին անասելի աղմուկ: Հոխիսիմէի քոյրը բարձր ձայնով լալիս էր. Նա կարծում էր, որ հարուածը մահացու է: Սակայն սառն ջրի ազգեցութիւնից դանդաղօրէն յետ շարժվեցին ուշաթափվածի կոպերը: Նա աչքերը բաց արեց և, մի անգամ արտասանելով որդու անունը, կրկին թուլացաւ և ընկաւ Սմբատի գիրկը:

—Պարոն, ներեցէք, մենք սպասել չենք

կարող,—լսեց Սմբատը իւր ետևից կօնդուքտօրի անվրդով ձայնը:

Արդարեւ կառքը սպասել չէր կարող, ձանապարհորդները արդէն արտնջում էին: Իսկ այսաեղ տակաւին գրեթէ անշունչ ընկած էր նրա մայրը:

Նա գարձաւ կօնդուկտօրին:

—Թողէք, իրեղէններս ցած բերեն:

Նոյն վայրկեանին Հոխիսիմէն բոլորովին սթափվեց: Նրան կառք դրեցին՝ տուն տանելու: Նա կրկնում էր:

—Մի գնալ, մի գնալ:

Եւ Սմբատը պատասխանեց.

—Ուր կարող եմ գնալ...

Յետոյ, երեսը մի կողմ դարձնելով, որ աչքերի արտասուքը թագցնի, ցածր ձայնով, այնպէս որ միայն ինքը կարող էր լսել, արտասանեց.

—Այս թանգագին շղթան անկարելի է փշրել...

1889 թ.



ՕՐԻՆԱԴ ԼԻԶԱ

ԱԶԳԻ ՀՐԱՄԱՆ

ՕՐԻՈՐԴ ԼԻԶԱ
ՆՈՒԵՐ Տ. . . ԻԿ

Մի անգամ Թիֆլիզի կենտրոնում գտնվող
մի տան պատշաճբի վրայ երկու բարեկամ
նստած գարեջուր էին խմում։ Մէկը վառ աչ-
քերով, պարզ ձականով և գանգուռ մազերով
մի քսանուհինդ տարեկան երիտասարդ էր։
Միւսը մօտ երեսնուհինդ տարեկան տղա-
մարդ էր, միջահասակ, սև միքքով, քիչ նիշար-
դէմքով և բաւական բարձր ձականով։ Երի-
տասարդի հագուստը աւելի շքեղ էր և աչքի
բնինող։

Օրը վերջանում էր։ Գարնանային արևի
վերջին ճառագայթները փալեցնում էին
եկեղեցիների արծաթագոյն գմբեթները։ Գաւ-
թում, կանաչազարդ ծառերի վրայ, ճլվլում
էին ճնճղուկները։ Իսկ թեթև իրեկնային
գեղիւուը սոսափում էր ծառերի տերևնե-
րք։ Յայտնի չէր որ կողմից, լսվում էր

նոյնպէս և դաշնամբւրի ձայն: — Դա պարսկական մի քաղցր „մուղամմաթ“ էր „հետրաթիի“ հետ խառն: Արևելեան երաժշտութեան մի անծանօթ արտիստ այդ երկու եղանակները, աղաւաղելով և զարդարելով մի հայերգի եղանակով, դրել էր եւրոպական նոտաների վրայ և անունը կնքել „բաեաթի“: Ո՞չինչ նմանութիւն ատրպատական վշտահնչիւն բաեաթիի հետ:

— Նայիր, — ասաց միջահասակ տղամսրդը, գարեջրի բաժակը իւր շրթունքներին տանելով և ձախ ձեռով խփելով երիտասարդի ուսին:

— Ո՞ւր, — հարցրեց երիտասարդը:

— Երկնքին, տես ո՞րքան գեղեցիկ է:

Երիտասարդը նայեց դէպի արևելք: Երկինքը պարզ էր, բայց ցած հորիզոնից ուռչելով բարձրանում էր մայիսեան բամբակագոյն ամպերի մի ահագին սար: Սարը բարձրանում էր, հանդարտութեամբ լողալով: Նրա կոյորակ, թանձր կտորները, խառնվելով և ձուլվելով իրարու հետ, երբեմն հորիզոնում գոյացնում էին տեսակ տեսակ հրաշալի պատկերներ, որ նմանվում էին մերժ գեղեցիկ շինութիւնների, մերժ զանազան վիթխարի կենդանիների: Արևի վերջին շողբերի տակ այդ պատկերները ներկվում էին բազմատեսակ նուրբ գոյներով, որոնց

նմանը հանճարեղ նկարչի վրձինն անգամ չէ կարող ստեղծագործել:

Երիտասարդը, հիացած, նայում էր երկնացին տեսարանին, բայց նրա միտքը, կարծես, զբաղված էր ուրիշ բանով:

— Ես շատ եմ սիրում այդպիսի տեսարաններ, — կրկին խօսեց տղամարդը, բաժակը նորից լեցնելով: — Նրանք ինձ յիշեցնում են իմ կեանքի այն յիմար շրջանը, որի խաղալիքն ես դու այժմ:

Երիտասարդը նայեց նրան և, գլուխը յանդիմանօրէն շարժելով, բաժակը տարեց շըրթունքներին:

— Շարժիր գլուխդ, բայց մի հինգ տարի ես, և յետոյ ինքու քեզ վրայ կը ծիծիծաղես, Գէորգ: Նայիր երկնքին:

Գէորգը դարձեալ նայեց երկնքին: Ամպերի վիթխարի սարը հետզհետէ բարձրանում էր, աւելի ու աւելի ուռչելով և մեծանալով: Սակայն, նոյն րոպէին, երբ տղամարդը ցոյց տուեց, պատահեց մի փոփոխութիւն: Սարի ստորոտից արագութեամբ բարձրացան ամպի ուրիշ ալիքներ, բայց ոչ սպիտակ, այլ մուգ միտրագոյն: Նրանք սահեցին վերև, և մի քանի րոպէում բամբակագոյն սարը ծածկվեց մուժ քօղով:

Անհետացան սքանչելի տեսարանները, և հորիզոնը ծածկեց տիսուր վարագոյրով։
—Տեսմար ինչպէս փոխվեց, —դիմեց տղամարդը Գէորգին, —ուր են այն բազմագոյն հրաշալի նկարները։ —Չըկան, աւ թուխով պատեց, գուցէ անձրւ էլ գայ։

—Ամելի ինչ է, —հարցրեց Գէորգը, ժըպալով։

—Այդպէս է և' երիտասարդական փայլուն կեանքը շատ շատ մինչեւ երեսուն տարի։ Հասաւ երեսունը, մի ճեղք բացվեց, և նրա միջից դուրս եկած մութ ամպերը պատեցին տիսուր քօղով մարդու կեանքը։ Բայց դառնանք մեր վէճին։ Ինչպէս ասացի, Գէորգ, սէրը բնական պահանջ է, առանց նրան մարդ չէ կարող ապրել, ինչպէս ձուկը առանց ջրի։ Սէրը, այս պէս ասած, մարդկային զոյութեան խարիսխն է։ Բայց նա ցանցառ զգացմունք է դառնում, երբ կնոջն է վերաբերվում։ Կնոջ սիրել ներելի է, ինչպէս և ներելի է սիրել՝ Ղազանի գարեջուր, Թիֆլիզի խորոված, թառթառ բիֆշտեկ։ Հասկացած։ Բայց նրա համար գիշերները նատել և սրտի խորքից „ախ“եր քերելով, դուրս թափել օդի մէջ—դա խելագարութիւն է։ Կինը յիմար արարած է, Գէորգ, և ստեղծված է կեանքում յիմար դեր կատա-

րելու, թէկուզ նա խորին փիլիսոփայի քղամիդ հագնի։ Ապա, խորը քննիր, տես միշտ եմ ասում թէ չէ։ Իսկ աղամարդը, օքն, աղամարդը ուրիշ բան է, օրինակ, ես ու դու։ Կեցցէ աղամարդը։

Արգաս Պետրովիչը—այսպէս էր խօսողի անունը—այդ ասելով, քամեց գարեջրի բաժակից Յետոյ նա մի կտոր հաց ու խաւեար դրեց բերանը և շարունակեց։

—Ցղամարդի նշանաբանն է կնոջը նայել իբրև մի առօրեայ կենսական պիտոյքի վրայ։ Այն, Գէորգ, նայել բարձրից և հետը արժան չըհամարել երկար խօսելու։ Հոմաձայն ես իմ մտքին։

—Ամենևին, —պատասխանեց Գէորգը, —Դա Պրուդոնի միակողմանի սխալ գաղափարն է, որ, երեխ, քեզ վրայ շատ է ազգել։

Արգաս Պետրովիչը ներողամարդ ժպսաց։

—Պրուդոն, հըմ, Պրուդոն, ես նրան իսկի չեմ էլ կարդացել, եթէ ուզում ես իմանալ։ Ես ասում եմ այն, ինչոր կարողացել եմ նկատել մինչեւ ացօր։ Բայց, թողնենք փիլիսոփայութիւնը։ Դու այժմ սիրահարված ես և կնոջ կոշիկներին երկրպագութիւն ես տալիս։ Ես էլ մի ժամանակ սիրահարված եմ եղել, թոյլ տուր ինձ սկառմել քեզ իմ ոռմանը, է՞ն,

բանէ, գուցէ կարողանաս օգուտ քաղել իմ
պատմութիւնից: Համաձայն ես:
— Համաձայն եմ:
— Միայն թէ դու ինձ չընդհատես:
— Հարկաւոր եղած ժամանակ, չեմ կարող
չընդհատել:
— Գեղեցիկ: Բայց նախ թոյլ տուր, որ
կոկորդս թրջեմ, որպէս զի լաւ խօսեմ:
Արզաս Պետրովիչը մի բաժակ ես դադարից
և, թաշկինակով բեղերը սրբելով, ասաց.

— Լսիր:

Գէորգը արմունկները դրեց սեղանի ծայ-
րին, գլուխը թեքեց ձեռների ափերին և աչ-
քերը յառեց Արզաս Պետրովիչի երեսին:

Արզաս Պետրովիչը այսպէս սկսեց իւր
պատմութիւնը:

Հազար ութ հարիւր եօթանասուն ու ֆլան
թուականին, քսանուվեց տարեկան հասակումն,
ուսումն աւարտեցի և վերալարձայ հայրե-
նիք: Ի հարկէ, իբրև նորաւարտ, թարմ երի-
տասարդ, ես դլխումն դարսած բերեցի գեղե-
ցիկ գաղափարների մի շարք, որ մտադիր էի
իրագործել հասարակութեան օգտին: Այդ գա-
ղափարների շարքում ես կին ասված էակի
մասին ես ունէի որոշ հայեացքներ, որոնք

ակզբունքով հակառակ էին ներկայ հայեացք-
ներիս: Խօսք չըկայ, Գէորգ, գիտես, թէ
որքան առաջադէմ և աղատամիտ պիտի լի-
նէին այդ գաղափարները: Ճիշդ նոյնը, ինչ
որ դու ունես այժմ, այսինքն՝ աղատ սէր,
հաւասար իրաւունքներ, իդէալ, ֆլան-ֆսաւն:
Մի խօսքով, պատանեկական վարդագոյն երևա-
կայութիւն, որ այժմ մի փոքր մթնեցնում է
քո ուղեղը, իմ սիրելի Գէորգ:
Գէորգի շրթունքներով սահեց մի դժգոհ
ժամիտ:

— Դէ, լաւ, մի վիրաւորվիլ, միւս անգամ
չեմ կրկնիլ, — շտապեց հանգստացնել նրան Ար-
զաս Պետրովիչը և շարունակեց: — Այսպէս, Գէ-
որդ-ջան, ես եկայ հայրենիքս յայտնի գաղա-
փարներով: — Ներիր, որ այդպէս մանրամասնո-
րէն եմ սկսում պատմութիւնս: Մի քանի հան-
գամանքների հետ հարկաւոր է քեզ ծանօթաց-
նել, որպէս զի չըկարծես, թէ ես բոլորովին
զուրկ եմ եղել գաղափարական կեանքից: —
Ինչպէս գիտես, իմ մասնագիտութիւնը բժշկա-
կանութիւնն է: Բաղդի բերմունքով, ինձ շուատով
յաջողվեց պաշտօն գտնել հէնց այն քաղաքում,
ուր այս բողէ քո խոնարհ ծառան պատիւ
ունէ նկարագրել իւր կեանքից մի կտոր: Այդ
առաջին յաջողութիւնը ինձ խրախուսեց, բառի

բուն նշանակութեամբ ես մտայ կեանքի մէջ։
Ես սկսեցի քարոզել իմ՝ նոր գաղափարները։
Նատերը արհամարհեցին, շատերն էլ համակրեցին և մի հայ ընկերութեան մէջ, մի թեթև ձառից յետոյ, անմիջապէս ընդունեցին ինձ գործող անդամ (շատ մեծ օգուտներ տուեցի այդ ընկերութեան)։ Բայց ինձ աւելի զբաղեցնում էին կանաչք, ինչ մեղքս թաղցնեմ։ Ես ձգտում էի ծանօթանալ այդ քնքոյց կոչված սեռի հետ։ Ի հարկէ, իբրև հայ և ազգասէր հայ (ես մի փոքր լայնամիտներից էի), աւելի մօտ էի հայ ընտանիքներին։ Ես ծանօթացաց շատերի հետ։ Դու դիտես, որ բժիշկը այդ կողմից աւելի դիւրութիւններ ունէ քան թէ մի ուրիշը։ Ինձ վրայ խորթ աչքով չէին նայում ընտանիքներում, մինչև անգամ տեղ ընդունում էին հաճութեամբ։ Պիտի աւելացնել, որ ես այդ ժամանակ դէմքով էլ վաս չէի։ Հիմայ քիչ խունացել եմ, դէ ութ տարի հեշտ է միայն բերանով ասելը։ Մի տիկին մինչեւ անգամ մի տեղ ասել էր, որ իբրև թէ իմ շըրթունքների վրայ միշտ խաղում է չըգիտեմ ինչ մի հրապուրիչ ժպիտ, որ կանանց համար վտանգաւոր է։ Բայց դա ինձ այնքան չէր հետաքրքրում։ Ես կնոջ վրայ նայում էի ուրիշ աչքով և երբէք թոյլ չէի տալիս ինձ ստորա-

նալ նրան դիւր գալու միայն արտաքուստ։ Գիտես ինչու, հըմ—որովհետեւ գաղափարասէր էի։ Հայ գիդի յիմար երիտասարդութիւն։ Քո կենացը, Գէորգ։ — Ինչպէս ասացի, — շարունակեց Արդաս Պետրովիչը գարեջուրը խմելուց յետոյ, բաժակը իրանից հեռու դնելով, — ես դեռ ուսումնարանական նատարանի վրայ ունէի կազմած մի գաղափար կնոջ մասին, ի միջի այլոց, և հայ կնոջ մասին։ Հայ կնոջը ես երևակացում էի իբրև մի գեղեցիկ, թարմ, առողջ, բայց անմշակ նիւթ, որից կարելի է պատրաստել մի հրաշալի բան։ Բայց կարող ես զգալ թէ որքան ես խաբված համարեցի ինձ, երբ հակառակը գտայ, առաջին անդամ՝ գոնէ ֆիզիկական կողմից։ Ո՞ր տուն, ո՞ր ընտանիք մանում էի, ինձ հանդիպում էին կարճահասակ, պշկած, թառամած, քիթը երկար, մէջքը ծուռ, կուրծքը ներս ընկած էակներ։ Դրանք հայ օրիորդներն էին, որոնց դէմքերից, կարծես, մի չար ձեռք ջնջել էր այն շարժումը, աշխուժութիւնը, որոնք միայն դրաւում են երիտասարդին։ Այդ երեսովթը ինձ խիստ ցաւեցրեց։ — Այսպէս, Գէորգ, ես տեսայ, որ հայ կինը առողջ չէ։ Դա թեթև բան չիմանաս, Գէորգ, նամանաւանդ մի բժշկի համար, որ դատում

էր. „առողջ հոգին առողջ մարմնի մէջ“: Բայց ես չըվճատվեցի և դարձեալ աշխատում էի գտնել այդ սպրդնած, ժահրադէմ էակների մէջ կենդանութիւն: Դա ինձ համար մի քիչ դժուար եղաւ: Պիտի ասել, որ այդ կողմից ինձ չափազանց վրդովում էին հայ մայրերը: Այս, այդ ատելի թասակրայները, այդ թթված կէկէլ-Փէփէլները, ինչ տուն որ մտնում էի, ինձ կատարելապէս հալածում էի իրանց միատեսակ «վի՞ն արիս» և «կտօ տակօյ» ներով: Չըդիտեմ ինչու, բայց երբ այդ «վի՞ն արիս»-ների և «կտօ տակօյ»-ների փոխարէն լսում էի ռով է», սակաւ էի վրդովվում: Գուցէ դա իմ ազգասիրութիւնից էր: Բայց, այսու ամենայնիւ, ինձ դարձեալ զայրացնում էին այդ հարցերը: Ես տեսնում էի, որ ամեն տեղ ինձ վրայ նայում են իբրև մի փեսացուի վրայ: Այս պատճառով անկարելի էր ինձ հայ օրիորդին տեսնել իւր բնական և ստացածին լաւ ու վատ առանձնայատկութիւններով: Ինձ թւում էր, թէ հայ օրիորդները այն չեն, ինչ աշխատում են ձեւանալ:

—Մի օր, սիրելի Գէորգ, իմ բարկութիւնը հասաւ իւր գագաթնակէտին: Առաւոտ էր: Ես նստած թէ էի խմում և մի նոր դուրս եկած հայերէն գիրը թերթում: Յանկարծ ծառաս

ներս մտաւ և քաղաքային փոստայով ստացված մի նամակ տուեց ինձ: Ես կարդացի: Նամակի մէջ մէկը ինձ խոստվանում էր իր «սէրբ»: Դու, երեխ, գիտես, թէ ինչպէս են գրվում այդ յիմար նամակները, հարկ չըկայ ուրեմն նրա մասին խօսելու: Օրիորդի հետ ես նոր էի ծանօթացել, նա վատ չէր, բայց սիրել-էն, բայց չունես: Նամակը սկզբում ուղեցի այրել, բայց յետոյ, մտածելով, զրեցի մի կողմ: Ես թէև խիստ բարկացայ, բայց խոստվանվում եմ, Գէորգ, որ մի և նոյն ժամանակ ինչ որ հաճոցք էլ զգացի: Այսու ամենայնիւ, ես բարկացայ և որպէս զի քիչ թուլացնել բարկութիւնս, մի ծխախոտ վառեցի, որ ծխեմ: Ահա, այսպէս:

Արգաս Պետրովիչը ծոցից հանեց տուփը և նրա միջից գուրս բերեց մի ծխախոտ: Նա ծխախոտի ծայրը նախ մի քանի անգամ խփեց սեղանին և յետոյ, վառելով, նայեց ժամացոյցին:

— Օհ, դեռ վաղ է, ժամանակ շատ ունենք, բայց պատմութիւնս գեռ չեմ սկսել: Նայիր, Գէորգ, երկնքին, ամպերը կովում են, եղանակը ցրտանում է: Գնանք ներս, անձրև կըգայ:

Արգաս Պետրովիչը մտաւ ներս: Գէորգը հրամացեց ծառացին գարեջրի շիշը ներս բերել: Ծառան շիշի հետ կողորակ սեղանի վրայ մէջ տեղ գրեց և վառած կանթեղը:

Երկու բարեկամները տեղաւորվեցին սեղանի շուրջը, միմեանց հանդէպ, փափուկ բաղկաթոռների վրայ։ Մի քանի վայրկեան նրանք լուս մնացին։ Ծխախոտի ծուխը, թանձր քուլաներով դուրս գալով նրանց բերանից, բարձրանում էր դէպի սենեակի առաստաղը։ Վերջապէս, Արզաս Պետրովիչը ծխախոտը հանեց բերանից, մի քիչ գարեջուր խմեց և շարունակեց։

—Այսպէս, Գէորգ, ես բարկացայ և դադարիցի այցելել օրիորդին։ Խնչ պատահեց սիրահարված օրիորդին—ես չըգիտեմ, բայց համոզված եմ, որ նա ինքն իրան Քուռ գետը չէ ձգել իմ պատճառով։ Անցել էր ուղիղ մի տարի։ Մի գեղեցիկ օր, աչքիս լոյս, իմ աղաս դու ես, բանաստեղծացած Գէորգ Մինաեվիչ Շանաբանդեան, ես, քո համեստ ծառաց Արզաս Պետրովիչ Մախուղեանս, պատիւ ունեցայ կլուբում ծանօթանալ մի հին պաշտօնաժող հայ չինովնիկի հետ։ Դա մօտ վաթուն տարեկան, ալեխան մազերով, մի առողջ թիֆլիզեցի էր, անունը Մարտին Բուզդանիչ Բադամով։ Լսում ես, ոռվա և ոչ թէ եեան։ Հակառակ իմ սպասածին, Բադամովը ոչ թուղթ էր խաղում և ոչ Կախեթի գինի խմում, ինչպէս առ հասարակ անում են թիֆլիզեցի ծերունի-

ները։ Նա միայն սիրում էր լրագիրներ կարգալ և երկար վիճաբանել Բիսմարկի քաղաքականութեան մասին, որին նա պաշտպանում էր այնպէս, ինչպէս գուցէ կըպաշտպանէր միայն իւր հարազատ եղբօրը, որից գուրկէր ինքը Բադամովը խօսում էր ոսկերէն և, ինչպէս թիվլեզեցի, բաղաձայն տառերը արտասանում էր զարմանալի կոշտ։ Ինչ և իցէ, մենք ծանօթացանք և, մի քանի անգամ խօսելուց յետոյ, իրարու դուր եկանք։ Նա ինձ հաճելի եղաւիւր պարզ, ինքնուրոցն հայեաց քներով և համակրելի ծերուկական դէմքով, իսկ ես նրան —իրեւ քիչ թէ շատ լուրջ երիտասարդ։ Մի անգամ, իրարուց բաժանվելիս, ծերունին, հասցէն տալով, յայտնեց, թէ շատ ուրախ կըլինի ինձ հիւր ընդունել իւր տանը, թէկուզ հէնց հետեւեալ օրը։ Հետևեալ օրը, ի հարկէ, չըգնացի, գնացի մի շաբաթից յետոյ, առաւօտեան տասներկու ժամին։ Ես ասացի, որ պատիւ ունեցայ ծանօթանալ Բադամովի հետ, բայց իսկապէս պիտի ասեմ, տարաբաղդութիւն ունեցայ։ Դա, Գէորգ, մի նշանաւոր ծանօթութիւն էր, որի հետեւանքը, ինչպէս իսկոյն կըպատմեմ, եղաւ կեանքիս մէջ մի արմատական փոփոխութիւն։

—Ծերունին ինձ ընդունեց մի ուրախ և

անկեղծ ժպիտ երեսին։ Նրա բնակարանը բաւական ընդարձակ էր և թէև ոչ շքեղ, բայց ճաշակով կահաւորված։ Նա ինձ հրաւիրեց իւր ընդունարանը, և մենք այստեղ տեղաւորվեցինք թաւշեայ բազկաթոռների վրայ։ Քառորդ ժամու չափ դէսից-դէնից խօսելուց յետոյց, յանկարծ ծերունին ցուցամատը դրեց սեղանի վրայ գոնվող զանգակի դլամին։ Զանգակը սև թիթեռնիկի պէս հնչեց մի քանի վայրկեան։ Դոները բացվեցին, և ես զարմացայ, երբ, ծառայի փոխարէն, ներս մտաւ մի օրիորդ թեթև տնային չթեայ հագուստով։ Օրիորդը ձախ ձեռում պահած ունէր մի գիրք, որի մէջ նա մոցրել էր իւր միջին մատը։

„—Դու ես, Լիզա, ծառան ուր է, —հարցրեց ծերունին իւր մեղմ և հանգիստ ձայնով։ Հստ երեսվթին, օրիորդը չէր կարծում, թէ անծանօթ հիւր կայ նստած։ Ինձ տեսնելով, նա քիչ շփոթվեց և կամենում էր հէնց շէմքից յետ դառնալ, բայց Մարտին Բուղդանիչի հարցը նրան պահեց։

„—Ծառան խոհանոցումն է, ինչ էք կամենում, —պատասխանեց և հարցրեց օրիորդը, մի քանի վայրկեան երեսը դէպի մեզ շուռ տալով։

—Այդ մի քանի վայրկեանները բաւական

էին, որ ես ծանօթանալի Լիզայի կերպարանքի հետ Դա, սիրելի Գէորգ, գեղեցիկ չէր, բայց մի սքանչելի արարած էր, և գիտեմ ինչով—իւր խոշոր, խելացի աչքերով, որոնց մէջ փայլում էր այն կանացի կախարդական հուրը, որ ընդունակ է միանգամից թափանցել տղամարդի սիրալ։ Նա սքանչելի էր մի ուրիշ բանով ևս, որ աւելի նշանաւոր էր ինձ համար այդ ժամանակ։ Դա նրա բարձր, նուրբ և, ըստ երեսվթին, առողջ կազմուածքն էր, որ այդքան հազուազիւտ է մեր կանանց դասում։ Բացի դրանից, ես Լիզայի դէմքի վրայ նկատեցի մի տեսակ մեղմ ստուեր, որ, հովանաւորելով այդ դէմքը, գրաւիչ կենդանութիւն էր տալիս նրան։ Զըգիաեմ ինչու, նոյն վայրկեանին ես իսկոյն մտաբերեցի Պուշկինի Տատեանային։ Բայց, դու իմ արեւը, չըկարծես, որ ես ինձ Ծնեղին համարեցի։ Ամենեին։

„—Հրամայիր, սուրճ բերեն շուտով, —պատասխանեց Բաղամովը և յետոյց, երբ Լիզան երեսը շուռ էր տուել հեռանալու, աւելացրեց։

„—Դու էլ Ժենիայի հետ այստեղ եկ։ Լիզան դուրս եկաւ։ Բաղամովը ինձ պատմեց, թէ Լիզան և Ժենիան իւր աղջկերքն են

և բացի նրանցից չունէ ուրիշ զաւակներ, իսկ
կինը տասը տարի է, որ մեռել է:

—Մի քանի րոպէից յետոյ ծառան ներս
բերեց արծաթի մատուցարանի վրայ չորս
բաժակ սուրճ: Անմիջապէս ներս մտան Լիզան
և մենիան: Բայտամովը անունս յիշեց, և ես վեր
թռայ ու, մօտնալով, սեղմեցի նախ Լիզայի,
յետոյ մենիայի ձեռլու մենիան, կամ ճիշդն
ասեմ, Եւգենիան կըլինէր մօտ քսաներիու տա-
րեկան, իսկ Լիզան—աւելի քան քսանուհինդ:
Բացի միաչափ հասակից, ուրիշ ոչինչ նմանու-
թիւն չըկար երկու քոյրերի մէջ: Եւգենիայի
դէմքը կոլորակ էր, քիչ սե և մի փոքր դեղնա-
խառն, ճակատը նեղ, աչքերը սե, փոքրիկ
ու խորամանկ: Հէնց առաջին հայեացքից նա
ինձ դուր չեկաւ, և ես նրա մթին դէմքի վրայ
նկատեցի չնչին ինքնասիրութիւն և գոռողու-
թիւն: Փոքր առ փոքր, սովորական հարցերից
յետոյ, մեր խօսակցութիւնը տաքացաւ: Մար-
տին Բուզանիչը կրկին մէջտեղ բերեց Բիս-
մարկին և նրա՝ սօցիալականութեան դէմխօսած՝
վերջին ճառը: Ես լսում էի նրա գովասանու-
թիւնը և չեի վիճաբանում, թէև նա շատ էր
յափշտակվում: Եւգենիան խօսում էր և տա-
քացած վիճաբանում: Նա երբեմն, տեղի-ան-
տեղի, զանազան լուրջ հեղինակների անուններ

էր յիշում իբրև թէ իւր հօր ասածը հերքելու
համար: Բայց ես, չըգիտեմ ինչու, զգում էի,
որ նա այդ հեղինակներից ոչ մէկի հետ լաւ
ծանօթ չէ և նրանց անունը տալիս է լոկ
էֆֆէկտի համար: Լիզան լուռ էր և լսում
էր: Հօր հայեացքներից ազատ վայրկեաններ
որսալով, ես մերթ ընդ մերթ նայում էի այդ
օրիորդի երեսին և նկատում էի, որ նա նոյն-
պէս աչքի տակով երբեմն ինձ է նայում: Այդ
ժամանակ ես զգում էի մի տեսակ ներքին
գոռարձութիւն, որի հետ մինչև այն ժամա-
նակ ծանօթ չէի: Ե՞հ, Գէորգ:

Արզաս Պետրովիչը գարեջրի շիշը վերցրեց,
պահեց կանթեղի դէմ, և ձեռում շարժելով,
ասաց:

—Փիէ, ով ծակեց այս շիշի աակը: Հրա-
մայիր, Գէորգ, որ այդպիսի անկարգութիւններ
չըլինեն իմ ներկայութեամբ:

Գէորգը հրամայեց, և ծառան ներս բերեց
մի նոր լիքը շիշ:

—Իմ կենացը, Գէորգ, կոնծիր,—ասաց
Արզաս Պետրովիչը, բաժակը միանգամբ պար-
պելով: Զէ ձանձրացնում քեզ իմ պատմու-
թիւնը:

—Խոստովանվում եմ, որ մեծ ախորժակով

եմ լսում, Լիզան ինձ հետաքրքրում է, —պատասխանեց Գէորգը:

—Հասկանում եմ, հասկանում եմ: Հայ, արդէն անցել էր երկու ժամ: Ես ողջունեցի Բադամովներին և դուրս եկայ: Վերջին անգամ նայեցի Լիզայի երեսին, և նրա խոշոր, պարզագոյն աչքերը ինձ վրայ յառած տեսայ: Նոյն օրը ես գործ շատ ունեի, վերջացրի և ճաշից յետոյ, իրիկնադէմին, քիչ հանգստացայ ու դուրս եկայ զբոնելու: Ամառ էր, փողոցի օդը թարմացրեց ինձ, և ես, սովորութեանս համեմատ, սկսեցի այն օրուայ տըպաւրութիւններս քննել: Երեակայիր, Գէորգ, որքան գլխիս զօր տուեցի Բադամովի ընտանիքի մասին յիշել մի առ մի այն, ինչոր նկատել էի այդ օրը —ոչինչ չըկարողացայ մըտաքերել, բացի մի բանից: Դա Լիզայի մոածող աչքերն էին, որ բարձր ճակատի և կակուզ ունքերի տակից նայում էին ինձ վրայ: Ինչու, միթէ ուրիշ ոչինչ հետաքրքրելի բան չըկար այդ ընտանիքում, որ ինձ վրայ ազդէր, բացի այդ երկու աչքերից: Խար, թէ չըկար, բայց ես ուրիշ ոչինչ չըկարողացայ յիշել: Մի գեղեցիկ օր էր: Սովորութեանս հակառակ, ես, փոխանակ շուտով տուն վերադառնալու, գնացի այդի: Լուսինը նոր նոր բարձրանում էր,

խոտաներև ծառերի միջով տարածելով իւր շողքերը այդու մութ ճեմելիքների վրայ: Տեսնում ես, ինչպէս բանաստեղծօրէն գիտեմ բարբառել, Գէորգ, էլ չ'ասես, թէ միայն քեզ է տուած: Հայ, ես նստեցի կանանչ նստարաններից մէկի վրայ և սկսեցի նայել դէս ու դէն, ծառերին, երկնաքին, լուսնին, ամենից շատ լուսնին: Կեանքումս գուցէ հազարաւոր այդպիսի գեղեցիկ երեկոներ էի տեսել, բայց երբէք նոյնքան չէի հետաքրքրվել բնութեան գեղեցկութիւններով, որքան այդ երեկոյ առաջին անգամ: Ես սիրում էի հրաշալի, մեղմ լուսին գիշերներ, բայց նրանց ազդեցութեան ենթարկված չըկայի այնչափ, որչափ այժմ: Մի տեսակ ծանր, սակայն խիստ ախորժելի մելամաղձութիւն էր տիրել ինձ: Ինչու, միթէ պատճառը Լիզայի աչքերն էին, որ ծառերի ճիւղերի արանքով նայում էին ինձ վրայ: «Աստանան տանի ձեզ», ասացի ինքս ինձ և, կարծես, քնից զարթնելով, բարձրացայ նստարանից: Այդ ժամանակ ես սովորութիւն չունէի երեկոները ընթրելու, վերադառնայ տուն, որ պարապվեմ: Զըկարողացայ պարապվել, Գէորգ, ինչ ուզումես ասիր, չըկարողացայ, թէ և երկու ժամի չափ աշխատեցի: Պառկեցի քնելու, քունս չըտարաւ, և ես արորվում էի ան-

կողնի մէջ փորացաւ ընկածի պէս: Տեսնելով,
որ գիշերը անցնում է, ես սկսեցի թուել մըո-
քումն մէկից մինչև հազար և յետ: Ազապիսով
մոռացութեան մէջ ընկայ և քունը, վերջապէս,
ինձ յաղթեց:

— Առաւոտեան զարթնեցի զուարթ և
առ.... ո... փի.. քընը, քընը, փիէ:

Արդաս Պետրովիչը չըկարողացաւ շարու-
նակել, գարեջուրը թռաւ կատկին և սոխեց
նրան մի քանի վայրկեան հազել և կըմկըմալ:
Վերջապէս, նա քիչ հանդարտվեց և, թաշկի-
նակը հանելով, սրբեց աչքերի ջուրը:

— Ճանճ մտաւ բողազս ինչ է, — շարունա-
կեց նա, թաշկինակը դնելով գրպանը: — Հա,
Գէորգ, առաւոտեան զարթնեցի զուարթ և
առողջ, ամեն ինչ մոռացած: Այն օրը ևս
անցկացրի հոգեոյ ուրախ տրամադրութեան
մէջ: Մի քանի հիւանդներ ունեի, այցելեցի
նրանց և սովորականից քանի մի բոպէներ աւելի
մնացի ամեն մէկի մօտ: Մի խօսքով, ես մի ա-
ռանձին կենդանութիւն էի ստացել այդ օրը:
Բայց մթնելուն պէս գարձեալ անցեալ երեկո-
յեան մելամաղձութիւնը տիրեց ինձ: Իի-
զայի աչքերը դարձեալ եկան ներկայացան իւր
առջեւ: Մի կերպ անցկացրի այդ գիշերը: Նե-
տեեալ օրը կիրակի էր: Ես մոռացայ քեզ ա-

սելու, որ այդ օրուայ համար Մարտին Բուղդա-
նիչը ինձ հրաւիրել էր ճաշի: Առաւոտեան
նստած թէյ խմելիս, ես մտածում էի. «գնալ,
թէ չըգնալ»: Վճռեցի չըգնալ: «Ի՞նչ մի հե-
տաքրքրելի բան է ներկայացնում՝ մի հին չի-
նովիկի ընտանիքը», ասացի և վճռեցի կամ
նամակ գրել, կամ ծառային ուղարկել՝ Բագա-
մովից ներողութիւն ինցիդելու: Բայց ի՞նչ ես
կարծում, Գէորգ, ես ոչ մէկն արեցի, ոչ էլ միւ-
սը, այլ, այլ, ինչ այլ, որ ասեմ-կըծիծաղես:
Գնացի սափրավիրի մօտ, մազերս ուղել տուեցի,
եկայ տուն, զուգվեցի և հրաւիրված ժամա-
նակից էլ կէս ժամով առաջ գնացի Բագամովի
տուն:

Գէորգը ժպտաց:

— Ի՞նչ է, երեկի, մի փոքր նման է քո ռո-
մանին, — նկատեց Արդաս Պետրովիչը, — ծիծա-
ղիր, ծիծաղիր, բայց դու տես, թէ վերջը
ի՞նչ եղաւ:

— Ե՞՞հ ինչ երկարացնեմ, Գէորգ, մենք նստե-
ցինք ճաշելու, — շարունակեց Արդաս Պետրո-
վիչը, մի ծխախոտ վառելով: Զբգիտեմ՝ ինչու,
այս անգամ Լիզան աւելի ուրախ էր և շատ
էր խօսում, քան թէ առաջին օրը: Մենք խօ-
սում էինք դէսից-դէնից, շատ հասարակ բա-
ների մասին, բայց Լիզան այնպէս տաքացած

վիճաբանում էր, որ ես փոքր ինչ զարմացայ: Կրտսեր քոյլը մի տեսակ կծու եղանակով նը- կատեց.

«—Օրը մինչև երեկոյ, աչքունքդ թթուա- ցրած, գրքեր ես կարդում, ոչ խօսում ես, ոչ էլ ծիծաղում, հիմայ ի՞նչ եղաւ, որ սոխակ դառար:

Լիզան, պատասխանելու փոխարէն, փոքր ինչ կարմրեց:

Ես հարցրի, թէ ինչ գրքեր է կարդում նա:

«—Ինչ տեսակ որ ասէք,—պատասխանեց Մարտին Բուղդանիչը իւր աղջկայ փոխարէն:

«—Պապա, միթէ դուք կարծում էք, որ բոլոր ձեր բերած գրքերը կարդում է Լիզան, —կրկին մէջ մտաւ Եւգենիան, հեղնօրէն ժըպ- տալով: Ոռմանների մասին խօսք չունեմ, Լի- զան նրանց կլանում է, միւս գրքերը միայն թերթում է, որ ասի, թէ հա ինքն էլ այս ինչ լուրջ գրքերի հետ ծանօթ է:

—Մարդը շատ ժամանակ, Գէորգ, իւր սեպ- հական պակասութիւնը անգիտակցաբար ու- րիշների մէջ է գտնում: Վերջերում ես իմա- ցայ, թէ Եւգենիան սուտ է ասում, թէ Լի- զան, բացի ուրմաններից, ուրիշ լուրջ հեղինա- կութիւններ ևս կարդացել է: Իւր քրոջ նկա- տողութեան նա ոչինչ չըպատասխանեց: Ճա-

շից յետոյ մենք անցանք դահլիճ՝ քիչ զուար- ձանալու: Մարտին Բուղդանիչը առաջարկեց Եւգենիային մի բան նուագել: Օրիորդը հրա- ժարվեց, պատճառ բերելով, թէ գլուխը ցա- տում է (կանանց գլխացաւին, Գէորգ, շատ էլ հաւատ չընծայես): Հայրը առաջարկեց մեծ աղջկան, և Լիզան, առանց հակառակելու, նատեց դաշնամուրի մօտ: Ես այդ ժամանակ, և հէնց հիմայ էլ, երաժշտութիւն չըգիտէի, բայց լսել—շատ էի սիրում: Երբ Լիզան, իւր երկար և նուրբ մատերով մի քանի անգամ զարնելով դաշնամուրի կլաւիշներին, անցաւ առաջին ակվօրդը—դահլիճի մէջ տարածվեցին մեղմ և քաղցր հնչիւններ: Դա Շոպէնի այն մելամաղձոտ հիւսոււածներից մէկն էր, որոնք շարժում են մարդկացին սրտի հիւանդ թելե- րը: Դահլիճի լուսամուտները բաց էին: Ամա- րացին մանիշակագոյն երկնքի երեսում, այս ու այն կողմ սահում էին թեթևաշարժ ամ- պերը: Ես, դաշնամուրի քաղցր ձայնով յափշ- տակված, նայում էի երկնքին: Ինձ թւում էր, թէ այդ հնչիւնները արձակում են հեռու բարձրութենում լողացող սպիտակ ամպերը և ես հոգով ձգուում էի դէպի վեր, բայց չէի կա- րողանում հասնել Չըգիտեմ որքան ժամանակ մնացի այդ կախարդված դրութեան մէջ, միայն,

երբ աչքերս դարձրի դէպի դահլիճ—Լիզան
արդէն չլկար; Մարտին Բուղդանիչը ճերմակ
բեղերի տակից գուրս էր թողնում ծխախոտի
կապոյտ ծուխը: Եւգենիան, նրա մօտ նստած,
նայում էր երեսիս:

«—Ուր գնաց Ելիզաւետա Մարտինովան,
—հարցրի ես, մի փոքր շփոթվելով Եւգենիայի
սուր հայեացքից:

«—Գուրս եկաւ,—պատասխանեց Մարտին
Բուղդանիչը, երեսիս չընայելով: Եւգենիան
գնաց գուրս և, մի քանի վայրկեանից յետոց
վերադառնալով, յայտնեց, թէ Լիզայի գլուխը
ցաւում է: Այս ասելով, Եւգենիան իւր սուր և
խորամանկ հայեացքը ձգեց ինձ վրաց, և ես
նրա դէմքի վրայ նկատեցի մի կծու յանդի-
մանութիւն: Ինչու, ես ինչ էի արել: Բայց
յետոց իմացայ, որ շատ բան եմ արել: Արդէն
երեկոյ էր, երբ ես գուրս եկայ: Լիզան չը
դուրս եկաւ ինձ հրաժարական տալու, և ես
հեռացայ մի ինչ-որ ծանրութիւն ոչ թէ
կրծքիս վրայ, այլ կրծքիս տակ: Է՛հ, Գէորգ,
ես չեմ պատմիլ, թէ դա ինչ ծանրութիւն
էր, դու այժմ ինձանից լաւ ես զգում: Լաւն
է շարունակեմ՝ պատմութիւնս: Գու չըձանձ-
րացար:

—Ամենևին,—պատասխանեց Գէորգը, մի

ծխախոտ վառելով,—կարող ես մինչև լոյս
խօսել:

—Դեռ իմ պատմութեան սկիզբն է դա,
լսիր մինչև վերջը, մօտենում եմ նրա ծու-
ծին:

—Հետեւել օրը չըհամբերեցի և կէսօրից
յետոց, գործերս աւարտելով, գնացի Բագամո-
վի տուն: Դա իմ կողմից մեծ համարձակու-
թիւն էր, սակայն ես չըմտածեցի և գնացի:
Որքան մեծ եղաւ իմ ուրախութիւնը, երբ Լի-
զային հանգիպեցի դահլիճում, դաշնամուրի
դէմ նստած, նօտաների թերթերը գէս ու գէն-
թերթելիս: Մարտին Բուղդանիչը այս ան-
գամ ինձ ընդունեց աւելի քաղաքավարի, բայց
ես նրա գէմքի վրայ նկատեցի մի տեսակ ճըն-
շում: Իսկ Եւգենիան սառնութեամբ ճեռը
մեկնեց ինձ և գուրս եկաւ:

«—Ներեցէք, որ ես երեկ անքաղաքավա-
րութեամբ ձեզ թողեցի դահլիճում և յան-
կարծ գուրս եկայ, —դիմեց ինձ Լիզան, տեղից
բարձրանալով:

«—Անքաղաքավարութիւնը իմ կողմից էր,
օրիորդ, —պատասխանեցի ես, համարձակօրէն
նայելով Լիզայի երեսին:

«—Ինչու:

«—Դուք հիւանդացաք, իսկ ես, իբրև բժիշկ,
առաջարկեցի իմ ծառայութիւնը:

«—Նատ էլ սաստիկ չէր ցաւում գլուխս,
որ բժիշկի դիմելու կարևորութիւն զգացի,—
պատասխանեց Լիզան և յետոց, դառնալով իւր
հօրը, հարցրեց.—Պապա կրկամենաք, որ ձեր
սիրած եղանակներից մինը ածեմ:

«—Միայն երեկուայ պէս կիսատ չըթող-
նես ու փախչես,—պատասխանեց Մարտին Բուղ-
դանիչը լրջօրէն:

Լիզան նստեց դաշնամուրի դէմ և, ճակա-
տից մազերը յետ դարսելով, սկսեց մի ուրախ
եղանակ: Բայց ուրախ եղանակը, Գէորգ, այս
անդամ ինձ վրայ տիսուր տպաւորութիւն գոր-
ծեց: Ես նայում էի Լիզայի արագաշարժ մա-
տերին, որոնք, թեթևութեամբ բարձրանալով
վեր և կրկին իջնելով, դուրս էին մղում դաշ-
նամուրից քնքոյշ ձայներ: Ես զգում էի, թէ
Լիզայի մատերը իմ սրտին են կպչում, և այդ
ձայները արձակում է իմ սիրտը: Զէ, Գէորգ,
աննկարագրելի են այդ բոսկէները: Ես մտիկ
էի անում Լիզայի մատերին, մտիկ էի անում
նրա կոներին, իրանին, գլխին, պարանոցին,
ուսերի վրայ թափված շաղանակագոյն մազե-
րին, և դրանք ինձ մազնիսի զօրութեամբ
մղում էին դէպի այդ էակը: Ոչ մի բան

նոյն բոպէներում ինձ համար գոյութիւն չու-
նէր, ոչ մի բան—բացի Լիզայից: Նոյն իսկ
դաշնամուրի ձայնը ևս Լիզայի մէջ էի տես-
նում մարմնացած, և ես վայրկեան առ վայր-
կեան յաղթվում էի Լիզայի առջև: Վերջա-
պէս, նա դադարեց և, դաշնամուրի կափարիչը
յետ ձգելով, հարցրեց ինձ, թէ արգեօք ես
հաւանեցի նրա խաղը: Գուցէ Լիզան լաւ չէր
ածում դաշնամուրի վրայ, միայն ես հիացած
էի և նոյն բոպէին չըկարողացաք գտնել խոս-
քեր, որոնցով արտացայտէի իմ հիացումը: Նա
նայեց իմ դէմքին և իսկոյն հասկացաւ, թէ
ոքքան ազդել է իւր խաղը ինձ վրայ:

—Երկու ժամի չափ մնացի Բարձամոլի տանը
և շատ ուրախացայ, որ Մարտին Բուղդանիչը
ինձ այս անդամ ազատ թողեց քաղաքական
հարցերից: Զարմանալի բան. մի քանի օր ա-
ռաջ ինքս գուցէ մեծ բաւականութեամբ
պատրաստ էի վիճել նրա հետ այդ հարցերի
վերաբերմամբ: Խսկ նոյն օրը, եթէ նա սկսէր
վիճել, համոզված եմ, որ առանց այլ և այլի
կը համաձայնվէի նրա մաքերի հետ, միայն թէ
նա դադարէր լուրջ վիճաբանութիւն անելուց:
Այս անգամ վերադարձաց առան բոլորովին
յաղթված:

—Անցաւ մի ամիս ես ստէալ ստէալ այցելում էի Բաղամովսերին։ Ես գնում էի երեք օրը մի անգամ, և, եթէ չ'ամաչէի, Գէորգ, կը գնայի ամեն օր։ Բնական է, որ այդպիսի յաճախ այցելութեան պատճառը վաղ թէ ուշ պիտի յայտնվէր Մարտին Բուղդանիչին, և յայտնվեց էլ։ Բայց Նրանից առաջ իմացաւ Եւգենիան։ Այդ խորամանկ օձը իւր սուր հայեացքներով և հեգնական ժպիտներով կատարելապէս հալածում էր ինձ։ Խնչ վերաբերվում է Լիզացին—դու պիտի հասկացած լինես, Գէորգ, որ նա հէնց առաջին օրից էր նկատել իմ զզացումները։ Այդ կողմից, և միայն այդ կողմից, կինը ունէ դիտողութիւն, և զարմանալի ճիշդ դիտողութիւն։ Նա շատ անգամ հէնց առաջին հայեացքից կարող է նկատել, թէ ինչ է զգում տղամարդը դէպի ինքը։ Երբ մարդու ուղեղը, ուշ ու միտքը կենարոնացած են լինում մի բանի վրայ և, բացի դրանից, երբ նա այդ բանումն է տեսնում իւր գոյութեան խնդիրը, ոչ մի հոգեբան չէ կարող այստեղ նրա հետ հաւասարվել։ Պա իմ խորին համոզմունքս է, և հաւաստի եմ, որ չեմ սխալ վում։ Պու ժպտում ես, Գէորգ, դու ծիծազում ես, որ ես այդպէս շուտ եղրակացութիւններ եմ անում, բայց համբերիր, և ինքու սեալա-

կան փորձերով կըգաս նոյն եղրակացութեան։ Ինչ և իցէ։ Որտեղ մնացի, հա, ես գիտէի, որ Լիզան նկատում է իմ զբացումները։ Բայց ինչ է զգում ինքը Լիզան դէպի ինձ—դա ինձ համար առաջին ամիս թէկ պարզ էր, այսու ամենայնիւ, ես չէի համարձակվում հաւասալ, թէ յիրաւի նա անտարբեր չէ դէպի ինձ։ Ես կասկածում էի, մի գուցէ ինձ պարեցնում է, մի գուցէ կամենում է յաղթել ինձ, դուրս մըզել ինձանից մի խոստովանութիւն և յետոյ, մերժելով, զուարձանալ իւր կանացի հերոսական յաղթութիւնով։ Բայց այն ժամանակ ես զեռ հաւաս ունէի դէպի կնոջ անկեղծութիւնը։

—Իսկ այժմ՝ ընդհատեց յանկարծ Գէորգը։

—Մեռել է և երբէք յարութիւն չի առնիլ, պատասխանեց Արգաս Պետրովիչը։ Այսպէս, Գէորգ, ես հաւատում էի ինոչ անկեղծութեանը և հաւաստի էի, որ Լիզան թեթևամիտ կօկեաներից չէ, որ ինձ ուղենայ խաղալիք դարձնել իւր ձեռքում։ Խնչպէս ասացի, մի ամիս էր արդէն, որ ես այցելում էի Բագամովսերին։ Այդ մի ամսուայ ընթացքում ես բաւական մօտիկ ծանօթացայ այդ ընտանիքի պատմութեանը։ Ահա նա։ Մարտին Բուղդանիչի հայրը թողել էր ժառանգութիւն մի

տուն և մի թեթև զրւու գումար։ Ապրելով
բաւական համեստ, Մարտին Բուղդանիչը այդ
գումարի վրայ տարիից տարի աւելացրել էր
և իւր ոռնիկի մի մասը։ Քսանուհինդ տա-
րուայ ընթացքում թեթև գումարը, շահվելով,
գառել էր մի յարգելի թուանշան։ Թէ ինչպէս
էր աշխատել նրա հայրը այդ գումարը և
տունը—ես չիմացայ, բայց իմացայ, որ Մար-
տին Բուղդանիչը ինքը ծառայութեան ժամա-
նակ իւր պաշտօնը վարել էր բարեխղճաբար
(ուզում եմ ասել կաշառք չէր կերել)։ Նա
պաշտօնը թողել էր ինքնակամ, անմիջապէս
կնոջ մահից յետոյ։ Մարտին Բուղդանիչը, այդ
չըլուսաւորված հօր լուսաւորված զաւակը,
իւր աղջկերանց կրթութեան համար ոչինչ
չէր ինայել։ Նրանք մնցել էին գիմնազիական։
Կրթութիւնը և տնային ուսուցիչների միջո-
ցով սովորել էին երաժշտութիւն, պար և
ֆրանսերէն, մի խօսքով ինչոր հարկաւոր է
ժամանակակից օրիորդներին։ Կնոջ մահից յե-
տոյ Մարտին Բուղդանիչը իւր փողը վաղօրք
բաժանել էր աղջկերանց, իրու ապագայ ա-
մուսնական օժիտ։ Խակ տունը թողել էր, որ,
ինչպէս ինքն ասում էր, մեռնելու ժամանակ
կնոջ և իւր յիշատակին նուիրի մի բարեգոր-
ծական նպատակով։ Երբ այս բոլոր մանրա-

մասնութիւնները իմացայ պարզասիրտ Մար-
տին Բուղդանիչից, այնուհետև ես զգացի ինձ
նրա լնտանիքին ամենամօտ անձ։ Կարծես,
կար մի աներեւոյթ կապ իմ և նրա մէջ։ Ի
սէր Աստուծոյ, Գէորգ, Հըկարծես, թէ ես մի րո-
պէ անգամ մտածում էի օժիտի մասին։ Կըրկ-
նում եմ, ես այն ժամանակ ուրիշ մարդ էի,
իսկ այժմ ուրիշ մարդ եմ։ Այն ժամանակ մի
փոքր պակաս էր այստեղ, իսկ այստեղ շատ
վառ (Արգաս Պետրովիչը ձեռը խփեց նախ ճա-
կատին, յետոյ աջ կողքին)։ Ինչ և իցէ, ես
չափազանց ընտելացայ Բաղամովի ընտանիքին։
Խակ թէ Եւգենիան ինձ ասում էր—դա ինձ
համար այս կանթեղի նման պարզ էր։ Այս
հանդամանքը թէւ ինձ մի փոքր նեղն էր դը-
նում, որովհետեւ, ինչքան և իցէ, Եւգենիան,
եթէ կամենար, կարող էր խոչնդու լինել,
միւս կողմից Լիզայի և Մարտին Բուղդանիչի
համակրութիւնը ինձ խրախուսում էին։ Անտա-
նելի օրեր էին ինձ համար այդ օրերը, Գէորգ։
Ես ինձ կորցրել էի, ոչ մի գործ կարգին կա-
տարել, ոչ մի միտք գլխումն եփել չէի կարո-
ղանում։ Գնում էի ծառայութեան, պաշտօ-
նիս փոխարէն Լիզան էր կանգնած իմ առջև,
զնում էի հիւանդի մօտ, հիւանդի փոխարէն
Լիզային էի տեսնում իմ դէմ։ Գլխաւորիցս մի

քանի անգամ յանդիմանութիւն ստացայ, հեւանդներից մի քանիսի տէրերը ինձ քաղաքավարութեամբ մերժեցին։ Խակ հասարակական գործերը տակահան մոռացել էի։ Ընկերներս ինձ ծաղրում էին, թէ ինչպէս տուած տաք տաք կպայ գործին և ինչպէս շուտ սառաց։ Թիրովհետեւ բոլոր քո եռանդը կեղծ էր»—առում էին նրանք։ Բայց ես ուշադրութիւն չէի դարձնում ոչ ոքի խօսքի վրայ և շարունակում էի օրից օր աւելի ու աւելի թուլնալ։

—Մի գիշեր, վերջապէս, խելքս դլուխս ժողովեցի և սկսեցի քննել իմ զրութիւնը։ Շատ անմիթար գտայ նրան, Գէորգ, և անսայ, որ, եթէ այդպէս երկար շարունակվի, ես միանդամայն կըդառնամ։ մի անպէտք լավ։ Վճռեցի այլ ևս չ'ացցել Բաղամովներին և դուրս բերել գլխից ու սրտից Լիզա ասված էակին։ Եւ, ինչ ես կարծում Գէորգ, միայն տասն օր կարողացայ չըտեսնել Լիզայի երեսը։ Թէ որքան թանգ նստեց ինձ այդ տասն օրը, ես հրաժարվում եմ պատմել, որովհետեւ շատ կ'երկարի պատմութիւնս Ծանր և վշտալի օրեր էին ինձ համար այդ օրերը։ Բայց մի բան պիտի աւելացնեմ, Գէորգ, որ թէև վշտերում և շատ էի կարդացել, թէ այդպիսի դրութեան

մէջ սիրահարվածի ախորժակը և քունը փախչում են, իմ ախորժակը երբէք չէր կապվում, ես ուտում էի առաջուայ պէս և քնում էլ էի։ Միայն գործել չէի կարող, ոտանաւորներ էի գրում, «իմ սիրելի»—Փլան, ֆատան։ Գիտես էլի... Տամնումէկերորդ օրը էլ չըկարողացայ համբերել։ Շինչ որ լինելու է, թող լինի, — ասացի ինքս ինձ—կըգնամ և բացարձակապէս կըպարզեմ իմ սիրտը Լիզայի առջեւ, կընդունի—լաւ, չի ընդունիլ — այնուհետեւ հողը գլուխս, մի կերպ կըտանեմ ցաւա։

Այս ասացի, ցիլինդրս դրեցի գլխիս և գնացի։

Արգաս Պետրովիչը մի փոքր լսեց, գարձեալ մի քիչ գարեջուր խմեց և, մի ծխախոտ վառելով շարունակեց։

—Իրիկնաղէմ էր։ Մարտին Բուղդանիչը տանը չէր, բարեբաղդաբարա։ Եւգենիան մուռափում էր։ Լիզան, պատշգամբի վրայ նստած, նայում էր քաղաքի շրջակայ սարերին։ Ինձ անսաւ թէ չէ, իսկոյն նա վեր թռաւ տեղից և ձեռը մեկնեց։ Ես նրա դէմքի վրայ նկատեցի անսպասելի ուրախութեան մի արտայայտութիւն, որ նա իզուր աշխատում էր թագդնել։ Մի քանի վայրկեան մենք չըկարողացանք

խօսել։ Ես սեղմեցի նրա ձեռը և նստեցի
դէմ ու դէմ։

„—Ո՞րտեղ էք մնացել, —հարցրեց, վերջա-
պէս, Լիզան։

„—Սաստիկ զբաղված էի գործերով, —ուշա-
մսացի ես։

„—Խոկ մենք կարծում էինք, որ հիւանդա-
ցել էք։

„—Միթէ։

„—Քանի անգամ ծառային ուղարկել ենք,
ձեր բնակարանը չի գտել։

„—Շնորհակալեմ ձեր հոգացողութեան հա-
մար։

„—Հայրս է ձեր մասին շատ հարցնում, —
շտապեց աւելացնել Լիզան։

„—Շնորհակալեմ, ինչպէս է Մարտին Բուղ-
դանիչը։

„—Լաւ է, Երէկ այգումը երկու ժամու
շափ ես և ծենիան պտրեցինք ձեզ և ոչ
մի տեղ չըտեսանք։

Ես այս անգամ չըկարողացայ ինչպէս
յայտնեմ իմ շնորհակալութիւնը։ Մի քանի ան-
գամ „շնորհակալեմ“ բառը իրարու ետելից
կրկնելը ինձ անհամ էր թւում։

„—Դուք ինչպէս էք, —վերջապէս, հարցրի
ես, յանկարծ մտաքերելով իմ սխալը։

„—Նատ տխուր, մի շաբաթ է չըգիտեմ ինչ
է պատահել ինձ, գիշերները չեմ կարողանում
քնել։

Այս ասելով, Լիզան գլուխը թեքեց կրծքին
և մատերով սկսեց ուղղել հանդերձի փեշերը։
Ես նայեցի վերելից ցած նրա երեսին և նկա-
տեցի ոչ թէ անքնողութիւն, այլ մի ինչոր
ծանր մտածողութիւնից առաջացած փոփո-
խութիւն։ Ոչ նրա աչքերի կոպերն էին ուռած
և ոչ էլ նրանց սպիտակոցն էր դեղնած։ Ան-
քնութեան այս հետքերը չըկացին Լիզայի
դէմքի վրայ, կար միայն մի թեթև դեղնու-
թիւն։ «Հըմ, իմ բացակայութիւնը իզուր չի
անցել», —մտածեցի ես, ուրախանալով։

„—Գուցէ հիւանդ էք, թոյլ տուէք շօշափել
ձեր երակը, —ասացի ես։

Լիզան զգուշութեամբ մեկնեց ինձ իւր
բազուկը։ Ես անյաւազ ոչ թէ բանեցի, այլ
խելագարի պէս ճանկեցի այդ բազուկը։ Մի
վայրկեանում նա զողաց իմ ձեռի ափում, և
Լիզան գուրս խեց նրան արագութեամբ։

„—Թողէք, ես առողջ եմ, —ասաց նա, կարմ-
րելով և երեսը ինձանից շուռ տալով։

Ես զգացի մի ինչոր ցնցում, ամբողջ
մարմնովս անցաւ մի համելի գողոց։ Ես շփոթ-
վեցի և կամենում էի բերանս բանալ չըգիտեմ։

ինչ ասելու: Բայց այդ վայրկեանին ներս մտաւ
Մարտին Բուղդանիչը: Լիզան շփոթվեց և վեր-
կացաւ տեղից:

„—0օօ, Արգաս Պետպովիչ, Առզասս Պետպո-
վիչ,—դիմեց ինձ Մարտին Բուղդանիչը, չըդի-
տեմ ինչու, այս անգամ անունս սովորականից
աւելի կոշտ արտասանելով: Նա մօտեցաւ և
ձեռս սեղմեց:

„—Բարով, բարով, քանի ամառ է, քանի
ձմեռ է, որ մեզ մոռացել էք,—շարունակեց
նա, անխնայ քերելով իւր կոկորդը ԾՈՅԼԿ
բառը ասելիս, որ չորս անգամ դուրս բերի
և տառը:

Մենք գնացինք ներս: Ներկայացաւ և զուգ-
ված, զարդարված Եւգենիան անփոփոխ հեգ-
նական ժպիտը իւր խորամանկ երեսում: Մենք
սկսեցինք խօսել Մարտին Բուղդանիչի սիրե-
ցեալ քաղաքական հարցերի մասին: Բայց,
զարմանալի բան, որքան աշխատում էի, այս
անգամ ծերունին բանը չէր երկարացնում:
Իսկ Եւգենիան երեսիս անգամ չէր նայում:
Լիզան աչքերի տակով մտիկ էր անում ինձ ու
ժպտում, երբեմն էլ ծածուկ ծիծաղում: Երբ
նա ժպտում էր, ես ևս ժպտում էի, իսկ երբ
ծիծաղում էր, չէի համարձակվում ծիծաղել:
Նա մերթ ընդ մերթ նայում էր իւր քրոջ և

հօր երեսին և յետոյ ինձ վրայ ձգում թա-
փանցող հայեացքներ: Պարզ էր, որ նա կամե-
նում էր իմանալ, թէ ինչ տպաւորութիւն է
անում ինձ վրայ հօր և քրոջ այն օրուայ սառ-
նութիւնը և, մի և նոյն ժամանակ, կարծես,
նրանց փոխարէն ամաչում էր ինքը: Տես-
նելով բանս մի քիչ լաւ չէ, ես շտապեցի
դուրս գնալ: Եւ դուրս եկայ թեթևացած,
Լիզացի սէրը այս անգամ ինձ համար անկաս-
կածելի էր: Փահ, ինչ շուտ է չորանում կո-
կորդս:

Արգաս Պետրովիչը կրկին գարեջրից մի
փոքր կում արեց:

—Այսպէս, Գէորգ, —շարունակեց նա, բե-
րանը սրբելով, —ինձ համար մասամբ պարզվեց
Լիզան: Մնում էր միայն մի բան, դա էլ շու-
տով կատարվեց: Միւս օրը երեկոյեան ես
գնացի կլուք: Ընտանեկան երեկոյ էր: Ես 'ի բնէ
չէի սիրում պարել, այս պատճառով, մի անկիւն
քաշված, ականջ էին դնում երաժշաութեան:
Յանկարծ յետ նայեցի և տեսնեմ—Լիզան, հով-
հարը ձեռին, կանգնած:

«—Հայրս ընթերցարանում կարգում է, Ճե.
Նիան էլ պարում է, ես մենակ եմ», —ասաց նա:

—Յայտնի բան է, ես իսկոյն ուրախութեամբ
ընկերացայ Լիզային: Երաժշտութիւնը նուա-

գում էր: Լիզայի առաջարկութեամբ մենք գնացինք այդի զբօսնելու: Այստեղ ոչ ոք չը- կար. ամենը, ոտոնդայում ժողովված, մտիկ էին անում պարողներին: Խաղաղ և զով երե- կոյ էր: Մի քանի շրջաններ անելուց յետոյց, չըգիտեմ ինչպէս, ես յանկարծ ինձ Լիզայի յետ տեսայ մի մութ ծառուղիում, ուր ոչ ոք չէր երևում: Մենք նստեցինք կանանչ նստա- րաններից մէկի վրայ, իրարու քով: Նա լուս էր, ես էլ լուս էի: Նա ասում էր, թէ երաժշ- տութիւն է լսում, ես հաւատացնում էի, թէ յափշտակված եմ գեղեցիկ երկնքով: (Ո՞վ գիտէ, այն րոպէին գուցէ երկինքը խակի գեղեցիկ էլ չէր): Երկուսս էլ իրարու խաբում էինք, և երկուսս էլ գիտէինք, որ սուտ ենք ասում: Իմ միտքը զբաղված էր նրանով, նրա միտքը զբաղված էր ինձանով: Ուրիշ ոչինչ. ոչ երա- ժշտութիւն և ոչ էլ երկինք: Աւելի յարմար ժամանակ չէի կարող գտնել իմ սիրտը պար- զելու համար (թէև տեղը այնքան էլ յար- մար չէր): Ես շտապեցի օգտվել դէպքից: Եւ գիտես ինչպէս, ոչ խօսակցութիւն, ոչ բանաս- տեղծական ճարտարաբանութիւն, ոչինչ: Ահա ինչպէս:— Լիզայի ձեռում կար մի վարդ: Ես խնդրեցի այդ վարդը նրանից: Նա առաջար- կեց ինձ և կրկին յետ քաշեց իւր ձեռը: Ես

բռնեցի նրա ձեռից, որ ոյժով լսեմ՝ վարդը: Նա ընդդիմացաւ, բայց վարդը մօտեցրեց քթիս, որ հոտ առնեմ: Ես բռնեցի նրա բա- զուկից և, փոխանակ վարդից հոտ քաշելու, մի տաք համբոյր կացրի նրա սիրուն մասե- րին: Նա ձեռը արագութեամբ յետ խլեց, ես, աջ ձեռով գրկելով նրա մէջքը, այս անգամ համբուրեցի երեսը: „Ի՞նչ էք անում, խելա- զարվել էք ինչ է“, — ասաց նա, իբրև թէ աշ- խատելով ձեռից գուրս պրծնել, այն ինչ՝ ինքը մօտենում էր ինձ: Ես ուզեցի խօսքերով արտայայտել իմ զգացումը, Լիզան ձեռը դրեց բերանիս, որ լուս: «Սուս, ասաց նա — գիտեմ ինչ ես ուզում ասել, գուցէ ուզմանների մէջ հազար անգամ զրված միատեսակ բառեր»: Ես լուցի և սկսեցի իրարու ետևից համբոյրներ դրոշմել նրա ձեռներին, թշշերին, վզին, գլւին և մինչեւ անգամ հագուստին: Այս բոլորը կտ- տարփում էր լուս: Նա քիչ գոզում էր, իսկ իմ շրթունքները ցուրտ կտրածի պէս կպչում էին ատամներիս: Գրազ կըգամ, որ նոյն ժա- մին իմ դէմքը շատ յիմար պիտի լինէր: Ան- ցել էր մի ժամու չափ, մենք ուրախութեամբ այդ զրութեան կըմնայինք մինչեւ լոյս: Բայց այդ չէր կարելի, և Լիզան առաջինը յիշեցրեց, թէ հարկաւոր է գնալ, եթէ ոչ՝ հայրը կըկաս-

կածի: Ես հարցրի, երբ կարող ենք տեսնվել և պատասխան ստացայ, թէ կարող եմ ամեն օր այցելել իրանց տունը: — „Միայն առաւօտաները, ժամը տասնութեղից յետոյ, — ասաց Լիզան, — այդ ժամանակ հայրս կը լուր լրագիրներ կարդարու է գնում մինչեւ երկու ժամը“:

«— Իսկ Եւգենիա Մարտինովսման, — հարցրի ես:

„— Հեշտ է, նրա գաղանիքն էլ իմ ձեռքում է“, — պատասխանեց Լիզան, և մենք բաժանվեցինք:

— Իրաւ որ, ինչպէս իմացայ շուտով, Եւգենիան մի յիմար ռոման ունէր մի ինչ-որ լպրստած ֆրանտի հետ, որին ես մինչեւ այդ ժամանակ մի անգամ տեսել էի Բարդամովի տանը:

Հետեւեալ օրը, նշանակեալ ժամին, ես Լիզայի մօտն էի: Մարտին Բուղդանիչը իսկապէս տանը չէր: Եւգենիան տանն էր, ինչպէս յետոյ Լիզան ասաց, բայց իմ ներկայութեամբ չերեւեց: Լիզան նստած էր դահլիճում, մի հայերէն դիրք ձեռքում բռնած: Երբ ես ներս մտայ, նա, շփոթված, դիրքը մի կողմ ձգեց:

«— Միթէ հայերէն դիտես», — եղաւ իմ առաջին հարցը:

„— Շատ քիչ, բայց ուզում եմ սովորել:

„— Զէի սպասում:

Մենք նայեցինք իրարու և համկացանք միմեանց միտքը: Կէս ըոսկէի չափ մենք լը ուեցինք:

„— Արշակ, — ընդհատեց յանկարծ մեր լը ոռութիւնը Լիզան, առաջին անգամ արտասանելով իմ հայերէն անունը: Եւ այդ Արշակը նա արտասանեց մի այնպիսի լուրջ եղանակով, որ ես մի քիչ վախեցայ:

„— Արշակ, — շարունակեց նա, — ես կարծում եմ, որ այսուհետեւ կարող ենք դէն ձգել մեր դիմակները և խօսել պարզ ու անկեղծ:

„— Միթէ մինչեւ հիմա մենք դիմակներ ունէինք, — հարցրի ես զարմացած:

— „Ո՞չ թէ դիմակ, այլ մի թեթև քօղ, որի տակից շատ պարզ երեսում էր մեր իսկական դէմքը: Մենք վաղուց էինք իրարու սիրում, դա դու էլ դիտէիր, ես էլ, բայց զարձեալ այդ քօղը պահում էինք: Նա անհրաժեշտ է սիրահարվածներին մինչեւ երեկուաց ժամը, այնուհետեւ աւելորդ է: Լսիր, ես կամենում եմ՝ քեզ ծանօթացնել Լիզայի հետ, որին դու սիրում ես: Յետոյ պահանջելու եմ քեզանից, որ դու էլ ծանօթացնես ինձ Արշակի հետ, որին ես սիրում եմ:

Ես զլուխս շարժեցի, թէ համաձայն եմ Լիզան շարունակեց.

— „Երեկ, տուն վերադառնալով, ես մինչեւ գիշերուայ կէսը մտածում էի.քո մասին։ Մտածում էի՝ արդեօք քո սէրը հաստմտ է, թէ ոչ Զըկարծես, որ վայրկեան անդամ կասկածել եմ, թէ մի գուցէ գու ևս պատկանում ես այն թեթևամիտների շարքին, որ, հարուստ հարսնացուի առջեւ դիմակ հազած, ծաղրածուի դեր են կատարում վափուկ օժիտի համար։ — Ամենւեին։ Ես միայն մտածում էի, արդեօք սիրում ես ինձ, թէ դա մի ժամանակաւոր յափշտակութիւն է քո կողմից, որ շուտով պիտի անցնի։ Բայց վերցրի այս ամիսուկէսուայ մեր ծանօթութիւնը, քննեցի առաջին օրից մինչեւ այժմ քո վերաբերութիւնը դէպի ինձ և զգացի, որ իրաւ, քո սէրը հաստատ է և անկեղծ։ „Զգացի“ եմ ասում, որովհետև ես մեծ հաւատ ունեմ դէպի իմ զգացումների անսխալութիւնը։ Քո խորհրդաւոր հայեացըները, քո դոյնի փոփոխութիւնը, վերջապէս, տասն օրուայ քո բացակայութիւնը, իբրև մի մի զօրեղ վկաներ, կենդանացան իմ առջեւ, և վերջը վճռեցի այնպէս, որ ահա ես քեզ հետ եմ։ Ես կիզայի խօսքը ընդհատեցի մի ջերմ համբոյրով։

„—Սպասիր, մի տաքանար, — շարունակեց նա։ — Զեմ թագցնում, որ հէնց առաջին ան-

գամից, երբ քեզ տեսայ, մի ինչոր զգացում ծագեց իմ մէջ։ Ես զգացի քո մէջ մի ոյժ, որ ինձ մղում էր դէպի քեզ։ Դաշնամուրից փախչելուս, քո բացակայութեան ժամանակ իմ տրամելու (ես սուտ էի ասում, թէ հիւանդ եմ) սլատնառը ոչ թէ գու էիր, այլ այն ոյժը, որ ես զգում էի քո մէջ։ Ինչ է այդ ոյժը, ես պարզ չըգիտեմ։ Մինչեւ այն օրը իմ ծանօթ տղամարդիկ բոլորն էլ ինձ համար մի մի աննշան էակներ էին, որոնց մէջ չէի գտնում այդ դրաւիչ զօրութիւնը, որ միանգամից հապատակացրեց իմ սիրութ։ Արշակ, շատերն են ինձանով գրավվել։ Ես չեմ ասիլ, որ ամենն էլ իմ չիսուն հազար օժիտը դրել են կշռի մի թաթում, իսկ ինձ միւս թաթում։ — Ոչ, եղել են և անկեղծ սիրողներ, բայց ոչ մէկը նրանցից չէ կարողացել հպատակեցնել ինձ։ Կրինում եմ, Արշակ, ես չըգիտեմ թէ ինչ է այդ զօրութիւնը, ես նրան գտնում էի միայն վիպական հերոսների մէջ։ — Բայց այժմ համոզված եմ, որ նա կըպարզվի, երբ դու կըպատմես ինձ քո անցեալը, ներկան, քո գաղափարները, նպատակները, մի խօսքով բոլորը, բոլորը, առանց մի որ և է մանր կէտ թագցնելու։ Լսում եմ, դու պիտի բոլորը ինձ համար պարզես։

Այս խօսքերից յետոյ, Լիզան իւր աչքերը
յառեց աչքերիս: Կարծես, նա սպասում էր,
որ ես մի քանի բուհում պատմեմ բոլոր իմ,
ինչպէս ինքն էր ասում, „անցեալը, ներկան,
ապագան, գաղափարները, նպատակները“: Հեշտ
է ասել բերանով:

Ես պատասխանեցի, թէ առաջներիս ժա-
մանակ շատ կայ և ես պատրաստ եմ պարզել
իմ կեանքը:

„—Հէնց այսօրուանից,—հրամայեց նա:

„—Հէնց այսօրուանից,—համաձայնվեցի ես:

—Յետոյ սկսեցի պատմել Լիզային, թէ
ովքեր են իմ ծնողները, ինչ կրթութիւն եմ
ուսացել և այլն և այլն:

„—Իսկ ինչ գաղափարական նպատակներ
ունես, —հարցրեց Լիզան, երբ ես աւարտեցի
իմ պատմութիւնը:

—Ես ասացի, թէ դժուար է միանգամից պա-
տասխանել այդ հարցին, որովհետև շատ խըն-
դիրներ դեռ ինձ համար մութ են:

„—Քանի՞ տարեկան ես, —հարցրեց նա
յանկարծ:

„—Քսան և ութերորդումն եմ:

„—Միթէ այդ հասակում դեռ քեզ համար
մութ ինդիրներ են մնում:

„—Կեանքը շատ բարդ բան է, Լիզա,

նրան ուսումնասիրելու համար տասնեակ տարի-
ներ են հարկաւոր:

„—Որոշ նպատակներ և գաղափարներ ու-
նեցող մարդը իւր շրջապատող կեանքը շուտ
կարող է ըմբռնել:

Ես սկսեցի մանրամասն բացադրել, թէ դրա
համար հարկաւոր է ունենալ ձիրք, այսինքն՝
դիտողական ձիրք: Խոստովանվեցի, թէ ինձ
նման հասարակ մահկանացուները դեռ շատ
պիտի ապրեն, որ ճանաչեն կեանքը, թէ նոյն
իսկ տաղանդաւոր մարդիկ մեծ մասամբ սխալ-
վում են, երբ շտապ եղրակացութիւններ են
անում կեանքի լաւ կամ վատ երևոյթների
մասին: Մի խօսքով, երկու ամբողջ ժամեր ես
տաքացած բացադրեցի իմ միտքը Լիզային:
Արդէն ուշ էր և Մարտին Բուզգանիչի ճաշին
վերադառնալու ժամանակը մօտեցել էր: Ես
բարձրացայ տեղիցս, որ հրաժարական տամ,
բայց Լիզան ինձ պահեց:

„—Լսիր, —ասաց նու, —դու չես նեղանում,
որ քեզ գաղանագողի եմ ընդունում ինձ մօտ:

„—Ամենաեին, եթէ քաշվում ես հօրիցդ:

„—Ես նրանից չեմ քաշվում, միայն յար-
գում եմ նրան, և առ ժամանակ պիտի այդպիս
տեսնվենք: Հայրս կորցրել է իւր հաւատը դէպի
մեր երիտասարդները: Նրան յայտնի է մեր

սէրը: Նա կասկածում է, մի գուցէ դու ել
ինձ վրայ օժիտի կողմից ես նայում: Բայց նա
քեզ գովում է, և դու կարող ես երեք-չորս
օրը մի անգամ նրան այցելել:

Մենք բաժանվեցինք: Ես սկսեցի մասձել
Լիզայի ասած զօրութեան մասին: Դա ի՞նչ
մի զօրութիւն է իմ մէջ, որ հպատակեցնում
է նրան: Ո՞րտեղ է սովորել Լիզան այդպէս
դատել, գրքերից, թէ կեանքի փորձն է նրա
մէջ յղացրել այդ ամենը: Ո՞վ է Լիզան, ի՞նչ
տեսակ էակ է, որ մինչև այժմ ոչ ոքի չէ
հպատակել և այժմ իւր սիրտը տալիս է ինձ,
ոչ թէ ինձ, այլ այն զօրութեան, որ իմ մէջ
զգում է: Փանի այդ հարցերը ինձ զբաղեց-
նում էին, այնքան Լիզան իմ աչքում բարձ-
րանում էր և դառնում մի անհասկանալի էակ:

— Ես ամեն օր տեսնում էի իմ սիրեցեալին,
իսկ երեք-չորս օրը մի անգամ, նրա պատուէ-
րով, Մարտին Բուղդասնիչին: Ծերունին, երեխ,
զգալով իմ կողմից ևս մի թեեթև սառնութիւն
գէպի ինքը, այս անգամ դարձեալ սկսեց փոքր
առ փոքր մօտենալ ինձ: Նրա խօսակցութեան
և վիճաբանութեան համար մի ահագին և
հետաքրքրելի ասպարէզ էր բացվել: Դա ոռւս-
տաճկական պատերազմն էր, որ այնժամանակ
նոր էր ծագել: Իսկ Եւգենիան շարունակում էր

ինձ հալածել իւր ծաղրող հայեացքներով: Այդ
օրիորդը քանի գնում այնքան աչքիցս ընկ-
նում էր, նամանաւանդ այն օրից, երբ ես
տեսայ նրա հաւանած փեսացուին: Դա մի
լպսուած ֆրանտ տղայ էր, փոքրիկ շամամաձե-
ղլսով, որից միշտ Violet de parme-ի հոտ էր
գալիս: Ի՞նչ գործի էր և ով էր այդ տղան—
ես չըդիտեի և չէի էլ հետաքրքրվում, բայց
հագուստից-բանից երևում էր, որ հարուստ
մարդու որդի է: Կարճահասակ, աչքերը նեղ
և երկար, ճակատը տափակ, երեսը սափրած
ու ականջների առաջ մի մի մատաչափ մա-
զեր թողած, իւղած սև մազերը նեղ ճակատի
վրայ երկու կտոր ոլորած գլխի կպցրած կաշիին—
ահա նրա կերպարանքը: Իսկ մի բան, որ ինձ
վրդովեցնում էր դա նրա նեղ պատրի-պատրի
վարդիկն էր: Ամեն անգամ նա բազկաթոռի
վրայ նստելու ժամանակ, ես ակամայ նայում
էի նրա ծնկների աչքին, սպասելով, որ ահա
վարդիկը կըպատուտվի: Խօսակցութեան ժամա-
նակ նա սովորութիւն ունէր ձեռներով զանա-
զան բեմական շարժումներ անել, կրծքին խփել
և ստէպ ստէպ մազերը ուղղել և ացն: Մի
խօսքով, ես այդ տղին չէի սիրում, և նա
էլ ինձ չէր սիրում: “Ի՞նչ սիրտ և խելք կա-
րող է ունենալ այդպիսի ճաշակ ունեցող մի

օրիորդ“—ասում էի ինքս ինձ: Բայց ինչ և
իցէ, ևս ուրախ էի, որ Եւգենիան, զբաղված
լինելով այդ զարդարած խաղալիքով, չէր
խանգարում մեզ, և ես ամեն օր կարողանում
էի Լիզայի հետ առանձնանալ դահլիճում
և երկար խօսել: Օրից օր իմ սէրը տաքանում
էր դէպի Լիզան, և ես աւելի ու աւելի սուղ
կապով էի կապվում նրա հետ: Ե՛ս, երեխայութիւն,
երեխայութիւն: Մի ծխախոռ տուր,
Գէորգ, իմս վերջացել է:

Գէորգը խոյն առաջարկեց, և Արզաս Պետ-
րովիչը, ծխախոռ վառելով, մի քանի վայր-
կեան ծխեց: Յետոյ նա շարունակեց.

—Առաջ ես, Գէորգ, այնքան էլ չէի սի-
րում խօսել և աւելի լուռ ու մռայլ մարդ էի, քան
թէ գուշարձմախօս և ուրախ: Բայց Լիզայի հետ
բացագրվելուց յետոց, ես դառել էի շատախօս
կաշաղակ: Դու չըկարծես, ամենքի հետ: —Ո՛չ,
միայն և միայն Լիզայի հետ, և այդ ոչ թէ
այն պատճառով, որ իմ սիրեցեալը ինձ պա-
տուիրել էր պարզել իմ մտքերը, այլ հէնց ես
ինքս զգում էի մի տեսակ ներքին պահանջ:
Ես անհնարին էի համարում Լիզայի առջև
թագինել մինչեւ անգամ մի աննշան կէտ իմ
իմացածից: Այս պատճառով, ոգեսորված, ժա-
մերով խօսում էի և չէի դադարում: Մի ամ-

սուայ լնթացքում Լիզան բոլորովին ծանօ-
թացաւ ինձ հետ, և ես չունէի գաղտնիք, որ
նրան յայտնի չըլինէր: Բայց անցաւ առաջին
ամիսը մեր սիրահարութեան, և այնուհետև,
սիրելի Գէորգ, սկսեց ամեն ինչ փոխվել, տակն-
ուվրայ լինել: Ահա ինչպէս:

Արզաս Պետրովիչը դատարկ շիշը վերցրեց
և գլխիվայր պահեց: Յետոյ նա շիշը դրեց
սեղանի վրայ, մի քանի վայրկեան լռեց և
ծիծաղելով ասաց.

—Գէորգ, պարսկական գավրիշը մի հիանալի
սովորութիւն ունէ: Նա, հեքեաթ ասելիս,
յանկարծ ամենահետաքրքիր տեղում լռում է:
Ժողովուրդը անհամբերութեամբ նայում է
նրա բերանին, իսկ նա իւր գետշելը պահելով
ունկնդիրների առջև, ասում է. „Կաղլըն առջան
շախ հաղթալիք Աբբաս եւզնու զօյ բեր զար սոլուն
բռւթա“: Դու թրքերէն դիտես:

—Ո՛չ, —պատասխանեց Գէորգը:

—Ասում է. „պատմութիւնս հաւանող
անձը, մարգարէ Արբասի անունով թող մի
բան ձգէ այսոտեղ“: Եւ դավրիշը չէ շարունա-
կում հեքեաթը, մինչեւ իւր ուզած գումարի
ստանալը: Հասկացար, Գէորգ,—աւարտեց Ար-
զաս Պետրովիչը, ժագալով և մատնացոյց անե-
լով գարեջրի շիշը:

Գէորգը, ծառային կանչելով, հրամայեց մի շիշ ևս գարեջուր բերել։ Ծառան բերեց շիշը, և Արզաս Պետրովիչը մի բաժակ լցրեց և մի-անդամից դարտիկեց։

— Այ-օյ, իմ սիրելի Գէորգ, — շարունակեց նա, բերանը սրբելով մետաքսեայ թաշինակով, — ինչպէս ասացի, ես պարզեցի իշ գլուխը և սիրու Լիզայի առջեւ, այսինքն, ես արեցի մի աններելի ցիմարութիւն, որ ինձ շատ վնասեց, բայց շատ էլ օգուտներ տուեց վերջը։ Թէ ինչ օգուտներ — այդ յետոյ կիմանաս ինքդ, ես կըպատմեմ, թէ ինչպէս վնասեց։ Երբ Լիզան մինչեւ, այսպէս ասած, ոսկորներիս ուղեղը ինձ ճանաչեց, այնուհետև ես նկատեցի մի ինչ-որ փոփոխութիւն։ Դա սառնութիւն չէր դէպի ինձ, այլ մի ինչ-որ անորոշ վերաբերութիւն։ Թւում էր, որ Լիզան ինձ առաջուաց պէս սիրում է, բայց առաջուաց պէս այլ ևս չէ հրճվում ինձանով։ Նատ անդամ ես, խօսելու ժամանակ, նկատում էի նրա դէմքի վրայ մի ժպիտ, որ արտայայտում էր մի տեսակ կասկած դէպի իմ խօսքերի ճշմարտութիւնը։ Այդպիսի բոպէներում, ես շարունակ նայում էի նրա երեսին, որ հասկանամ միտքը և կարծում էի, որ նա կըշփոթվի այդ հայեացքով և ինքը կըզջայ իմ առջեւ իւր կասկածի մա-

սին։ Բայց ոչ ես էի նրա միտքն լաւ հասկանում և ոչ էլ իշ սուր հայեացքներն էին նրա վրայ ազդում։ Այս նկատելով, ես ինքս էի սկսում զջջալ։ „Ի՞նչ մանրակրկիտ մարդ եմ“, — կըրկնում էի ինքս ինձ և, մի և նոյն ժամանակ, գարձեալ սկսում էի կասկածել։ Պիտի ասեմ, Գէորգ, որ մինչեւ այդ կասկածանքը իմ մէջ յշանալը, մեր բացադրութիւնից յետոց, ես էլ փոքր առ փոքր փոխվում էի դէպի Լիզան։ Միայն այդ վոփոխութիւնը այն չէր, ինչ-որ Լիզայինը։ Ահա որն էր։ Ես քիչ առաջ քեզ համար նկարագրեցի Լիզայի կերպարանքը, և դու տեսար, որ նա, թէկւ ոչ գեղեցիկ, բայց, ինչպէս ասացի, հրաշալի էակ է։ Նա յափշտակեց ինձ, կուրացրեց միանգամայն, և ես, հիացած, չըգտայ ոչ մի պակասութիւն նրա մէջ։ Առաջին անգամ իմ մէջ ծագեց մի ցանկութիւն։ «Երանի թէ քեզ հետ խօսեմ» — ասացի մոքում։ Երբ այս ցանկութիւնս կատարվեց, և երբ Լիզան երկրորդ անգամ գաշնամուրի վրայ ածում էր և ես նայում էի նրա մատերին, «Երանի թէ կարողանամ գրաւել քեզ, Լիզա» — մոտածեցի ես։ Երբ մի փոքր համոզվեցի, որ գրաւել եմ Լիզային, «Երանի թէ կարողանամ համբուրել քո ձեռը», ասացի ինքս ինձ։ Իսկ երբ ստացայ իրաւունք նրա

ձեռներն էլ, թշերն էլ, շրթունքներն էլ ան-
թիւ անգամ համբուրել, այն ժամանակ միայն
սկսեցի զննել Լիզայի դէմքը և շատ պակա-
սութիւններ դտայ այդ դէքի վրայ։ Մի օր
ինձ թւաց, թէ նրա քիթը կարծ է, միւս
օրը ես նկատեցի, որ նրա ծնօտը մի փոքր
մեծ է և չէ համապատասխանում դէմքի ու-
րիշ մասերին, և այսպէս, ես ամեն օր մի մի
ֆիզիքական պակասութիւն էի գտնում Լի-
զայի մէջ։ Այս ամենը ես յայտնում էի իրան,
միւնոյն ժամանակ, իմ սէրը դրանով չէր պա-
կասում։ Ընդհակառակը, օր լսու օրէ նա զօրե-
ղանում էր։ Բայց մի զարմանալի բան, Գէորգ,
որի վրայ արժէ մոտածել—Երբ իմ մէջ ծա-
գեց կատկած, թէ Լիզան քիչ փոխվել է դէպի
ինձ, նրա դէմքի այդ բոլոր պակասութիւննե-
րը իսկոյն անհետացան իմ աչքում, և ես դար-
ձեալ Լիզային դտայ մի աննման հրեշտակ։ Թէ
ինչու և ինչ պատճառներից էին առաջանում
այդ փոփոխութիւնները—ես չեմ կարող բա-
ցադրել։ Դա խորը հոգեբանական մի խնդիր
է, որի վճռելը իմ դործը չէ, ես ասում եմ
այն, ինչոր զգացել եմ։

— Այսպէս, Գէորգ, ես Լիզայի մէջ նկատե-
ցի մի տեսակ փոփոխութիւն դէպի ինձ։ Կա-
րող էի դուշակել, որ այդ փոփոխութիւնը

պիտի արմատապէս փոխէր իմ կեանքը, հիմ-
նայատակ անէր կնոջ վրայ կազմած բոլոր իմ
գաղափարները, այնպէս, որ այսօր ես նրա
վրայ նայէի բոլորովին թշնամական աչքով։
Բայց այսպէս եղաւ, Գէորգ, և ուրիշ
կերպ չէր կարող լինել։ Իմ նշանակութիւնը
թուլացաւ Լիզայի աչքում այն ժամից, երբ
նա ճանաչեց ինձ, երբ նրա համար պարզեց
իմ հասարակ մահկանացուի կեանքը։ Ազատա-
սիրական գաղափարներով յափշտակված, ես
աշխատում էի նայել Լիզայի վրայ իրու ինձ
հետ հաւասար մի էակի վրայ։ Ես չէի օդ-
տփում իմ մոտաւոր զարդացման առաւելու-
թիւնով և չէի ձգտում բարձրից նայել նրա
մտաւոր կարողութեան վրայ։ Թէև մենք շատ
բաներում՝ համաձայն չէինք իրարու հետ մոքե-
րով և ես շատ անգամ հերքում էի նրա՝ կեան-
քի վրայ ունեցած՝ հայեացքները։ Բայց, միւնոյն
ժամանակ, խիստ յարգում էի այդ հա-
յեացքները և երբէք, երբէք չէի արհամար-
հում նրանց։ Եւ, հաւատացիր Գէորգ, ես որ-
քան յարգում էի Լիզայի հայեացքները և որ-
քան խոնարհում էի նրանց առջև, նոյնքան
նա աշխատում էր ինձ վրայ բռնանալ և նոյն-
քան նա ձգտում էր արհամարհել իմ մոքերը։
Այս բոլորը ես Արգոսի աչքերով տեսնում էի

և ոչ մի կէտ բաց չէի թռղնում, տեսնում էի, և, միւնոյն ժամանակ, չէի կարողանում պատճառը գտնել: Որպէս զի վերջ գնեմ Լիզայի այս անախորժ վարմունքին դէպի ինձ, ես վճռեցի մի համարձակ քայլ անել: Ես կամենում էի միանգամից իմանալ նրա միտքը:

„—Լիզա,—հարցրի ես մի օր, երկար վիճաքանութիւնից յետոց,—Լիզա, երբ պիտի վերջնականապէս վճռվի մեր վիճակը:

Այս հարցը ես առաջարկեցի յանկարծ, և Լիզան չըհասկացաւ նրա միտքը: Նա զարմացած նայեց երեսիս և հարցրեց.

„—Ի՞նչ ես ուզում ասել:

„—Ես կամենում եմ իմանալ, թէ երբ պիտի պսակվենք, —պատասխանեցի ես համարձակօրէն և շտապով, որպէս զի յետոց չըվհատվեմ և չըփոշմանեմ:

Լիզան աչքերը խոնարհեցրեց և պատասխանեց.

„—Զլդիտեմ:

„—Իսկ ես կարծում եմ, որ միայն դու գիտես:

„—Համբերիր:

„—Միթէ հօրդ կողմից արգելք կայ:

„—Ես յանձնված եմ իմ իրաւունքին, ոչ ոք չէ կարող իմ կամքին հակառակել:

„—Ուրեմն էլ ի՞նչ պատճառ կայ սպասելու:

„—Դեռ համբերիր, —կրկնեց Լիզան մի այնպիսի հրամացողական եղանակով, որ ես այլ ես չըհարձակվեցի երկարացնել:

Նոյն օրը ես բաժանվեցի Լիզայից ախուր և աչքունքս թափած: Եկաց առուն: Լիզայի անորոշ պատասխանը ինձ ականց տանջել հըմ, Գէորգ, տանջել տանջել: Ինչ տեսակ մի էակ է Լիզան, —մտածում էի ես: Ինձ թւում էր, Գէորգ, թէ նա ինձանից հեռանում է, ինչպէս երկնքի երեսին շարժվող ամպերի ասուերը: Ես ձրգտում էի հասնել այդ ասուերին, պահել նրան, չըթռղնել առաջ շարժվելու: Սակայն չէի կարողանում, հարկաւոր էր նախ ամպերը պահել, որպէս զի նրանց ասուերը կանգնի, իսկ ես շատ հեռու էի ամպերից: Նրանք երկնքումըն էին, ես երկրի երեսին: —Դա Լիզայի անգութ սիրտն էր: „Ի՞նչ պիտի անեմ, ի՞նչ կարող եմ անել“, —կրկնում էի անդադար, գլխիս մազերը փետելով: Ես երկար ժամերով մտածում էի այս մասին, և ոչ մի իմ սրտին նըսպատաւոր եղրակացութեան չէի հասնում: Օրըստօրէ ինձ համար աւելի ու աւելի պարզ վում էր, որ Լիզայի սէրը թռուլանում է դէպի ինձ: Ինչու, ի՞նչ էր պատահել, ի՞նչ մի

չար զօրութիւն յանկարծ փոխեց Լիզայի սիրտը, կամ ի՞նչ մի աներւոյթ ոյժ ինձ կերպարանափոխեց Լիզայի աչքում: Միթէ ես նախկին Արշակը չէի, որի մէջ նա զգում էր մի ինչ-որ ձգողական զօրութիւն: Ճշմարիտ էր ասում Լիզան, թէ կեղծաւորում էր, կամ գուցէ դա մի ժամանակաւոր յափշտակութիւն էր նրա կողմից: Բայց չէ, միթէ Լիզան կարող էր յափշտակիլ, այն Լիզան, որի սիրտը մինչև քսանուվեց տարեկան հասակը ոչ մի երիտասարդի համար չէր բարախել: Կամ չէ, գուցէ բարախել էր, բայց Լիզան դիմակ էր հագոնում իմ առջեւ, սուտ էր ասում, որ իմ աչքում իրան ցոյց տայ իբրև մի հերոսուհի: Կարող ես զգալ, Գէորգ, թէ որքան ինձ տրորում էին, չարչարում էին այդ չարագուշակ հարցերը: Ես չեմ կանցնել երկարօրէն քեզ նըշկարագրելու, թէ ինչ էի զգում այդ օրերում: Այսքանը կ'ասեմ, որ իմ աչքում ամենայն ինչ անհետացել էր, բացի Լիզայից: Իմ ուղեղը կաշկանդված էր նրանով: Ես սկսեցի ատել ամեն ինչ, նոյն իսկ ինքս ինձ, բացի Լիզայից: Ես ատում էի մինչև անդամ անմեղ բնութիւնը և նրա գեղեցկութիւնը: Լուսին երեկոները ես, հակառակ իմ սովորութեան, չէի դուրս դալիս փողոց: Առաջ այդ երեկոները

ինձ վրայ թէկ ծանր, բայց ախորժելի տպաւորութիւն էին անում, իսկ այժմ աննկարագրելի դասն ազդեցութիւն էին գործում: Այդպիսի երեկոներ ես փախչում էի տուն և փակվում սենեակում, որ չըտեսնեմ լրւանի երեսը:

— Այսպէս անցաւ, Գէորգ, մօտ մինչև երեք շաբաթ, — շարունակեց Արզաս Պետրովիչը, հառաչելով: — Ես շարունակում էի տեսնվել Լիզայի հետ, բայց միշտ նրա դէմքում նկատում էի նոյն կասկածաւոր ժպիտը, միշտ նա իմ հարցերին տալիս էր անորոշ պատասխաններ կամ ամեննեին չէր տալիս: Վերջապէս, մի օր պարզվեց բանը, Գէորգ, և ես գտայ գաղտնիքը: Բայց թողլ տուր Գէորգ, քիչ հանգստանալ: Ես շատ խօսեցի, գուցէ ձանձրացել ես, կարող եմ մնացեալը մի ուրիշ անդամ պատմել:

— Նմտ է մնում, — հարցրեց Գէորգը:

— Քիչ է մնում, վերջը ես մէջտեղ պիտի բերեմ մի զարմանալի անձնաւորութիւն: Նարունամկեմ:

— Եթէ այդքան ես խօսես, ես դարձեալ չեմ ձանձրանալ, վերջացրու, — պատասխանեց Գէորգը:

Անցան մի քանի լուսէներ, Արզաս Պետրովիչը հանգցրեց ծխախոտը և շարունակեց.

— Մի օր, իրիկնագէմին, ես գնացի Բա-

դամնվերի տուն։ Այդ այցելութիւնը պատկանում էր Մարտին Բուղդանիչին։ Քանի ժամանակ էր նրա երեսը չէի տեսել։ Ես ծառային հրամայեցի յայտնել իմ մասին, և քանի մի վայրկեանից ցեսոյ ծառան վերագառնալով, մի հեգնական ժպիտ երեսին (զուցէ ինձ այսպէս թւաց), հրաւիրեց ինձ դահլիճ։ Ես ներս մշտայ։ Մարտին Բուղդանիչը, մէջքը բազկաթունին տուած, ծխում էր իւր երկար չիբուխը։ Նրա աջ կողնում նստած էր Եւգենիան իւր լըպտածի հետ, որ մի ինչ-որ դիրք էր թերթում ձեռում։ Լիզան, նստած դաշնամուրի դէմ, շտապով դէս ու դէն էր թերթում՝ նօտաների տեսրը։ Մարտին Բուղդանիչի դէմ ու դէմ նստած էր մի, ինձ համար անծանօթ, հիւր։ Երբ ես ներս մտայ, Մարտին Բուղդանիչը բարձրացաւ տեղից ինձ բարեկելու։ Լիզան կէս պաշտօնական քազաքավարութեամբ մօտեցաւ և հարցրեց շտապով. „ինչպէս էք“։ Ես հերթով ամենին ձեռ տուեցի։ Երբ հերթը հասաւ Եւգենիային, նա ինձ վրայ ձգեց առաջուանից աւելի հեգնական և, կարող եմ ասել, անպատկառ մի հայեացք։ Իսկ նրա ֆրանտը իւր յիմար լնդերքը բացեց և նեղ ճակատի տակից աղեղնաձե աչքերը ինձ վրայ չուցեց։

— Սերգէ Միխայլովիչ, ներկայացնում եմ

ձեզ բարեկամիս, բժիշկ Արգաս Պետրովիչ Մախուղեանին, — ասաց Մարտին Բուղդանիչը։ Բազկաթուով ձրձուաց, Գէորգ, և նրա միջից բարձրացաւ մի հսկայ։ Նա, մի փոքր իմ կողմ շուռ գալով, քթի տակ մրմրթեց իւր ազգանունը և լայն ու երկար ձեռը մեկնեց ինձ։ Ես սեղմեցի այդ հսկայական ամուր ձեռը և, հազիւ հազ լսելով նրա ազգանունը «Ակթեան», տեղաւորվեցի բազկաթուներից մէկի վրայ։ Հսկան, ուղղելով իւր սե ու երկար սիւրտուկի փեշերը, կրկին թաղվեց բազկաթուոի միջ։ Դա մօտ երեսունուհինգ տարեկան, պարթե հասակով, լայն թիկունքներով, երկար բազուկներով, խոշոր աչքերով և գեղեցիկ, բայց մուայլ դէմքով մի տղամարդ էր։ Նրա երեսից, շարժուածքից, կազմուածքից, նոյն իսկ հագուստից բուրում էր մի գազոնի ոյժ։ Ես նացեցի նրա կարծ խուզած սե մազերին ու միրուքին, թանձը բեզերին, որ հովանաւորում էին նրա սեղմկած շրթունքները, նայեցի նրա հայկական արծուաննան քթին և, չըգիտեմ ինչու, մոքումն ասացի «լաւ է»։ Լիզան դաշնամուրը թողեց, որի վրայ մինչեւ իմ գալը պատրաստվում էր ածելու, և եկաւ նստեց մեր շարքում, հսկայի դէմ ու դէմ։ «Անչու իմ

գէմ չընստեց», —անցաւ իսկոյն իմ մաքով, բայց
ես իսկոյն էլ մոռացայ այդ:

Մարտին Բուղդանիչը կարծառոս կերպով
ծանօթացրեց ինձ և նոր հիւրին իրարու
հետ: Ես նրա հատ ու կտոր բացադրութիւն-
ներից իմացայ, որ Սեթեանը իւր ամենահին
բարեկամներից մէկի որդին է, նոր է վերա-
դարձել Գերմանիայից, ուր ուսումնասիրել է
մի ինչ-որ մասնագիտութիւն և այժմ մտադիր
է Թիֆլիզի շրջակայքում գործարան բանալ:
Թէ ինչ էր նրա մասնագիտութիւնը և ինչ
գործարան պիտի բանար, —դա ես չ'իմացայ:
Ինքը Սեթեանը ոչինչ չըխօսեց: Փոքր առ փոքր
մեր խօսակցութիւնը մանր բաներից անցաւ
աւելի նշանաւոր հարցերի վրայ: (Մարտին
Բուղդանիչի ներկայութեամբ անկարելի էր
բաւականանալ չնչին հարցերով):

Սեթեանը լուս էր, միայն երբեմն Մարտին
Բուղդանիչի այս կամ այն հարցին պատասխա-
նում էր «այս կամ «ոչ» և ուրիշ ոչինչ: Նա
ոչ ոքի երեսին չէր նայում: Բայց երբ թանձը
բեղերը բարձրացնում էր, որ արտասանի իւր
«այս»-ն կամ «ոչ»-ը, ամենը նայում էին նրա
երեսին: Որովհետեւ ամենի հաջեացքների կեն-
տրոնը նա էր, վասն որոյ ես ևս, կարծես,
ինստինկտաբար, մտիկ էի անումնրան: Իրաւ,

Գէորգ, արժէր նայել այդ առնական գեղեցիկ,
մռայլ և գրաւիչ դէմքին: Բայց ես այնքան
հաւատ չէի ընծայում այդ դէմքին և զգում
էի, որ նրա զօրութիւնը լրութեան մէջ է և
եթէ Սեթեանը սկսի շատ խօսել, իսկոյն կը
կորցնի բոլոր իւր նշանակութիւնը: Ես նե-
րում էի ամենին և նոյն իսկ ինձ, որ այդ-
պէս ստրկաբար հպատակվում էինք այդ մար-
դուն, բայց չէի կարողանում ներել միայն Լի-
զային: Ինչու է նա այդպէս խոր մաիկ անում
այդ նոր հիւրին, մինչդեռ սա արժան էլ չէ
համարում երեսը շուռ տալ գէպի նրա կողմ:
Դեռ դա ոչինչ. ինչու ինձ վրայ չէ ուզում
նայել Լիզան: Ինչու, երբ նա մեղ մի հարց է
առաջարկում, և երբ ես եմ պատասխանում այդ
հարցին, ուշագրութիւն չէ դարձնում ինձ
վրայ:

Կասկածը դարձեալ սկսեց որդինի նման ու-
տել իմ սիրտը, ծագեց իմ մէջ մի նոր, մինչեւ
այդ ժամանակ անձանօթ, զգացում, որ աւելի
վտանգաւոր էր, քան թէ հասարակ կասկածը:
Դա այն զգացումն է, Գէորգ, որ մի քանի
իմաստասէրներ հերքում են զարգացած մար-
դու մէջ: Զընաւատամաս, Գէորգ, սուտ է, այս
մարդիկ իրանք, երեխ, չեն սիրահարվել և այդ
պատճառով չըգիտեն, որ ինչ տեղ կաց սէր,

այնտեղ կայ նոյնպէս և խանդոտութիւն։ Մէկը առանց միւսի անհասկանալի է, և որքան զօրեղ է մէկը, նոյնքան զօրեղ է և միւսը։ Ե՞նչ, ինչ երկարացնեմ, Գէորգ, ես ասնջվում էի, բարկանում էի Լիզայի վրայ, տաքանում էի ինքս իմ մէջ, շփոթվում էի։ Լիզան հասկանում էր այդ, բայց, մի և նոյն ժամանակ, կարծես, իմ մէջ այդ նոր զգացումը աւելի զօրեղացնելու համար, չէր փոխում իւր վարմունքը։ Վերջապէս, մեր խօսակցութիւնը դարձաւ բժշկականութեան վրայ։ Այդ տարի Թիֆլիզում մի վարակիչ հիւանդութիւն կար, ուստի ամենին հետաքրքրեց այդ հարցը։ «Ահա, վերջապէս, իմ ասուարէզը, — մտածեցի ես — այժմ ես կը դառնամ ամենքի ուշադրութեան կենտրոն, բոլորը ինձ կը լսեն, իսկ քեզ, Լիզա, ցոյց կը տամ, թէ ով է յաղթողը»։

„ — Արզաս Պետրովիչ, — զիմեց ինձ, վերջապէս, Մարտին Բուղդանիչը, — ինչպէս էք կարծում, ինչու բժշկականութիւնը անկարող է առնել այդպիսի հիւանդութիւնների դէմ։

„ — Դա առողջապահութեան գործն է և ոչ թէ բժշկականութեան, — պատասխանեցի ես, ամեն մի բառը առանձին շեշտելով, որպէս զի ունենամ իմ ցանկացած ազդեցութիւնը։

Ես նայեցի Լիզային, բայց նա երեսը շուռ տուեց ինձանից։ Դա ինձ շփոթեց, բարկացրեց և յուղեց։

„ — Մինչև հիւանդութեան երեալը, բայց երբ նա երևեց, — կրկին հարցրեց Մարտին Բուղդանիչը։

„ — Այնուհետև, ի հարկէ, բժշկականութեան գործն է, — պատասխանեցի ես տաքացած, — բայց թէ ինչու չէ կարողանում բժշկականութիւնը վերջ տալ այդպիսի հիւանդութիւններին — դա նրանիցն է, որ այդ հիւանդութիւնների մասին գեռ շատ մութ խնդիրներ կան նրա համար չըսպարզված։

Այս ասելով, ես անդիտակցաբար նայեցի Սեթեանի երեսին։ Ինչու, ինքս էլ չըգիտէի։ Իսկ նա դարձեալ ոչ ոքին չէր նայում, դարձեալ լուռ էր և, կարծես, վճռել էր բնաւ չը խօսել։

Մարտին Բուղդանիչը, չըբաւականանալով իմ պատասխանով, դիմեց նոր հիւրին։

„ — Ձեր կարծիքը ինչ է, Սերգէ Միլսայլովիչ։

Սերգէյ Միլսայլովիչ Սեթեանը գլուխը թեքեց բազկաթոռի մէջքին, ձեռները տարծեց աջ ու ձախ, բեղերը յամրութեամբ շար-

ԺԵՑ և խորհրդաւոր եղանակով պատասխանեց
չորս խօսք.

„—Բժշկականութիւնը դրական գիտու-
թիւն չէ:

Այնուհետև նա կրկին զլուխը թեքեց կըրծ-
քին, բեղերը հաւաքեց և լռեց: Ամենը իրանց
հայեացքները բեեռեցին նրա բերանին, կար-
ծես, սպասելով, որ նա շարունակի: Բայց նա
լռեց: Ես մտիկ արեցի նրա երեսին, և նա այս
անգամ ինձ վրայ մի ահազին ժայռի տպաւո-
րութիւն գործեց: Թւում էր, թէ ոչ մի ոյժ
չէ կարող նրանից աւելի խօսք դուրս քաշել:
Բայց ինչ ասաց նա, ոչինչ—գրեթէ միւնոյնը,
ինչոր ես ասացի մի քիչ առաջ: Ինչու ոչ ոք
չընայեց ինձ վրայ, ոչ ոք նշանակութիւն չը
տուեց իմ սպատասխանին: Ինչու այժմ Լիդան
սարկաբար նայում է նրա երեսին, կարծես,
սպասելով որ այդ ժայռը մի չնչին հայեացք
ձգի իւր վրայ:

„—Ի հարկէ,—շարունակեցի ես Սեթեանի
փոխարէն,—բժշկականութիւնը մատեմատիքա-
կան գիտութիւն չէ, նա չունէ որոշ և անսխալ
ֆօրմուլաներ, որոնց հիման վրայ կարողանար
անհերքելի եղբակացութիւններ անել: Բայց
նա, այսու ամենայնիւ, գիտութիւն է և շատ
օգտաւէտ գիտութիւն...

Ես այս վերջին խօսքերը աւելացրի տա-
քացած և ձայնս բարձրացնելով: Ինչպէս տես-
նում ես, Գէորգ, անտեղի էին այդ խօսքերը,
բայց ես չըհամբերեցի և, զգալով, որ Սեթեա-
նը ծաղրում է իմ մասնագիտութիւնը, ուզե-
ցի ինձ պաշտպաններ: Այս, երանի թէ պաշտ-
պանած չըլինէի, երանի թէ ես էլ լռել էի:

„—Նա ինչ գիտութիւն է, որ որոշ եզրա-
կացութիւններ չըգիտէ անել, —մէջ մտաւ Լի-
դան, մի սպանող հայեացք ձգելով ինձ վրայ,
որ նա, իսկոյն մեղմացնելով, գարձրեց դէպի
Սեթեանը:

Արիւնս գլխովս տուեց:

„—Բժշկականութիւնը ես չեմ սիրում,—
աւելացրեց լպատած Փրանտը, իւր կարմիր
լնդերքը ցոյց տալով ինձ:

„—Նատ շահասէր մարդիկ են բժիշկները,
նամանաւանդ հայ բժիշկները, —ներս պրծաւ
տաելի Եւգենիան, իւր արհամարհական հա-
յեացքը ձգելով ինձ վրայ:

Գուցէ, եթէ զսպէի ինձ, կարողանայի տա-
նել այդ ինկվիզիցիան, բայց ես, Գէորգ, չը
զսպեցի, և ոչ թէ այդ կոպիտ նկատողութիւն-
ների պատճառով: —Ոչ, ես կարող էի Եւգե-
նիայի և Փրանտի նման իդիոտների կարծիքը
արհամարհել, բայց ես չըկարողացայ մարսել

Լիզային նկատողութիւնը։ Ամենից առաւել ես
նրա դէմ վրդովվեցի։ „Զարմանում եմ, — ասացի ես բարկուա-
թիւնիցս կարմրելով և շրթունքներս կրծոտե-
լով, — զարմանում եմ, ինչպէս համարձակվում
են մարդիկ դատողութիւն անել այնպիսի բա-
ների վրայ, որոնց մասին գրօշի հասկացողու-
թիւն չունեն։

Լիզան ժպտաց։ Սեթեանը աչքի տակով
սառնութեամբ նայեց երեսիս։ Եւգենիան քըռ-
քըռ անամօթութեամբ սկսեց ծիծաղել։ Լուս-
տած ֆրանտը հետեւեց նրան։ Իսկ Մարտին
բուդանիչը դարձաւ ինձ և ասաց մեղմու-
թեամբ։

„Արզաս Պետրովիչ, ներեցէք, ես կար-
ծում եմ, որ Եւգենիան և Իվան Տարասիչը
(լզստածի անունը այսպէս էր) ձեզ վիրաւո-
րելու նպատակով չասացին այդ։

Աւելի յիմար դրութիւն չէր կարող լինել։
Խելօք մարդը իմ տեղը իսկոյն դտակը կը
վերցնէր և դուրս կըդար։ Այն ինչ՝ ես կէս
ժամու չափ ևս նստեցի, որպէս զի մի կերպ
կարողանամ վրէժս հանել ինձ վիրաւորողնե-
րից։ Բայց այլ ևս ոչ ոք չըխօսեց։ Մարտին
բուդանիչը, այդ անախորժ դէպքի տպաւո-
թիւնը ջնջելու նպատակով, իսնդրեց Լի-
րութիւնը ջնջելու

զային դաշնամուր նուագել։ Այս անգամ Եւ-
գենիան կտրեց քրոջ առաջը, որ ինքը խաղայ։
Ես մի փոքր լսեցի և յետոյ դտակս վերցրի ու
ջախջախված սրտով դուրս եկայ, չընայելով
Մարտին Բուդանիչի հրաւերին՝ թէյի սպա-
սելու։

Թէ ինչպէս անցկացրի մնացեալ օրը և
գիշերը, ես չեմ պատմիլ քեզ, Գէորգ։ Հետե-
ւեալ առաւօտ վճռեցի գնալ և Լիզայից բա-
ցադրութիւն պահանջել։

Այլիրական ժամանակն էր, երբ ես մտայ
նրա մօտ։ Բարեբաղդաբար, նա մենակ էր։
Մարտին Բուդանիչը կլուբում լրագիրներ էր
կարդում, իսկ Եւգենիան իւր լզստածի հետ
չըգիտեմ ինչ տեղ էր կորել։ Լիզան ընդու-
նեց ինձ սառնութեամբ և, հաղիւ հազ իւր
մատերի ծայրերը շփելով ձեռիս, հրաւերեց
նստել։ Ես վճռեցի իսկոյն և եթ սկսել։

„Լիզա, ես եկել եմ քեզանից բացադրու-
թիւն խնդրելու, — ասացի ես։

„Ասա՞։

„Ի՞նչ էր նշանակում երեկուայ քո վար-
սունքը։

„Ես չեմ հասկանում, ինչ ես ուզում ասել։

„Դու մի՛ թագցնիլ, Լիզա, ուղիղն ասա,
ինձ սիրում ես։

Ական լոեց: — Ձիմակար ավագ
 ապահովում, նրան ես սիրում: Ամենը
 ականի դէմքը շառագունեց: Ես այնքան
 յուզված էի, որ Սեթեանի անունը չէի ու-
 ղում ցիշել:
 „Սիրում ես, սիրում ես նրան, — հարցը
 ես, բռնելով նրա թեր:”
 Նա թեր լսեց ինձանից:
 — Ուսիր համար ես ասում, — հարցրեց,
 վերջապէս, Ական վրովված:
 „Սեթեանի, — պատասխանեցի ես, հազիւ
 հազ կարողանալով արտասանել այդ չարագու-
 շակ անունը:
 „Զըդիտեմ ինչ հիման վրայ ես դու
 այդպէս կարծում:
 „Հիմնվելով երեկուայ քո վարժոնքի
 վրայ:
 „Օրինակ:
 „Դու ամբողջ ժամանակ նայում էիր
 նրա երեսին:
 „Միթէ արգելված է մարդուն՝ նայել
 մարդու երեսին:
 „Բայց ինչու ինձ վրայ չէիր նայում:
 „Համ համ համ — ծիծաղեց Ական:
 Ես առելի բարկացայ:

„ — Դու ծիծաղում ես ինձ վրայ, Ական,
 դու ծաղրում ես ինձ, — ասացի ես ձկրկին
 բռնելով նրա թեր:
 „ — Կան հարցեր, որոնց պատասխանը մի-
 այն ծիծաղն է, — պատասխանեց նա, կրկին
 թեր խլելով ձեռից:
 „ — Ուրեմն իմ հարցը շատ յիմմր հարց է
 քո կարծիքով:
 „ — Զըդիտեմ, ինքոդ դատիր:
 Մի քանի վայրկեան ես լսեցի: Զըդիտեմ
 ինչ ասել:
 „ — Ական, սպարզիր ինձ քո միտքը, — խօսեցի
 ես, վերջապէս:
 „ — Ի՞նչ ես ուզում:
 „ — Ինձ սիրում ես:
 Ական դլուխը թեքեց կրծքին, մի քանի
 վայրկեան մոտածեց և յանկարծ, կրկին բարձ-
 րացնելով, վճռողական եղանակով ասաց:
 „ — Զեմ սիրում:
 „ — Պատճառ:

„ — Հա հա հա, — կրկին ծիծաղեց Ական
 անգթութեամբ:
 „ — Զեմ կարծում, որ այս հարցը ես ծիծա-
 ղելի լինի, — ասացի ես, ձայնս բարձրացնելով:
 „ — Աւելի ծիծաղելին չէր կարող լինէր, —
 պատասխանեց նա:

„—Բայց ես քեզանից բացադրութիւն եմ
 պահանջում:
 „—Ես ասացի քեզ, որ չեմ սիրում:
 „—Պատճառն եմ հարցնում:
 „—Կամենում ես պարզն ասեմ:
 „—Ասա՞:
 „—Լսիր, լսեցէք: Ես քո, ներողութիւն,
 ես ձեր մէջ այլ ես չեմ տեսնում այն ոյժը,
 որ ինձ յափշտակեց, ինձ, որ մինչև քսանուվեց
 տարեկան հասակս ոչ ոքով չէի յափշտակվել:
 „—Ինչու, միթէ ես փոխվել եմ:
 „—Չըգիտեմ, դուցէ դուք միևնոյնն էք,
 բայց այն օրից, երբ ես ձեզ բոլորովին ճա-
 նաչեցի, դուք իմ աչքում հաւասարվեցիք հա-
 սարակ մարդկանց հետ:
 „—Միթէ դու կարծում էիր, որ ես հա-
 սարակ մահկանացու չեմ:
 „—Այնքան էլ թեթևամիտ չեմ, որ ձեզ
 անմահի տեղ ընդունէի: Բայց ես ձեր մէջ չեմ
 տեսնում այն զօրութիւնը, որ հալատակեցնում
 է կնոջ, որ ստրկացնում է նրան: Տղամարդը
 պէտք է ունենայ այդ ոյժը:
 „—Ախար դա ինչ զօրութիւն է, Լիզա,
 որ դու ինքդ էլ բացադրել չես կարողանում,
 —հարցը ես խեղդված ձայնով:
 „—Առաջ չըգիտէի ինչ զօրութիւն է,

այժմ պարզվեց ինձ համար: Դա այն զօրու-
 թիւնն է, որ տղամարդին պահում է կնոջ
 համար մի անհասանելի բարձրութեան վրայ:
 Կինը միշտ պիտի ձգտէ մօտենալ այդ բարձ-
 րութեան, բայց չըկարողանայ հասնել: Եթէ
 հասաւ, այնօրուանից տղամարդը կընկնի նրա
 աչքում, և նա այլ ես չէ կարող սիրել տղա-
 մարդին, ինչպէս այժմ ես չեմ կարող այլ
 ես սիրել ձեզ, պարոն Մախսուդեան:
 „—Լիզա, դու հերոս ես որոնում, ախ,
 ոչ, ներողութիւն, դուք, դուք հերոս էք որո-
 նում, երեխ, վիպասանութիւն շատ էք կար-
 գացել:
 „—Դիցուք թէ հերոս եմ որոնում, միթէ
 չէ կարելի գտնել:
 „—Ամենալին: Հերոսները գոյութիւն ու-
 նեն միայն վէպերում: Վիպասանի երեակայու-
 թիւնն է ստեղծում նրանց: Դուրս բերէք
 ձեր գլխից այդ ցնորքը:
 „—Փաղաքավարութեան սահմանից մի՛ դուրս
 դաք, —ընդհատեց ինձ յանկարծ Լիզան հրա-
 մայողական ձայնով: Ես ցնորքած չեմ, ոչ էլ
 յափշտակված վիպասանների երեակայութեան
 պոտոզներով: Եթէ ուզում էք ինձ լաւ ճանա-
 չել, լսեցէք. ես փիլիսոփայ եմ:
 „—Փիլիսոփայ, —կրկնեցի ես զարմացած:

„—Փիլիսոփայ եմ, այն, մի քիչ փիլիսոփայ եմ,—պատասխանեց Լիզան։ Ես ունեմ սեպհական փիլիսոփայութիւն և դատում եմ, նրա վրայ հիմնվելով։ Եթէ կամենաք, ես կարող եմ ասել ինչ է իմ փիլիսոփայութիւնը։

„—Կըցանկանալի իմանալ, —պատասխանեցի ես հետաքրքրված, միւնոյն ժամանակ, կասկածելով, մի գուցէ Լիզայի ուղեղը խալսուել է։

„—Ահա նա կարծ խօսքով։ —Մարդը բնուութիւնից ծնված է կամ ստրուկ լինելու կամ ստրկացնելու ձգուումներով։ Երբ երկու է ակներ, դիցուք այլ և կին, միանում են բաղդաւոր ապրելու համար, նրանցից մէկը պիտի լինի ստրուկ, միւսը՝ նրա տէրը։ Ուրիշ կերպ անհնարին է, որ նրանք բաղդաւոր լինեն։ Նրանց միացնող կապը չէ կարող առանց դրան ամուր լինել։

„—Այսինքն այնպէս, ինչպէս ասիական ընտանիքներում, ուր մարդը կնոջ տէրն է, —հարցրի ես, աւելի ու աւելի զարմանալով։

„—Ամենեին, —պատասխանեց Լիզան, —ամենեին։ Այնտեղ տիրում է բռնակալութիւն և ոչ թէ ստրկութիւն։ Այնտեղ կինը հպատակում է մարդու արտաքին իրաւուքներին։ Ես

խօսում եմ այն բարոյական և հոգեկան առանձնայատկութիւնների մասին, որոնք մի է ակին անգիտակցաբար հպատակեցնում են միւսին։ Լաւ լսեցէք, անդիտակցաբար եմ ասում և ոչ թէ դիտակցաբար։

Այս խօսքերից յետոյ Լիզան լոեց։

„—Բայց ինչու պիտի միայն տղամարդը ունենաց իւր մէջ այդ ձեր ասած հոգեկան գօրութիւնը, —հարցը ես։

„—Երկուսից մէկը, կամ կինը կամ տղամարդը։ Իմ կարծիքով, լաւ է, որ տղամարդը ունենաց այդ ոյժը։ Ես զգում եմ, որ կնոջ համար աւելի դիւրին է և քաղցր հպատակիել քան թէ հպատակեցնել։ Հենց այդ հպատակութիւնն է, որին մարդիկ սիալմամբ անուանում են կնոջ սէր։ Ես այսպէս եմ հասկանում։

„—Դա սիալ գաղափար է, օրիորդ, —ընդհատեցի ես։

„—Սլամ թէ ուղիղ, բայց իմ համոզմունքն է։

„—Եւ դուք երբէք չէք փոխելու։

„—Երբէք։

„—Ուրեմն իմ մէջ չըկաց այդ զօրութիւնը։

„—Չըգիտեմ, բայց, ով դիտէ, գուցէ կայ ես չեմ զգում։ Եթէ զգայի, այս խօսակցու-

թիւնը մեր մէջ չէր լինի և ես կըհետևէի ձեզ
անդիտակցաբար, ուր որ դուք գնայիք:
 „Բայց մւմի մէջ էք զգում, —հարցրի ես:
 „Բաւական է, չափից մի՛ անցնէք, —պա-
տասխանեց Լիզան խտութեամբ:
 „Ուրեմն ձեր սէրը դէպի ինձ...
 „Ես պատասխանեցի արդէն այդ հարցին,
և մեր մէջ ամեն ինչ վերջացած է, —ընդհա-
տեց խօսքս Լիզան և, ձեռով մի վճռողական
շարժում անելով, բարձրացաւ տեղից:
 Ես ոչխարի պէս մի րոպէ ապշած նայեցի
նրա երեսին, յետոյ կոկորդիս մէջ զգացի մի
ճնշում: Կարծես, մէկը խեղդում էր ինձ:
 Լիզան ինձ նայեց և ասաց.
 „Դուք արտասվում էք, դա պատիւ չէ
բերում տղամարդին:
 Իրաւ որ ես յիմարս արտասվում էի, Գէորգ,
և շատ դառն էի արտասվում: Բայց Լիզայի յան-
դիմանութիւնը մի րոպէ իմ մէջ վառեց առ-
նական ինքնասիրութիւնս: Ես գտակս վերցրի
և ասացի.
 „Մնացէք բարով:
 „Գնացէք բարով, կարող էք այցելել, եթէ
ուզում էք, —պատասխանեց Լիզան, ձեռը մեկ-
նելով ինձ:

„—Ոչ, յաւիտեան, յաւիտեան, —կրկնեցի
ես և շտապով դուրս եկայ:
 Այստեղ Արզաս Պետրովիչը յանկարծ լռեց
և, գրպանից թաշկինակը հանելով, սրբեց ճա-
կատը, ուր քրտինքի կաթիլ անգամ չըկար:
 Նա այնպիսի արագութեամբ և ամուր էր
քսում թաշկինակը, որ, կարծես, այդպիսով
ուզում էր հեռացնել իրանից անցեալի վշտալի
յիշատակները: Գէորգը, որ մինչև այդ ժամա-
նակ լուռ ու մունջ, աչքերը յառած իւր բա-
րեկամի երեսին, խորին ուշադրութեամբ լսում
էր նրա պատմութիւնը —անհամբերութեամբ
հարցրեց.
 —Յետո՞յ:
 —Յետոյ, էլ ինչ յետոյ, —պատասխանեց
Արզաս Պետրովիչը, խորը հառաչելով: Յետոյ,
բարեկամն, ընկայ այն դրութեան մէջ, որից
դուրս գալու համար միայն երկու ելք ունէի —
կամ ինքնասպանութիւն կամ մոռացութիւն:
 Բարեբաղդաբար, վճռեցի գիմել երկրորդ միջո-
ցին: Հանգամանկըների բերմամբ կառավարու-
թիւնը ինձ պաշտօնով փոխադրեց ուրիշ քա-
ղաք: Այստեղ ինձ յաջողվեց մի տարուայ ըն-
թացքում դուրս բերել սրտիցս Լիզային: Լի-
զայի հետ իմ մէջ մեռն և' սիրոյ զգացումը ու

Հաւատը դեպի կին ասված էակը։ Իսկ թէ որ-
քան ծանր և տաժանելի էր ինձ համար այդ
մի տարին, ես չեմ պատմիլ, Գէորգ, որովհետեւ
առանց նրան էլ պատմութիւնս խիստ երկա-
րացաւ։
Այս ասելով, Արզաս Պետրովիչը արագութեամբ
բարձրացաւ տեղից, ժամացոցին նայեց և ասաց.
—Բարի գիշեր։
—Սպասիր, —պահեց նրան Գէորգը, — դու
դեռ չես աւարտել քո պատմութիւնը, ուր ես
շտապում։
—Ես աւարտեցի, —ասաց Արզաս Պետրո-
վիչը, գլուխկը հագնելով։
—Իսկ Լիզան։
—Միթէ դա հետաքրքրելի է։
—Գոնէ ինձ համար խիստ հետաքրքրելի է։
—Յիշում ես այն երեկոն, երբ Մուշտա-
ցիդում ես ու դու զբոնում էինք։
—Յիշում եմ, —պատասխանեց Գէորգը,
Նոյնպէս բարձրանալով տեղից։
—Յիշում ես, երբ մենք նստած թէյ էինք
լսմում, մեր առջեով անցաւ մի առողջ զոյտ,
որին ես բարեեցի։
—Այն գեղեցիկ կինը և այն բարձրահա-
սակ տղամարդը, —հարցրեց Գէորգը հետաքր-
քրվելով։

—Համար Գեղեցիկ կինը Լիզան էր, իսկ բարձ-
րահասակ տղամարդը — մոայլ Սեթեանը։
—Ուրիշնին...
—Պահկիւլ են վաղուց։
—Բայց ինչպէս են ապրում։
—Դա չըգիտեմ, միայն համոզված եմ, որ
Սեթեանը այժմ էլ լսում է և Լիզայի տասը
հարցին մի պատասխան չէ տալիս։ Տասը
հարցին մի պատասխան չէ տալիս և իւր
գլուխը ու սիրտը չէ պարզում նրան, ինչպէս
ես արեցի լիմարաբար։
—Տասին մէկ պատասխան չէ տալիս, —
Կրկնեց Գէորգը։
—Տասին մէկ։
—Ուրիշ ոչինչ։
—Ուրիշ ոչինչ։
—Բարի գիշեր, տաներկու ժամն է։
—Սպասիր, իսկ Եւգենիան, լպստածը, Մար-
տին Բուղդմնիչը, — հարցրեց իրարու ետեից
Գէորգը։
—Այ, դա հետաքրքրելի չէ։ Բարի գիշեր,
քունս տանում է։
—
Արզաս Պետրովիչը հեռացաւ։ Գէորգը մնաց
մենակ։

— Աղորմելի մարդ, — ասաց նա, — միայն մի
փորձով կնոջ վրայ այդպիսի գաղափար է
կազմել:

Այնուհետև նա մի քանի վայրկեան ընկաւ
մտածման մէջ և յետոյ, ձեռը ճակատին խփե-
լով, աւելացրեց.

— Բայց արժէ մտածել Լիզայի փելիսո-
փայութեան մասին:

1885 թ.



ՀՀ Ազգային գրադարան



NL0351707

62	Պատառեօր, Ա.	Բալազեանի	և Ա.	Բալանթարի	—	20					
63	Խոլերա,	բժ.	Վ.	Արծրունու	.	—	5				
64	Խարազի	տղակ,	Ս.	Բամալեանի	.	—	40				
65	Հանրամատչելի	ընալսօսութիւն Ա.	Լուս-	կեվիչի.	թարգմ.	Կ.	Գիւլնազարեան	.	—	1	—
66	Փարաւոնի	աղջիկը.	Էքերսի	թարգմ.	Գ.	։	։	։	։	։	—
67	Շահբուղազեանի	—	80				
68	Խուն-խոր,	Յ.	Ղազարեանցի	.	.	—	60				
69	Էլզուշա	վէպ	թարգ.	Տ.	Փիլումնանցի	.	—	45			
70	Դրախտի	ընտանիք,	Խրիմեան	Հալքիկի	.	—	50				
71	Սիրաք	և	Սամուէլ,	Խրիմեան	Հալքիկի	.	—	50			
72	Զրուցներ	հողի	մասին	Ս.	Բալազեանի	.	—	15			
73	Աստղաբաշխութիւն	Ֆլամարիոնի	.	.	.	—	1	—			
74	Մանուկների	հոգատարութիւնը	Ե.	Ա.	Պօկ-	.	—	—			
	րօվմկիչ,	թարգ.	բժ.	Թ.	Զաքարեան	.	—	20			
75	Մուկուչի	հաւիկը,	Պ.	Նեղվանով	.	—	15				
76	Երկու	հեքեաթ,	Կարմեն.	Սիլվանի.	.	—	40				
77	Կովկասի	գերին,	Լ.	Տօլմասի	թարգմ.	Պ.	Պ.	—	20		
78	Անձունի	բաղիկ,	Անդերսէն.	.	.	—	5				
79	Վեպիկներ,	Շիրվանզագէի.	.	.	.	—	40				

Գիւնն է 40 կոպ.